



श्रीयुतज्ञानअमीधारा सीरीज नंबर ५

विश्वहितबोधिदायक श्रीअमीविजयगुरुभ्यो नमः

सुगृहीतनामधेय श्रीमन्नोमिचंद्रसूरीश्वरगुम्फितं

# श्रीअनन्तनाथचरित्रादुद्धृतं पूजाष्टकम्



संपादक

आचार्य विजयक्षमाम्बरसूरिः

प्रकाशक

शाह रायचंद गुलाबचंद मु० अच्छरी, पोष्ट मिलाड (गुजरात)

विक्रम संवत् १९९७

वीरस २४६६

इसवी सन १९४०

---

Published by Shah Raychand Gulabchand, Acchhari Station Bhilad, B. B. & C. I. Ry.

---

Printed by Ramchandra Yesu Shedge, at the Nirnaya Sagar Press, 26-28,  
Kolbhat Street, Bombay.

---

प्राप्तिस्थानम्—आचार्य श्रीविजयदानसूरीश्वर जैनग्रन्थमाला गोपीपुरा—मु० सुरत. पोष्टेज पेकिंग खर्च चार आना

श्रीश्रुतज्ञानअमीधारा ग्रन्थाङ्क नं. ५  
श्रीमन्नेमिचन्द्रसूरीन्द्रगुम्फितं

## श्रीअनन्तनाथचरित्रादुद्धृतं पूजाष्टकम् ।

विश्वहितबोधिदायकश्रीअमीविजयगुरुभ्यो नमः ।

जयइ जुगाइजिणिंदो परिविलसिरसमवसरणचलूवो । चागरिउं पिव सुहदाणसीलतवभावणाधम्मे ॥ १ ॥ सो  
जयइ जिणोणंतो देसणइसणसुणो सया जसस । केवलरविकिरणा इव तममवर्णिता वियंभति ॥ २ ॥ सिरिवद्धमाण-  
सार्मिं नमामि कणयाभदेहदितीए । कुणमाण पिव भुवण सबपिय अत्तणो तुल ॥ ३ ॥ सम्मत्तनिबलत्त किरियाए जीए  
होइ त फहइ । जह निच्चपि हु पहु सिद्धिसाहयं तं करेमि अहं ॥ ४ ॥ तो आह तिजयनाहो नरिंद निसुणेतु तस्स  
निबलया । जायइ जिणपूयाए भतीए तिसब्बविहियाए ॥ ५ ॥ जिणपूया पावहरी जिणपूया जायए भवतकरी । जिण-  
पूया सद्याणवि कल्लणमणीण भडारो ॥ ६ ॥ अवहरइ दरिहत्त पणामए तिजयलच्छिविच्छइं । जिणपूया कीरत्ती पणा-  
सए सघटुरियाइं ॥ ७ ॥ कुसुमक्खयफलजलधूवदीवनेवज्जावासनिम्माया । पूया जिणेसरणं सा अट्टविहा विणिहिद्धा  
॥ ८ ॥ वरपरिमलेहिं कुसुमेहिं पूयए जो जिणे सबहुमाण । पूयापत्तं जायइ जिणप्पसाया गुरूणवि सो ॥ ९ ॥ जो  
जिणपयपजमपुरो पूयत्थं खिवइ अक्खए खिप्पं । सासयसोक्खे मोक्खम्मि अक्खओ होइ सो पत्तो ॥ १० ॥ एक्के-  
णावि फलेणं जिणरत्तो जो उवायणं कुणइ । ता तप्पसायओ लहइ सो धुवं सबसिद्धिसिरिं ॥ ११ ॥ पत्तगएण जिणिंदं

जो सच्छस्साउसीयलजलेण । पूंयइ सो तेणेवय पक्खालइ नियमलं नियमा ॥ १२ ॥ जो घणसारं अगहं च द्हइ  
जिणअंगधूवणनिमित्तं । सो घणसारो जायइ अगुरु घणओ वि जस्स पुरो ॥ १३ ॥ जो मंगलधूपदेवण पूयए सामिसा-  
लजिणचंदं । सो दीवसिहा उल्लमुत्ती सगसिरिं रमइ ॥ १४ ॥ जे निरवज्जं भोजं नेवजे जिणवरस्स जच्छंति ।  
भोत्तूण ते अ(S)णवज्जाइं ल(भ)वसुहाइं सिवं जंति ॥ १५ ॥ जो सुहवासेहिं जिणेसरस्स पूएइ पायसयवत्तं । सो सुहवासं  
मि सया सिवालए सासओ वसइ ॥ १६ ॥ एयाओ अट्ठवि कुणइ जो सया भत्तिनिब्भरो भव्वो । सो अट्ठकम्ममुक्को  
संपज्जइ सासओ सिद्धो ॥ १७ ॥ सव्वाहिंवि असमत्थो एक्काएवि पूयए जइ जिणं जो । ता सोवि भावसुद्धीए  
पावए सिद्धिसंबंधं ॥ १८ ॥ एयाउ राय कहियाउ तुब्भ पूयाउ इय जिणुत्तम्मि । भणइ निवो पणयपहू सीमंतयरइय-  
करकोसो ॥ १९ ॥ जयनाह साहसु महं महंतकोऊहलाउलमणस्स । दिट्ठते अट्ठाणवि पूयाणिहिं कयपसाया  
॥ २० ॥ जंपइ जिणेसरो सुणसु राय कयअप्पमत्तमणवित्ती । संपइ साहिजंते दिट्ठते अट्ठ पूयासु ॥ २१ ॥ इह  
दुंगदेव दुंगयपडाय वानरय चंदेत्यक्खा । साहससार अकिंचण रणसूर धर्णावहा पुरिसा ॥ २२ ॥ होउं कमेण एक्के-  
क्कपूयकरणेण गरुयरायाणो । सिरिकुसुमसेहरकखयकिंत्तिफ्लसारजलसारा ॥ २३ ॥ सिरिधूवसुंदरो तह सुवणपर्ई-  
वो पर्ईवसिहवत्तो । सुवणप्पमोयगो गंधबंधुरो सिवपुरिं पत्ता ॥ २४ ॥ कुलयं । कुसुमेहिं जेण पूइय जिणेसरं पाविया  
महारिद्धी । तं कुसुमसेहरकहं कहिजमाणं निसामेह ॥ २५ ॥ पुरमत्थि फुरियमहापहाविरायंतरयणपायारं ।  
रयणप्पायारं नाम गुरुविमाणं सुरपुरं व ॥ २६ ॥ रयणीसु जत्थ ससिरयणचंदसालागलंतसलिलेण । भवणाइं  
नीरयाइं भवंति मुणिमाणसाइं व ॥ २७ ॥ तत्थत्थि हत्थिहरहजोहोहपसाहियाहियसमूहो । विलसिरयणाभरणो  
रयणाभरणोत्ति नरनाहो ॥ २८ ॥ आयड्डियासिपडिफलियतरणिकिरणावलीकलियकाओ । पयडपयावप्पसरोव्व जो

रणे रीण दुनिरिक्खो ॥ २९ ॥ सर्वतेउतरुणीपहुत्तपयवीपइट्ठिया जाया । तस्सत्थि हत्थिमंथरगइगमणा रयण-  
मालत्ति ॥ ३० ॥ चित्तव चित्तवासा अमुक्कपासा सकीयछायव । निययप्पयइव सया जा दुम्मोया मणायंप्पि ॥ ३१ ॥  
ताणत्थि तारतारुललियलायन्नपुन्नसव्वगी । अगीकयसयलकला कन्ना रयणावली नामा ॥ ३२ ॥ पीयाए सुराए  
इव दिट्ठाएवि जीए होइ उम्माओ । तरुणाण विवेईणवि अविवेईणं तु का गणणा ॥ ३३ ॥ सा जत्थ जत्थ कीला-  
करणकए जाइ रूवविजियरई ॥ गच्छति तत्थ तत्थय परवसा सेवयव नरा ॥ ३४ ॥ कइयावि मयंकमुही सहीजुया  
सा सुहासणासीणा । सियलत्तचलिरचमरालंकरिया निग्गया नयरा ॥ ३५ ॥ पत्ता य मत्तमहुयरनामे सिसिर-  
हुमम्मि आरामे । इट्ठूण मयणभचण उत्तिन्ना जा विसइ तत्थ ॥ ३६ ॥ ता नियइ रगमडवगवक्खभदासणट्ठियं एक्कं ।  
रायकुमार मयणं व निग्गय भवणगण्ढाओ ॥ ३७ ॥ करकलियकैलिकमल नियरूवनियंविणीजणियमयणं । सुसि-  
णिद्धमुद्धदीहच्छिजोणहधवलीकयगनह ॥ ३८ ॥ त पेच्छिउ मयच्छी चित्तइ को एस दीसइ महप्पा । अचन्भुयरूप  
धरो सिंगारी चारुतारुत्तो ॥ ३९ ॥ नूणं पक्खत्तोशिय एसो वम्मो इमाउ सजाय । जं मज्झ अणिमिसत्त सहसत्ति  
निरतरायसुह ॥ ४० ॥ पुव्वभुवुप्पन्नमहापुन्ना रायेण तीए फलियव । तूलिच्च अगसग इमस्स जा पाविही बाला ॥ ४१ ॥  
सन्निय जयप्पवित्ता विलसन्तसुवन्नरयणरभणीया । जा मुदियव लहिही करगहणमिमस्स सुहयस्स ॥ ४२ ॥ सन्निय-  
उत्तमगमणा विव्भमरहिए सुपत्तरसजाए । रमिही इमस्स जा माणसे सया रायहसिच्च ॥ ४३ ॥ इय चित्तती जाया-  
समसज्जससेयक्कपकलियगी । पक्खलियपया पविसइ अविइणह तं पलोयती ॥ ४४ ॥ वरदाणपरपि मम  
मुत्तुमिमा नियइ अन्नमइनेहा । इय धितिय कुविणव कामेण सरेहिं पइया सा ॥ ४५ ॥ मयणेण नडिज्जंती थिर-  
सरलसिणिच्चवधुरच्छीहिं । सन्नविआ असरिसरूवहरियहियएण कुमरेण ॥ ४६ ॥ एयाए अहो रूव मोहइ मणमवि

पसंतमोहाण । गुरु रायायत्ताणं मह सरिसाणं तु का वत्ता ॥ ४७ ॥ सोच्चिय गुरुरायधरो सोच्चिय सरसो इमाए बालाए ।  
सवंगसंगमं जो लिहिही दुसिंंगरागोबं ॥ ४८ ॥ सो चेव चारुवन्नो पवित्तगुरुमुत्तसियगुणमहग्घो । एयाए मयच्छीए  
हियए हारोब जो वसिही ॥ ४९ ॥ इए चिंततो संतो मयणायत्तो ठिओ कुमारोवि । सूरचरिओवि कायरनरनियर-  
निदरिसणं जाओ ॥ ५० ॥ धवलइ कुमारं बाला नियच्छिजोणहए सोवि रायसुयं । पञ्चुवयरंति सिग्धं गरुया रइओव-  
यारम्मि ॥ ५१ ॥ तं पेच्छरी कुमारी पत्ता पासंवि कामपडिमाए । सविणयपणामपुबं पूयं काउं समारद्धा ॥ ५२ ॥  
परिपूयंती मयणं पुणो पुणो पेच्छरी कुमरवयणं । दंसइ मयणस्सव तं दइयमिमं देहि मज्झत्ति ॥ ५३ ॥ पूयाए जाइ मयणे  
तदिही निवसुणुरायेण । रूवंतरं व दहुं पइक्खणं कामकुमराण ॥ ५४ ॥ पुच्छइय मयणिंयं नाम नियसहिं को वयंसि  
एस जुवा । तीए कुमारथइयावहाउ नाऊण कहियं से ॥ ५५ ॥ सहि सुणसु कुसुमसुंदरनयरे निययपयावजिय-  
तरणी । कुसुमावयंसयनिवो भज्जा कुसुमस्सिरी तस्स ॥ ५६ ॥ पडरगुणपडरनयरं ताण सुओ कुसुमसेहरो नाम ।  
सयलकलाकलियतणू नियजोव्वणरमणिमणहरणो ॥ ५७ ॥ भत्तस्स विणीयस्सवि नीइपरस्सावि तस्स नरवइणा ।  
केणावि कारणेणं पराभवो विरइओ दूरं ॥ ५८ ॥ तं अवमाणं काऊण माणसे अद्धरत्तसमयम्मि । परिमियपरिवार-  
जुओ चलिओ देसंतरे कुमरो ॥ ५९ ॥ इह पत्तो विन्नातो तुह जणएणं अणिच्छमांणोवि । गंतु पच्चोणीए रिद्धीए  
पवेस्सिओ एत्थ ॥ ६० ॥ संमाणिऊण भणितो मा गच्छसु वच्छ अच्छसु इहेव । जं मज्झ तुज्झ जणओ भित्तो अंचंतगोरव्वो  
॥ ६१ ॥ ठाउमणिच्छंतोवि हु निवोवरोहा इहडिओ स इमो । अणमिमयं पि न गरुया दक्खिन्नपरा परिहरंति ॥ ६२ ॥ तं  
सोडं रायसुया चितइ जुत्तो इमंमि अणुराओ । नवरं एसो रत्तो नो वा संपइ न याणांमि ॥ ६३ ॥ कुमरेणुत्तो थइयावहो  
अरे मंतिंयं किमेयाए । तेणुत्तं निवक्कनासहीए तुह पुच्छियं चरियं ॥ ६४ ॥ कुमरनिरिक्खणलुद्धा निवत्तियकामपडिम-

पूयावि । तन्भवणपेच्छणछला महइं वेळं ठिया वाला ॥ ६५ ॥ वार वारं चलसुत्ति सोविदहीहिं विन्नविज्जती । पक्ख-  
लियकम तं पेच्छीरी गया जाणमारुहिउ ॥ ६६ ॥ गच्छंती कुमरेणं पलोइया सोवि तीए सञ्चविओ । अपुरत्ते जताइ  
धरिउ को तरइ नेत्ताइ ॥ ६७ ॥ नयणपहमइक्ताए तीए अरई कुमारमणुपत्ता । लहइथिय अवयास कइयावि अणिट्ठ-  
भञ्जावि ॥ ६८ ॥ रमंमि तविओए उज्जाण पिइवणव दुक्खकर । कलयतो कुमरो तुरिय तुरयमारुहिय सचलिओ  
॥ ६९ ॥ नयरपडलं पविट्ठो सुणइ समाउलियलोयहलबोल । नियइ य गुरुतरुवरपुरसालारुढं समयलोय ॥ ७० ॥  
किमिमंति कयवियक्को पेच्छइ सुन्नासणं गयाहिवइ । पाढत पासाए मारत तुरय-नर-करहे ॥ ७१ ॥ चरणागरिसिय-  
सकलसरेण नियडयलडकलडाए य । गलगजिएण य जण जो जाणावन्तो व धावेइ ॥ ७२ ॥ मा महभारकता भूमी  
मुच्छिज्जउत्ति कलिउं व । सिंचतो गुरुकुमारसिक्करासारसल्लिण ॥ ७३ ॥ चलकन्नतालचालियससरसिय-  
चारुचमरजुयलेण । जो वीयइ दत्तमुहासाणद्वियं रायलच्छि व ॥ ७४ ॥ दहु सुहासणद्वियनितणयं धाविओ  
करि तो । सा ज्ञपाए समुत्तिन्ना नियडेणत्थे थिरो को वा ॥ ७५ ॥ पीणयोहरगुरुतरनियवभरमंथरकमगईए । समयगय-  
नासिउमतरती सा गहिया करिणा कुरगच्छी ॥ ७६ ॥ दूरुक्खित्ताए पवणप्पसारिओ तीए कुतलकलावो । समयगय-  
कडतडुडीणभमरनियरोव रेहेइ ॥ ७७ ॥ वियसियसिरीसकुसुमोहसमहिअप्फासलालेसेण व । गाढ गएण निय-  
करदेणेालिमिया वाला ॥ ७८ ॥ करिणा हरिणकुमुही सुमुही विहिया विहाइ गयणयले । नियकुंभतत्थणण व  
पीणत्त दहुकामेण ॥ ७९ ॥ मा मह भएण एसा मुच्छिज्जव इय विभाविकुण करी । त वीयइव चलकन्नतालजुयताल-  
घटेहिं ॥ ८० ॥ तं दहुं रायसुओ झडित्ति मुचुं तुरगम वेगा । उद्धाइओ गय पइ हक्को ककससरेण ॥ ८१ ॥ रे रे  
दुहु गयाहम मोलु नारिं वलेसु मह समुह । जइ सत्तमत्थि इय सुयकुमारालावा भणइ कुमरी ॥ ८२ ॥ मह कीडिय-



कप्पाए कज्जे भुवणोवयारकरणखमं । नररयण मा विणाससु अत्ताणं करिकयंताओ ॥ ८३ ॥ सुयकुमरीविभ्रवणो सो जंपइ तंपि भुवणगब्भस्मि । वससि तओ रक्खिस्सं चइउं पाणेवि तं नियमा ॥ ८४ ॥ मह करगयावि चाट्टणि करेइ कुमरस्स इय विभावेउं । कुविण व करिणा सा खित्ता दूरं गयणमग्गे ॥ ८५ ॥ विज्जाहरिं व गयणे गच्छंतिं तं पलोइरो कुमरो । जाओ पमत्तचित्तो तो संगहियो गइं देण ॥ ८६ ॥ मिलसु नियवह्हाए तुमं पि इय चित्तिउं व कुविण ॥ करिणा कुमरो वि नहे खित्तो तीए पडंतीए ॥ ८७ ॥ मरिही एसा एदहदूरा रयनिवडियत्ति कलिऊण । परिसत्ता करुणाए नेहेण व तेण सा गाढं ॥ ८८ ॥ आलिंगियाए तीए पडइ अहो निवसुओ निराहारो । श्रीफासलालसाणं अहो गइए न संदेहो ॥ ८९ ॥ एत्थंतंरंमि वेगागएण नह्यरनरेण एक्केण । तहुगमवि अवसंडिय नरनयणागोयरे नीयं ॥ ९० ॥ तो पलवंतो लोगो अतरंतो लग्गिउं खयरमग्गे । गंतूण कहइ रन्नो कुमारकुमरीणमवहरणं ॥ ९१ ॥ तं सोउं आउलित्तो चलित्तो राया निरिक्खणे ताणं । पेरियतरलतुरंगो परियडइ पुरस्स चउपासं ॥ ९२ ॥ अप्पत्तत्तपडत्ती दुरयरमहिं पलोइउं वलिओ । रुयइ रुयावि यलोगो सहमागंतुं गुरुसरेण ॥ ९३ ॥ हा वच्छे हा वच्छे हहा अतुच्छे हहा विणयदच्छे (क्खे) । हा सुकुमाले वाले अवहरिया केण तं कहसु ॥ ९४ ॥ हे देव निदत्तो तं बालं पुत्तं तथा हरेऊण । कंत्रपि अवहरंतो खयंमि खारं खिवसि खुद ॥ ९५ ॥ हा मह सहा वि सुन्ना तुह विरहे कुसुमसेहरकुमार । एरिसदुह(दं) सणत्थं पवसंतो तं मए धरिओ ॥ ९६ ॥ अंतैउरपउरजणेणं राइणा तह तथा तहिं रुन्नं । जह नयणजलासारो वित्थरित्तो वरिसयालोव ॥ ९७ ॥ एवं पलवंताणं ताणं तइए दिणे तरणिउदये । खयरविमाणगणेणं पत्तो कुमरीजुत्तो कुमरो ॥ ९८ ॥ पणतो य महीवइणो सखेयरो निवसुयावि तं नमइ । आपुच्छिय कुसलाइं ताइं निविट्ठाइं निवपुरत्तो ॥ ९९ ॥ रायाह कुमर साहसु हरणागमणाण निययवुत्तं । तो तं कुमराणाए कहिउं लग्गो खयरचक्की ॥ १०० ॥ देवत्थि दियवरम्मि व वेयड्डे गुरुगिरिम्मि मणिभवणं । नयरं रहनेउरचक्कवाल नामं मणभि-

राम ॥ १ ॥ त परिपालइ विज्जाहराहिवो नयणवेग अभिहणो । गहियवयभरसिरिकिरिणवेगखयरिदअगरुहो ॥ २ ॥  
दाहिणनंदीसरगरुयवेगवलिण तेण सच्चवियं । अन्नोन्न परिसत्त पडन्तमित्थीपुरिसजुयल ॥ ३ ॥ अच्चतरुवरमणीरमण  
पइ रइयवुद्धिणा तेण । तहुगमवि अवहरिउं नीयुं सेले विसालगो ॥ ४ ॥ तो थमणीए विज्जाए थंभित पुरिसमाह रमणिं  
सो । म अणुरत्तं भत्तं भत्तार सुब्बु मत्तेसु ॥ ५ ॥ तीउत्त त सुपुरिस भाया मह नियसहोयरसरिच्छो । ता उभयभवविरुद्ध  
तुमए नो किपि वत्तव ॥ ६ ॥ अवर च न सायत्ता अह जतो जणायदिन्निया कन्ना । वीवाहिज्जइ सेच्छा जुत्ता न भवारि-  
साणंपि ॥ ७ ॥ तुग्हारिसावि उत्तमकुलुब्भवा जइ मुयति मज्जाय । ता वंधव अकुलीणण पावकारीण का वत्ता ॥ ८ ॥  
किं नियपियासरीराउ मह सरीरन्मि समहियं किपि । दिट्ठ ज भाय तुम सपइ जंपसि अवत्तव ॥ ९ ॥ वित्थरइ  
जरा परिगलइ जोषणं जाइ जीवियवपि । किं नाम सासयं तुह देहे जमकजसज्जोसि ॥ १० ॥ सुत्ततपुरीसवसायासे  
दुग्गधमलविलीणमि । मह देहे किं सार जं रायरसे तुहुकरिस्तो ॥ ११ ॥ एत्थत्तरमि चडनाणनायनियपुत्तपाववुत्ततो ।  
तद्योहत्थ सिरिकिरिणवेगसूरी तहि पत्तो ॥ १२ ॥ तेणुत्तं भो सावय किं तुज्ज कुलकम्मो इमो जमिम । पारब्बं  
तुमए निंदणिज्जमुत्तमनराण जतो ॥ १३ ॥ लज्जिज्जइ जेण जणे मइलज्जइ नियकुलकम्मो जेण । कठट्टियवि जीए  
कुणति न कयाइ त सुयणा ॥ १४ ॥ किं पुत्त पिइपियामहपुहेहि वय कयं हवइ जेसि । ते इव निम्मज्जाया तुमं व  
पावप्पिया हुति ॥ १५ ॥ अवर च इमा भइणी सहोयरा तुह मुणेमि नाणेण । ज रयणप्पायाराहिवरयणाभरणभूवइणो  
॥ १६ ॥ तं अगरुहो जेड्डो एसावि सुया कणिट्ठिया तस्स । वच्छ मए तं हरिओ निवभवणा मासमेत्तवओ ॥ १७ ॥  
कुमरीवयणविरत्ते चित्ते पिइसिक्खणेण सवेगो । लग्गो खेरवइणो पासियवत्थमि रगोव ॥ १८ ॥ तो तेण पाय-  
जुयले लग्गेऊण खमाविया भइणी । उत्थंभित कुमार पणमिय सूरीण विन्नत्त ॥ १९ ॥ पहु मोहमहाकूवे अविवेयजले

निमज्जिरो तुमए । नियवयणवरत्ताए उद्धरिओ हं दयानिहिणा ॥ १२० ॥ परिभोगो इयराएवि पररमणीए पयच्छए  
नरयं । किं पुण नियमइणीए आजम्मं पूयणिज्जाए ॥ २१ ॥ ता पडु कंणाए समं नियरज्जं अण्णिऊण जणयस्स । संगहि-  
यसबविरई तुह चरणाराहओ होहं ॥ २२ ॥ ठायबं तुब्भेहि रहनेउरचक्कवालनयरम्मि । इय जंपिय गुरु कुमरी  
कुमरजुओ सो गओ सपुरे ॥ २३ ॥ दुगमवि सम्माणेउं वत्थाहरणेहिं खयरवलकलिओ । इह पत्तो तुम्ह सुतो सो हं  
इय साहियं तुम्ह ॥ २४ ॥ ता ताय अहं जाओ दुण्णुत्तो तुम्ह जं मए दिन्नं । नियविरहेणं कुमरीहरणेण य दारुणं  
दुक्खं ॥ २५ ॥ इय जंपत्तो भणितो निवेण मा पुत्त खेयमुब्वहसु । दोसो न अम्ह दोण्हवि किं तु इमं दुकयकम्मफलं  
॥ २६ ॥ पुब्वभवे तवचरणं कयं मए किं तु संतरायं तं । जं तुह सरिसो पुत्तो जातो हरिओ य मिलिओ य ॥ २७ ॥  
जायं कन्नाहरणं कन्नाहरणं व परमक्खल्लणं । जस्सपभावतो मे सुचिरेणवि पुत्त मिलिओ तं ॥ २८ ॥ इय जंपिऊण  
गाढं जणएणालिंणितो सुतो तयणु । जणणीए नओ तीयवि अवहंडिय चुंविओ भाले ॥ २९ ॥ खेयरवइणा बुत्तो जणतो  
तं पिण्ह ताय मह रज्जं । परिवज्जियसावज्जं पब्वज्जं पुण अहं काहं ॥ १३० ॥ तं भणइ पिया परिणयवयस्स मज्झवि य  
जुज्जाए दिक्खा । काहं नाहं विरहं इण्हिपि तए समं जाय ॥ ३१ ॥ दोण्हं पि सम्मएणं कुमरिं परिणाविऊण कुमरस्स ।  
दिन्नं तं रज्जं तो पत्ता सबेवि वेयेडु ॥ ३२ ॥ तत्थवि अहिसिंचिय कुसुमसेहरं खयररायरज्जम्मि । खेयरनरनाहेहिं  
गहिया दिक्खा गुरुसयासे ॥ ३३ ॥ पणमित्तु कुसुमसेहराया पुच्छइ गुरुं कहह भयवं । मह पुब्वजम्मसुकयं जं जाओ हं  
खयरचक्की ॥ ३४ ॥ आह पडू आयन्नसु रयणवईए पुरीए तं राय । कम्मयरो आसि अईवदुग्गओ दुग्गदेवोत्ति ॥ ३५ ॥  
कइयावि नाणनिउणाभिहाणसूरीहिं भवपरिसाए । साहिप्पंतं निसुयं जिणिंदपूयड्ढगं तेण ॥ ३६ ॥ तहाहि ॥ फलकुसुमवख-  
यजलथूवदीवनेवज्जवासनिम्माया । कीरइ एसा अट्ठप्पयारपूया जिणिंदाण ॥ ३७ ॥ सवाओवि असत्तो काउं सयवत्तपमु-

हसुमेति । पूयइ जो जिणचदे सो सामी हवइ सुमणण ॥ ३८ ॥ माणुसभवेवि नूणं जिणपूया पुत्रपगरिसपभावा ।  
अगपि कुसुमपरिमलमुगिरइ सयावि सत्ताण ॥ ३९ ॥ किं बहुणा भोत्तण असुरनरामरपहुत्तरिद्धीतो । सिद्धि पि धुव  
पावइ पाणी लिणनाहपूयाए ॥ ४० ॥ इय आयन्निय दावन्नदेवउलियाजुयम्मि पत्तो सो । कीरविहाराभिहजिणहरम्मि  
मणिफणयचडियम्मि ॥ ४१ ॥ जाईसरेण जं कीरपक्खिणा भणिय पुत्तजयसेणं । कारविय नायजियधेणेण बहुमाण-  
सारेण ॥ ४२ ॥ जं चउदिसिपडिधिंधियपाडलकलियाहिं भमिरभमराहिं । नियइव भावरिजो कोवारुणनयणनिय-  
रेण ॥ ४३ ॥ आभाइ निरब्भनिसिण्णद्धिंधिययतारतारप्पयर । ज भत्तिन्भरामरविरइयसियकुसुमवरिस व ॥ ४४ ॥  
तम्मि पविसिय नायजिण्ण दधेण गहिय कुसुमाइ । आणंदुलइयतणू पूयइ सो रिसहजिणनाहं ॥ ४५ ॥ तप्पुन्नप-  
भावेण रिद्धिं भोहुं भवम्मि तम्मि ततो । जातो त खयरवई इय कहिय राय तुह चरियं ॥ ४६ ॥ त सोउ  
जाईसरणनाणविन्नायपुधभयचरिओ । रायाह जह पहीह कहियं दिट्ठ मएवि तहा ॥ ४७ ॥ तो रयणाभरणमुणी भणइ  
मुणिदं कहेइ मह भयव । किं सुयसुयाण विरहो बहुयोवदिणाणि जाओ मे ॥ ४८ ॥ आह पहू आरामियपुत्तो कणकिन्न-  
नामगामम्मि । आसी अंड(व?)यनामो कीरसुओ गोविओ तेण ॥ ४९ ॥ तो तं अनियत कीरजुयलमचंतहुक्खियं जाय ।  
करुणं हूयइ असूणि मुयइ मुच्छियणुकल ॥ ५० ॥ जणणुत्त पुत्तय मुंचसु तणय सुयाणभिणिहपि । मा पुत्तविउत्ताण  
इमाणमयादिय होही ॥ ५१ ॥ तो तेणमइफत्तेसु नवसुहुत्तेसु सुयसुओ मुक्को । तो सजातो तोसो कीरीकलियस्स कीरस्स  
॥ ५२ ॥ समयतरमि कम्मवि अवहरिया सारसीसुया तेण । तो तज्जणणिं दुहिय दहु सहसत्ति सा मुक्का ॥ ५३ ॥  
कइयावि मासत्वमणे आरामे तमि सत्तियं साहु । निचपि पजुवासइ भत्तिन्भरनिन्भरो सतो ॥ ५४ ॥ भोयणकरणनिविट्ठेण  
तेण तत्थेय मासपारणइ । पडिलाहितो मुणी सो सद्धासहियेण परमन्न ॥ ५५ ॥ तप्पुन्नपभावा सो अमरो होउं तुम

निवो जातो । कीरजुएण वि भमिउं भवस्मि समुवज्जिउं(अं) सुकयं ॥५६॥ कीरो जाओ हं किरणवेगखयरहिवो सुई वि हु  
मे । किरणावलित्ति कन्ना जाया नवरं अपुत्तो हं ॥५७॥ जा अंब(ड ?)एण हरिया सारसिया तीए सरतडे जणणी । वाणेण  
लोइएणं विद्धा खवगेण सच्चविया ॥५८॥ पंचपरमेद्धिमंतो दिन्नो से तेण तयणु सा सगो । अमरत्तसिरिं भोत्तु संजातो  
तुह इमो पुत्तो ॥ ५९ ॥ नहयलचलिएण मए दिट्ठो सपिएण मासमेत्तवओ । कीरहरणुत्थपावोदएण तुह सो मए हरिओ  
॥१६०॥ पडिवन्नो पुत्तत्तेण नयणवेगोत्ति तयणु कयनामो । समयंमि तस्स रज्जं दाउं दिक्खा मए गहिया ॥६१॥ नंदी-  
सरवलिएणं हरिया तुह कन्नया तओ तेण । अंबयभवसमुवज्जियसारसियाहरणपाववसा ॥ ६२ ॥ अट्टारसवडियाहिं  
अट्टारसवच्छराणि सुयविरहो । जाओ तह दिवसतिगं सुयाए सह अप्पपावेण ॥ ६३ ॥ ता सुमुणि कोउउप्पाइयं पि इय  
दुक्खदायगं पावं । रागदोसवसकयं तं पुण वियरइ भवोहदुहं ॥६४॥ इय कहियं तुह चरियं तो रायरिसीवि जाइसर-  
णेण । तं नाउमाह एवं जह पहु तुब्भेहिं कहियंति ॥ ६५ ॥ नवदिक्खियमुणिजुत्तं नमिऊण गुरुं निवो कइवि दिवसे ।  
भोत्तुं खेयररज्जं रयणप्पायारमणुपत्तो ॥६६॥ नीईए तत्थ पालइ रज्जं भुंजइ पियाए सह भोए । निचंपि कुणइ तित्थप्पभावणं  
पूयइ जिणिंदे ॥६७॥ दंडिप्पवेसिएणं कइयावि हु जणयमंतिणा राया । नमिउं विन्नत्तो देव तुह पिया गिण्हिही दिक्खं ॥६८॥  
रज्जारिहोत्ति केणइ हणिज्जिही एस इय विभावेउं । पिउणावमाणिओ तं न चेव पहु रागदोसेहिं ॥६९॥ ता तुम्हे पिउरज्जस्सि-  
रिमागंतुं अलंकरह पहुणो । कारणकयावमाणविसए खेओ न जुत्तो जं ॥ १७० ॥ तं निसुणिऊण सम्मानिऊण तं तेण  
संजुओ राया । तत्थ गओ पयपणओ पिउणा आलिंणिओ गाढं ॥ ७१ ॥ संभासिय ससिणेहं निवेसिओ नियपए तओ  
रत्ता । गीयत्थगुरुसयासे रिद्धीए कयं वयगहणं ॥ ७२ ॥ पालई सो रज्जतिगं नरखेयरायरइयपयसेवो । नंदीसराइठाणेसु

१ 'संजाओ तुह नरवर अट्टारसवच्छराणि सुअविरहो' इति पाठान्तरम् ।

जाइ सासयजिणे नमिउ ॥ ७३ ॥ उवसुंजिऊण रजेसु विसुवि लच्छि पभूयकाल सो । रयणावलीसुयं कुसुमपरिमलं  
नाम ठविय पए ॥ ७४ ॥ गुरुनयणवेगपासे घेचु दिक्खं कलत्तकल्लिएण । उप्पन्नकेवलेण पत्त मोक्खम्मि नरवइणा ॥ ७५ ॥  
कुसुमेहिं जहा रइया पूया एएण भूसिनाहेण । परमाणदसुहत्थ कज्जा अत्रेण वि तदेव ॥ ७६ ॥ -५५- कुसुमपूजा ॥ ५५ ॥  
५५ ५५ ५५ एतो हु उसुमपूयाकल्लम्मि छिरिकुसुमसेहरो कहिओ । अक्खययूयाए कह अक्खयकित्तिस्स निसुणेह ॥ ७७ ॥ ५५ ५५ ५५ ५५

मसिणियधुसिणरसेणव अरुणारुणरयणभवणकिरणेहिं । रजती विसिचयणाइं किच्चिकल्लिया पुरी अत्थि ॥ ७८ ॥ मणि-  
कुट्टिमसकंताहिं जीए निसि गिण्हिणीउ मुद्धातो । विलयाओ वेलविजंति मोत्तियाइं ति ताराहि ॥ ७९ ॥ ससहरजो-  
ण्णभरसरिसकित्तिपब्भारभरियमुवणययलो । निम्मलकित्ती नामेण नरवई विलसए तत्थ ॥ १८० ॥ वामकरेणेक्केणं इय-  
रेणुब्भामियासिजणिएण । फरएणव विइएण धरिएण रणंमि जो सहइ ॥ ८१ ॥ पट्टमहादेवीपयपहुत्तमुवहइ तत्स सिय-  
सीला । लीलायमाणदेहा कित्तिसिरीनामिया दइया ॥ ८२ ॥ अचब्बुयस्सरुव जीए रुवं पलोइड दूरं । अरईए परिग्गहिया  
रईं वि सह तरुणलोएण ॥ ८३ ॥ तीए समत्थि गुरुअत्थिसत्थपविइन्नअत्थवित्थारो । पुत्तो अक्खयकित्ती नामेण कम्म-  
णावि सया ॥ ८४ ॥ तेयस्सी दित्तिपहुव ईसरसिरसेहरो ससहरोव । पसमरसियमई सबया सुसाहुव जो सहइ ॥ ८५ ॥  
निम्मलकलाकलायं परिकलयतत्स तत्स पुणरुत्त । जति दिणाइं निरतरपिउपयसेवापसत्तत्स ॥ ८६ ॥ सहितो कयाइ  
समवयसिंगारियरायउत्तमिच्चेहिं । आरुहिय तुरग तुरयवाहियालीए सपत्तो ॥ ८७ ॥ पुलभमिवारिकाहिं (?) वाहिय तुरयं  
निवारिउं मित्ते । दाऊण कसाघायं सो मुक्खो तेण वेगेण ॥ ८८ ॥ विरइयगुरुतरवेओ हओ गतो जाव दुरदेसम्मि ।  
मिच्चेहिं ततो तुरया कुमरपहे पेरिया तुरियं ॥ ८९ ॥ महम्मगम्मि महीए इति इमे नो नहत्ति कलिउव । सहसत्ति समुप्प-  
इतो कुमरतुरंगो नहयलेण ॥ ९० ॥ गुरुपवणनयणमणजवइणा वेगेण जाइ गयणयले । कुमरतुरओ रयेण जेउं पिव

रविरहचुरंगे ॥ ११ ॥ उग्रीवान् मं प्रेच्छिराण पीडा भडाण भवहिति । परिभाविउं व तुरओ तन्नयणागोयेरे पत्तो ॥ १२ ॥  
 रायंगरहे हरिए हियहियतो इव समगपरिवारो । कायबबिमूढमई पत्तो रायतिथं झत्ति ॥ १३ ॥ साहइ कुमारहरणं तं  
 सोउं मुच्छिओ महीनाहो । तबेलमेव जाओ निच्छिओ चत्तपाणोब ॥ १४ ॥ चंदण रसछडासेयवससमुवल्लच्चैयणमहावो ।  
 रुयइ सकरुणं पागयनरोब अंतेउरेण जुतो ॥ १५ ॥ हा हा कुमार हा सुवणसार हा रइयरम्मसिंगार । हा विहलिय-  
 अब्भुद्धार हा हहा समरदुबार ॥ १६ ॥ हा जाय जाय हा विहियनाय हा धरियरायमजाय । हा हा पररमणीभाय हा  
 हहा सुवणविक्खाय ॥ १७ ॥ को उच्छंगे धरिऊण मह काम कुमार कोमलकरेहिं । संवाहंतो काही आणंदमहूसवुकरिसं  
 ॥ १८ ॥ कुंडलसरलुत्तरियाकंकणकेऊरमणिमयाभरणे । रंजिज्जतो दाही दाणे को वंदिविंदाणं ॥ १९ ॥ इय पलवंते  
 संतेउरे निवेमंतिणा विमलमइणा । कुमारनिरिक्खणकज्जे तुरयाणीयं समाइहं ॥ २० ॥ तं पि दुवालसजोयणमाणम्मि  
 महियले परिबभसिउं । नवरं कुमारवत्तामेतं पि न तेण संपत्तं ॥ १ ॥ तइयम्मि दिणे पसरंतसोयसंभारनिवभरे  
 नयरे । कुमरो खयरविमाणाऊरिय गयंगंगो पत्तो ॥ २ ॥ नयणेहिं समं हरिसं वियासयंतो नरिंदलोयाण । पणओ  
 जणणीजणयाण तेहिं आलिं गिओ गाढं ॥ ३ ॥ तो चेडीचक्कजुया कुमरगुरूणं नया कुमरवहुया । आसिहिं ताण तुहा  
 सुद्धंते संठिया गंतुं ॥ ४ ॥ जंपइ जणओ तुमए दिन्नो किं अम्ह पुत्त दुःखभरो । सो भणइ सुहदुहाणं दाया देवो न  
 चेव अहं ॥ ५ ॥ रायाह सुहदुहाणं जं अणुभूयं तएवहरिण । तं साहसुत्ति तो कुमरसुमरिओ आगओ अमरो  
 ॥ ६ ॥ तं दहुं मणिकुंडलकिरीडकेयूरकंकणाहरणं । विम्हियमणो नि(वो) पूई ऊण तस्सासणं देइ ॥ ७ ॥ तत्थुव-  
 विसिउं सो कुमारपेरिओ कहइ हरिणवुत्तंतं । पायालंमि पुरी अत्थि चमरचंचत्ति मणिभवणा ॥ ८ ॥ जीए सामारुण-  
 सियमणिभवणपहाहिं संवल्लिजन्ता । अमरा भमन्ति मयणाहिघुसिणचंदणविलित्तब ॥ ९ ॥ तथावट्टियजोबणसुरंगणा-

गणविलासदुहलिओ । युधतचारुचमरो चमरो नामेण अमरवई ॥ २१० ॥ निवसति तत्थ रवितेयचंदतेयाभिहा अमर-  
दुमरा । रविचंद्रा इय भमिग हरति तेएण तिमिराइ ॥ ११ ॥ निहालसाइसरीरालिगनिच्छइयचवणसम्भावो । जपइ  
रवितेओ मित्त चवणसमओ इमो मब्झ ॥ १२ ॥ ता म पत्तनरत्त पडिबोहेज्जुसु तुमं अवसरम्मि । इय जपिउ चुओ सो  
मुमरियजिणगुरुचरणकमलो ॥ १३ ॥ नयरम्मि धरासारे मणिमदिरइयधरणिसिंगारे । जाओ राया सिरियणसुंदरो  
नाम रम्मगो ॥ १४ ॥ विलसतरुवजोषणअभगसोहगसगयीहिं । दइयाहिं समं विसए उवमुजतो गमइ काल  
॥ १५ ॥ कइयावि चंदतेएण मित्तदेवेण तस्स रयीए । कहिओ सुरभवरइओ नरत्तपडिबोहबुत्तवो ॥ १६ ॥ त सोउ  
जाईसरणनाणनयेण दिट्ठपुब्बभवो । जंपइ राया तुमए पडिवन्न पालियं किंतु ॥ १७ ॥ पहु जोषण नव मणहरा  
सिरी असमसुहयरा वि सया । रत्ताओ कताओ भत्ता भित्ता अपुत्तो ह ॥ १८ ॥ ता अज्ज वि असमत्थो अप्पहिय  
काउमाह अमरो वि । परमत्थविमूढमईण राय इय उत्तराइ जओ ॥ १९ ॥ रोयजराजोयविणस्सिरस्स तरुणियण-  
मणइरस्सावि । का राय सारया जोषणस्स मोत्तु तवधरणं ॥ २० ॥ चोरानजलरायगहाइवहुविहअवायसज्झाए ।  
धम्मट्ठाणधयमत्तरेण न सिरीए अत्थि गुणो ॥ २१ ॥ सरित्तवसमसोकक्कपा सुरगिरिगुरुदुक्खदाइणो दूर । अच्चा-  
सत्तीए तणुक्कसय न किं दिति निव विसया ॥ २२ ॥ अतो निज्जेदाणं पवचरयणाहिं रजियजणाण । किं सार कत्ताण  
मरणताणत्यदेज्ज ॥ २३ ॥ परदइयादध्वगहविरइयमेत्ती कुसुद्धहिययाण । किं यत्नेसि नरेसर सकज्जसज्जाण सित्ताण  
॥ २४ ॥ परिपालिया वि परिपाडिया वि अप्पियधणावि निव नूणं । पुत्ता न परित्ताणं कुणति नरए पडताण ॥ २५ ॥  
भववासलालसाण हवति आलवणाइ एयाइ । अनुसरियसीहवित्तीण न उण आसन्नसिद्धीण ॥ २६ ॥ थिरजोषणाहिं  
अणुराइणीहिं पयईए सुरहिंगंधाहिं । विसए देवीहिं सम भोत्तूण चिर न जइ तित्तो ॥ २७ ॥ ता गलिरजोषणाओ



किञ्चिन्मरायाओ दुरहिगंधाओ । नारीओ असुइभरियाओ विलसिरो किमिह तिप्पिहिसि ॥ २८ ॥ वसिउं समगसुह-  
वत्थुपरिमलुगारसुरहिसुरलोए । वसियस्स असुइगग्गे न विराओ तुह हहा मोहो ॥ २९ ॥ नियपडिवण्णे निरिणो  
जाओहं राय तुह हियं कहिउं । ता कुणसु जमप्पहियं मा मज्जसु मूढ भवक्खे ॥ ३० ॥ इय सुयउवसमरसअमयवरिससम-  
अमरदेसणो राया । सिरंविइयकरकोसो संविगमणो भणइ अमरं ॥ ३१ ॥ पडु तुमए अमएणव महमोहमहाविसं  
हरेऊण । उप्पाइओ पबोहो उवयारपराइहा गुरुणो (पाठांतर भवे गुरुणो) ॥ ३२ ॥ ता इण्हि गिण्हिस्सं दिक्खं परिणावि-  
उं दुहियमेगं । दाउं रज्जं पि वरस्स मित्त ता आणसु तयंति ॥ ३३ ॥ एवंति भणिय अमरो पत्तो नयरीए चमरवंचाए ।  
अमरविणोयपमत्तो रायवरं सरइ दसमदिणे ॥ ३४ ॥ अक्खयकित्तिकुमारं हरिऊणं रयणसुंदरनिवस्स । अप्पसु  
झडत्ति इय भणिय पेसिएणुचरममरं सो ॥ ३५ ॥ इय पडिवज्जिय नयरीए कित्तिकलियाए झत्ति संपत्तो ।  
कुमरे तुरंगनिचयं आवाहंतं पुरीए वहिं ॥ ३६ ॥ विहियममरेण निवसुयहयरूवं तंमि निवसुओ चडिओ । तो गंतुं दुरपहे  
गयणेण गओ हओ सहसा ॥ ३७ ॥ गरुयगिरिसरियनयराइं गयणमग्गेण इक्कमंतेण । अमरतुरएण वेरी सक्खविओ  
उज्जओ इतो ॥ ३८ ॥ तं दहुं सो नट्ठो मोत्तुमणवलंवणं नरिंदसुयं । अप्पंमि विणस्संते परोवयारी हवइ विरलो ॥ ३९ ॥  
निवडइ रायंगरुहो रएण गयणंगणा निराहारो । सट्ठाणब्भट्ठाणं गरुयाणवि होइ वा पडणं ॥ ४० ॥ अवरुंडिऊण धरिओ  
निवपुत्तो वानरीए निवडंतो । सुहुपुन्नपरिणईए जंतो जीवो व नरयम्मि ॥ ४१ ॥ कोमलकिसलयनिचये निवेसिउं तं  
जलासया सलिलं । धेत्तूण पत्तपुडए धोयइ दासिब तच्चरणे ॥ ४२ ॥ खल्लरकयलिफलदाडिमाइ भोयविय पाइओ  
सलिलं । तीए मिडदलरइए सत्थए सोविओ तयणु ॥ ४३ ॥ उल्लयपूगफलनागवेल्लिदलदावद्धगिरिचुन्नं । आणितु तीए  
दिन्नं तंबोलं मुंजइ कुमारो ॥ ४४ ॥ उवविसिय सम्मुही सा करकयकयलीदलेण कुमरतणु । वीथंती अवलोयइ रायसुयं

पत्ताणि । वेयदुत्तरसेटीए गयणवल्लहपुरे तालि ॥८१॥ उववेसिउं सहाए कुमर खयरद्विवेण रज्जसिरी । उवणीया भणियेणं  
त सामी सेवगो ह ते ॥ ८२ ॥ कुमरेणुत्त विलससु नियलच्छि जं मएवि तुह दिन्ना । नवर मए समाण अणुहवमाणो  
सिणेहभर ॥८३॥ त सोउ खयरिदेण दिट्ठदियएण पूइउ अमर । कुमरकुमरीण रइओ सम्माणो नियसिरिसरिसो ॥८४॥  
तो अमरो कुमरीकुमरखेरद्विवलेहिं सजुत्तो । चलिओ पत्तो य धरासारे नयरे गुरुरएण ॥ ८५ ॥ कुमरी अवहरण-  
ससोयलोयविद्वियावण तमिस्सत्तो । पत्तो विसन्नसिंसारहीणनिवलोयमत्थाण ॥ ८६ ॥ इहु अमर कुमरीए सगय  
नट्ठसोयसत्तावो । राया पूइय अमर आलिंणइ कन्नयं हिट्ठो ॥ ८७ ॥ काउ कुमारखयरेसराण सम्माणममसुहवइ ।  
मित्त सुयावुत्तत हरणागमणाण मह कहसु ॥ ८८ ॥ तो अमरेण समग कन्नाकुमराण हरणवुत्तंत । कहिउ भणिओ  
राया परिणावसु कन्नय कुमर ॥८९॥ ठविउ रज्जम्मि इम अप्पहिय कुणसु गहियपहज्जो । इय भणिए जा चित्तइ विवाह-  
सामगिगयं राया ॥ ९० ॥ ता अमरेण ससचीए इत्ति मणियभयावलीकलिओ । वीवाहमडवो पचवन्नधयमालिओ  
विहिओ ॥ ९१ ॥ रइया य हट्ठसोहा समतओ देवदूसविसरेण । किवहुणा निवाचितियसमरेण कयं समगपि ॥ ९२ ॥  
गुरुरिद्धीए कुमरी दिन्ना कुमरस्स तेण परिणीया । करमोयणम्मि दिन्न रज्ज सत्तगमवि तस्स ॥ ९३ ॥ एत्थतरमि उज्जाण-  
पालओ दडिसुइओ पत्तो । पल्लवओ नामेण नमिउ विन्नवइ नरनाह ॥ ९४ ॥ देवुज्जाणे कलकोइलाभिहे केवली समो-  
सरिओ । सोऊण तइ वियरइ राया पीइप्पयाण से ॥ ९५ ॥ गुरुरिद्धीए सुरखेरिंदनवनिवइपरिगओ तुरिय । पत्तो  
उज्जाणे नमिय केवल्लं तत्थ उवविट्ठो ॥ ९६ ॥ दट्ठूण केवल्लं नवनिवई मुच्छाए महियले पडिओ । सिसिरकिरिया-  
समुवल्लद्वयेणो पुच्छिओ रज्जा ॥ ९७ ॥ कि राय मुच्छिओ तं सो जंपइ केवल्लं पलोएउ । मह जाइसरणससूयगा इमा  
आगया मुच्छा ॥ ९८ ॥ दिट्ठो नियपुषभवो हुतो कासीभिहाण देसे ह । दुग्गयपडागनामो आजम्मद्विरिहिओ विप्पो ॥ ९९ ॥

देसेसु परियढंतो कथाइ उववासतिगुसियदेहो । पत्तो मज्झण्हे कणयसालपुर-तिलयउज्जाणे ॥ ३०० ॥ दट्ठूण तत्थ नवसालितंदुले निक्किणंतए वणिए । आह अहं पहसंतो तिलंधणो देह ता किं पि ॥ १ ॥ तो तेहिं सालितंदुलपसइडुगं गुरुइयाए दिन्नं से । तं घेत्तूण पविट्ठो उज्जाणवभंतरे जाव ॥ २ ॥ ता नियइ केवलमुणिं जिणपूयफलं जणाण साहंतं । जो कुणइ जिणस्सट्ठवि पूया तो ल्हइ सो सिद्धिं ॥ ३ ॥ ताओ फलजलनेवज्जदीवधूवक्खएहिं परमेहिं । वासेहिं कुसुमेहिं य भणियाओ समयसन्थेसु ॥ ४ ॥ सबाओ वि असत्तो तं कुणइ जिणस्स अक्खएहिंवि जो । भोत्तुं सयल-सिरीओ सो अक्खयसोक्खमवि ल्हइ ॥ ५ ॥ तं सोउ सो चिंतइ न पुव्वजम्मे मए कओ धम्मो । तेण न संपज्जइ मे भमिरस्स वि भेक्खमेत्तंपि ॥ ६ ॥ ता जिणयूयं सालीए काउमज्जेमि सुकयसंभारं । जं भिक्खाभमणेणवि भविही मह छुहपरित्ताणं ॥ ७ ॥ इय चिंतिय भत्तीए नमिय मुणिं भणइ कहइ कत्थ जिणो । पूएमि जहा तो सावएण सो जिणहरे नीओ ॥ ८ ॥ जं कणयमयं मणिकिरणकिन्नवणराइविलसिरउवंतं । कंचणगिरिइ कप्पहुमावलीवेडियं सहइ ॥ ९ ॥ तंमि पविट्ठो पेच्छइ पसंतरूवं जिणेसरं रिसहं । आणंदअंसुजलकलियलयो यणो भत्तिकंटइओ ॥ ३१० ॥ मणि-मयकुट्टिममिलमाणभालमभिनमिय सामिणो तेण । अक्खयढोयणपूया विहिया बहुमाणसारेण ॥ ११ ॥ दट्ठूण तस्स भत्तिं नियगेहे सावएण से दिन्नं । निडुण्हभोयणं तदिगाउ सो सुत्थिओ जातो ॥ १२ ॥ तो कालगतो समभावसंगतो निवसुतो हगुपत्तो । दट्ठूण केवलमिमं जाईसरणं समुपन्नं ॥ १३ ॥ निवभग्गस्सवि मज्झं रिद्धी सुगुरूवएसनायाए । जिणपूयाए कयाए जाया इय साहियं तुम्ह ॥ १४ ॥ तं सोउं संजाओ जणस्स जिणपूयणम्मि बहुमाणो । रात्रावि सावरोहो दिक्खं गिण्हइ गुरुसयासे ॥ १५ ॥ पणमिय गुरुणो नवदिकिए य संभासिऊण नवनिवइं । खेयरवइं च अमरो गओ सठाणम्मि कयकिञ्चो ॥ १६ ॥ नवदिकिखयमुणिजुयकेवलिक्खे नमिय नहरिंदुजुतो । पत्तो पासाए तत्थ सुत्थयं

रइय रज्जस्त ॥ १७ ॥ खेयरविमाणसेणाए तुम्ह चरणंतिय समणुपत्तो । नमिय निविट्ठो पुट्ठो नियहरणं कहसु वच्छति ॥ १८ ॥ तो एय सुमरिओ चंदतेयअमरो समागतो सो ह । कहितो य हरणहेऊ जुत्त तुम्हणि दियकरण ॥ १९ ॥ त सोउ नरनाहो जंपइ भो अमर सुयणसिररण । निक्खित्तमोवयारी तमेव जो एवमुवइससि ॥ ३२० ॥ नियमेण वयं काह रज्ज दाउ सुयरस इण्हि । इय जपिरे नरिंदे सहसत्ति तिरोहितो अमरो ॥ २१ ॥ तो रत्ता नवनिवई अणिच्छ-माणोवि ठाविओ रज्जे । गीयत्थगुरुत्तयासे सय तु अगीकया दिक्खा ॥ २२ ॥ कइयावि हु सम्माणिय विसज्जिओ राइणा सयरचप्पो । कजेसु ममाएसो देउत्ति पयपिय गओ सो ॥ २३ ॥ पइदियहंणि पतुहुप्पयावपम्भारदुस्सहो दूर । रिउमडलाइ राया परितावइ निम्हत्तरणिच्च ॥ २४ ॥ कइयावि हु वेयेड्डु विलसइ विजाहरिदवाहरिओ । कइयावि धरा-सारे रज्जसिदिं धितए गतु ॥ २५ ॥ पयडइ नीइ पालइ पयाड पूयइ जिणे गुरु नमइ । साहइ देसे एवं वंधंति निवस्स दियसाइ ॥ २६ ॥ कालेण कित्तिमालदेवीए उदारकित्तिनाम सुओ । जातो सगहियकलो विवाहितो रायकन्नाओ ॥ २७ ॥ त रज्जे अहिंसिविय गिण्हइ सपिओ वय जणयपासे । कयतवचरणो उप्पन्नकेवलो सिद्धिमणुपत्तो ॥ २८ ॥ जह अक्खयहिं विहिया जिणिंदपूया इमेण नरवइणा । सिद्धिसुहकखिणा तह कज्जा अण्णेणवि नरेण ॥ २९ ॥ ॐ अक्षतपूजा ॐ ५ ५ ५ ५ ५ भणिओ अवल्यकित्ती अवत्तयपूयाए सपय तुम्हे । फलपूयाए नितामह फलसारं वागरिज्जत ॥ ३३० ॥ ५ ५ ५ ५ ५ ५ विष्णुरिय-भूरिकरदुरवल्लोयमणिमदिरावलिकलियं । सूरुहकयावास ब अत्थि सूरप्पहं नयर ॥ ३१ ॥ अन्नोन्न-मिलियमणिगिहकरकिन्नहम्मि पक्खिणो नूण । विथारियजालमिव न जमि पविसति वधभया ॥ ३२ ॥ सारय-विकरपसरियपयावसत्ताविचाहिओ तत्थ । अत्थि प्पयावसारो नामेण निवो रणवसणी ॥ ३३ ॥ सव्वगय-नियरूवगव्वनिज्जिणियअच्छराविसरा । तस्सत्थि हत्थिक्कुभत्थत्थणी जयसिरी जाया ॥ ३४ ॥ तन्नयणब्भमरगण

आणंदइ सुमणपत्तभरपरमो । फलसारो नामेणं दुमोव दूरुन्नतो कुमरो ॥ ३५ ॥ कइयावि सहासीणे निवंसि  
कुमराइरायमंतिजुए । झणहणिरिकिणगणं विमाणमेग समणुपत्तं ॥ ३६ ॥ तम्मज्झाउ पसरंतमणिमयाभरणकिरण-  
दुनिरिक्खो । रविरहरयणाओ रविब खेयरो झत्ति नीहरिओ ॥ ३७ ॥ पडिहारकयपवेसस्स तस्स संमाणपुव्वमवणिवई ।  
खयरहिराय साहसु आगमणत्थंति जंपेइ ॥ ३८ ॥ सो आह ससहरसिओ वेयड्ढो नाम वामदेवोव । गंगासिंधुपरिगतो  
अत्थि गिरी गरुयनयरसिओ ॥ ३९ ॥ नयनायरगुणनिज्जियसमगपुरपत्तवेजयंतिव । तत्थत्थि वेजयंती नयरी  
मणीभवणकमणीया ॥ ४० ॥ गोरीपन्नत्तीपमुहसिद्धविज्जापभावडुज्जेओ । विज्जाहराया तत्थ अत्थि सिंगारसारोत्ति  
॥ ४१ ॥ निम्मलनहकयसोहा पवित्तसन्भावभासियदिसोहा । तारावलिब जाया जाया तारावली तस्स ॥ ४२ ॥ तीसे  
असेसमुवणेक्कभूसणं रूवरेहविजियरई । जाया मणुन्नकन्ना सिंगारतरंगिणी नाम ॥ ४३ ॥ सद्धिं सुहवणेणं कलाकलवेण  
तारतारुणं । जायं तीसे सिंगारगारवुगारपरिकलियं ॥ ४४ ॥ कइयावि सा सहीयणसहिआ मणिमत्तवारणासीणा ।  
गयणे जंतं चारणमुणिंदमिक्खिय गया मुच्छं ॥ ४५ ॥ चंदणरसच्छडासेयसिसिरकिरिओवलद्धचेयन्ना । संसुसही-  
हिं सा पुच्छिया तुमं मुच्छिया किमिह ॥ ४६ ॥ आयन्नहत्ति जंपिय सा मुच्छाकारणं कहइ तांसिं । संसारसरुवंपिब  
अत्थि अरन्नं अदिट्ठंतं ॥ ४७ ॥ गुरुभूरिसाहिसाहासहसअंतरियअंतरिक्खंमि । सावयमीउव्व जहिं पक्खिवइ  
करे न सूरौवि ॥ ४८ ॥ पेच्छिज्जंतकुंगं दरिद्रगामीण देवहरयं व । जं विगयरायचित्तं विरायए केवलिकुलं व  
॥ ४९ ॥ तरुणो व विलसिरवओ विसालतो सरसकमलनियरो व । तत्थप्पसरियसालो अत्थि वडो पुरनिवेसोव  
॥ ५० ॥ बालायवदलनिम्मावियं व सबंगपिंगपहरोमं । अच्चंतंचलं जं तरुणीअणुरायरइयं व ॥ ५१ ॥ धरमाण-  
सरुणवयणं मसिणियघणघुसिणरसविम्मिस्सं व । वानरजुयलं परिवसइ पायवे तम्मि यणनेहं ॥ ५२ ॥ जुयलं ॥

कस्यापि करहरत्नरवसहस्रगण्डसेरहसहस्र—सजुक्तो । सपत्नो सत्थाहो नामेण धणावहो तथ ॥ ५३ ॥ आवासिओ  
य यडविडवितडफए गदुरे गहीरम्मि । गुणिणीविमाणयाइसु जहजोग सेसलोगोवि ॥ ५४ ॥ एत्थंतरमि तवतेयभासुरो  
रइयउत्तरासगो । निम्हत्तरणिध चारणसमणमुणिंदो हयतमोहो ॥ ५५ ॥ अगीकयविरइरतो अनिरुद्धसुओ अविगहो  
सयय । जयजणमणकयासो सोहत्तो कामदेवोव ॥ ५६ ॥ गयणगणेण पत्तो तत्तो सत्थाहिवो सवहुमाण । त  
नमिय निसीयावइ पट्टम्मि निसीयइ सयपि ॥ ५७ ॥ दहु त नवजोघणमन्थुरूव भणेइ सत्थाहो । कि पहु तुह वेरगं  
ज लहुएणवि वय गहिय ॥ ५८ ॥ आह पहू सत्थाहिव आयन्नसु अत्थि उडुलोगम्मि । यहुपुन्नपावणिज्जो सोहम्मो  
नाम सुरलोओ ॥ ५९ ॥ जम्मि यहुचिकरदुरवल्लोयमणिमयविमाणहयत्तिमिरे । लज्जतोव न पविसइ कायरपुरिसोव  
सुरोवि ॥ ६० ॥ पुन्नप्परिसवसही निरुवमरूवो असीमइत्सरिओ । त परिपालइ सक्को कयरिजगणमाणसधसक्को  
॥ ६१ ॥ तत्सत्थि परममित्तो समरिसरीओ समाणासिगारो । नामेण सरिरेणय विक्खाओ अमियतेओत्ति ॥ ६२ ॥  
विलसिरत्तणुकतिमई कंतिमई नाम सहयरी तस्स । दइयवियोग सा विसयलालसा न सहइ एणपि ॥ ६३ ॥ भणइय म  
मोत्तु त मा गच्छसु सामि सक्कपासम्मि । ज तुह विरुद्धरिसो दूर विदुरइ सरिरे मे ॥ ६४ ॥ पत्तमहाणदा इव अमयहइ-  
सगसुहियदेवइ । तुहसगसगया सामिसाल ह होमि नियमेण ॥ ६५ ॥ इय तवयणस्सवणा नियदेहाओ वि नियधणाओ वि ।  
अवमहिय त मन्नइ दइय सो जीवियाओवि ॥ ६६ ॥ सुरलोयतमवासमविसयस्सासगसत्तचित्तस्स । अन्नाओच्चिय  
गच्छइ फालो से चत्तधम्मस्स ॥ ६७ ॥ समयतरमि महइ वेल ठाउ सुरिदपासम्मि । जा गच्छइ ता पेच्छइ न भारिय निय-  
विमाणमि ॥ ६८ ॥ कथ गया मे कता कंतिमई इय विभावित जाव । तविरहविदुरिओ त नाणेण पलोइउ लग्गो ॥ ६९ ॥  
ता अवरसिहरगिरिदसदवणदक्कसमडवतलम्मि । विसयासत्त अवरामरेण सद्धि तमिक्खेइ ॥ ७० ॥ गुरुरोसावेणा

रत्नेत्तपहभरपिसंगियग्ननहो । तद्गुग्दहणनिमित्तं निसदृगुरुतेउलेसोच्च ॥ ७१ ॥ तो ताण मारणत्थं काउं वेगं गतो  
गिरिसिरे सो । नट्टां दुयं दोन्नवि को ठाइ पुरो दुजयरिउणो ॥ ७२ ॥ नट्टे दुगेवि वेरगवासाणावासिओ विचिंतेइ ॥  
पेच्छ अहं वेलवितो विवेयकलिओवि पावाए ॥ ७३ ॥ तुहविरहविदुरियाहं ठाउं चेद्वामि नो निमेसंप्पि । ताण भणियाण  
जायं अवसाणं एरिससिमीए ॥ ७४ ॥ धिद्धी धिरत्थु इत्थीण ताण जाहिं विमोहिया संता । मइरामत्तव विवेइणोवि  
मूढत्तणं जंति ॥ ७५ ॥ जिणचवणजम्मदिक्खाकेवलनिवाणपव्वपूयणओ । सुकयं समज्जियं नो मए पियामोहमूढेण  
॥ ७६ ॥ जाण कए पाणावि हु तणगणाए सया गणिज्जंति । तासिं इमं सरूवं ता धिद्धी धी सिणेहस्स ॥ ७७ ॥  
धेपंति रूवजोव्वणविज्जाविन्नाणनानदविणेहिं । नो पावण्यईतो ता धिद्धी थीसिणेहस्स ॥ ७८ ॥ विस्सासिऊण वाहंति  
दासवित्तीए मह समं मूढं । अपंति पुण न अपं ता धिद्धी थीसिणेहस्स ॥ ७९ ॥ वच्चंतु खयं विसया पज्जत्तं मज्झ  
सव्वभज्जाहिं । जो हं अणप्पवसओ विंडवणं एवमणुपत्तो ॥ ८० ॥ वेरगसंगओवि हु न सव्वविरइद्वयस्स जोग्गो हं ।  
ता इह लोयसुहस्सव चुक्को परलोयसोक्खस्स ॥ ८१ ॥ ता इह भज्जादुच्चरियसुमरणत्थं करेमि किंपि अहं । जं दहुं  
परलोए उप्पज्जइ मज्झ पडिबोहो ॥ ८२ ॥ इय चित्तिऊण तेणामरेण विप्फुरियकिरणरयेहिं । रोहणगिरिसिहरंप्पिव रुंदं  
जिणमंदिंरं रइयं ॥ ८३ ॥ गीयत्थसूरिमज्झ(हत्थ?)प्पइट्ठियं तत्थ कारियं तेण । सिरिसिहनाहविंबं जाणंव भवन्नवुत्तरणे  
॥ ८४ ॥ ता सक्केण संयं तत्थ अट्टदिवसाइं ऊसवो विहिओ । इय अणुदिण जिणपूयणसज्जियसुकओ चुओ  
अमरो ॥ ८५ ॥ उप्पन्नो वेयहे दाहिणसेणीए अयलनामाए । नगरीए विजयप्पहरायपियाए जयाए सुतो ॥ ८६ ॥  
विज्जुप्पहोति विज्जावियक्खणो मित्तमंडलीकलिओ । चलिओ नहेण कइयावि कीलिउं तं गिरिं पत्तो ॥ ८७ ॥ दट्ठूण  
जिणहरं जायजाइसरणो पयासइ सु(स?)हीण । कुमरो अमरत्ते नियपियाकुसीलत्तवेरगं ॥ ८८ ॥ निंदइ दुस्सीलाओ

मदिलाओ कहइ धम्मसद्वस्स । भणइय भव जाय जमज्झमिह कीलिउ पत्ता ॥ ८९ ॥ भज्जा दुअरियस्सरणकारण-  
विरइय जिणाययण । जायइ जेण विराया भवतरे सबविर्ड मे ॥ ३९० ॥ ता गिणिहय सामन्न निस्सामन्नं तत्र चरि-  
स्सामि । ता मित्ता खमियधं ज तुम्ह मए कथमजुत्त ॥ ९१ ॥ तो सविग्गा ते वित्ति तुम्ह मगं वयंपि अणुसरिमो ।  
तो सबे मा(मो)यावियजणया दिक्खं पव्वज्जति ॥ ९२ ॥ कयवालकालवभवावि सजायवहुयुया सबे । ता गुरुणा विपज्जुहो  
ठवित्तो जोगोत्ति सूरिपए ॥ ९३ ॥ सो सबथवि भवे पडिवोहतो विहारमायरइ । अज्ज पुण नंदीसरजिणविवे  
वदिउ चलिओ ॥ ९४ ॥ इह पत्तो सत्थाहिव तुमए वेरगकारणं जमह । पुट्ठो त तुह कहिय त सोउ भणइ सत्थाहो  
॥ ९५ ॥ पेच्छति मयच्छीण पहु सबेवि हु पभूयविलियाइं । नवर कस्सवि जायइ न पडिवोहो जहा तुम्ह ॥ ९६ ॥  
एयाउअिय भवसभवसुहसद्वस्समेव मूढाण । रायरहियाण दूर दुक्खपय न उणमन्नयर ॥ ९७ ॥ नूण पहु  
वहुकहाणठाणमत्ताणमेत्थ मन्नामि । रत्तेवि जेण पत्ता तुम्हे ता कहइ सुहदेउ ॥ ९८ ॥ आह पहु भववासो आवासो  
तिक्खलुक्खलक्खण । ता पत्त मणुयत्त मा हारह करह अप्पहियं ॥ ९९ ॥ तं पुण सुँ-देवगुरुधम्मत्तजोएण जायए  
नियमा । ता रागदोसअदूसियंमि देवे मइ कुणह ॥ ४०० ॥ आराहह निगंथं अणीहय धम्मियं सुसीलगुहं । जम्मि  
चराचरजीवाण रक्खण कुणह त धम्म ॥ १ ॥ जं वीयरायदोसेहि दंसियं मुणह त सया तत्तं । जं चत्तारि वि  
चउगइहराइ एयाइ भवाण ॥ २ ॥ जइ वि हु गुरुपमाया गिहिणो न कुणति सबगिहिधम्म । तहवि हु जिणपूया तेहिं  
अट्ठहा भवहरी कुज्जा ॥ ३ ॥ तहाहि । जलधूचदीवनेवज्जुसुमफलवासअक्खयसहावा । पूया अट्ठपयारा कीरइ  
भवेहिं अरिहाण ॥ ४ ॥ इय जइवि बहुविहा सा तहवि हु सुमहुरसुत्तमफलेहिं । अवयविज्जउराईहिं विरइया, वियरइ  
सुहाइ ॥ ५ ॥ सुनरामरत्तसिवसुहफलाइं भत्तीए विरइया नूणं ॥ फलपूयकरण वियरए जेणिमं भणियं ॥ ६ ॥



एकं पि फलं पुराणो जो ठवइ जिणस्स परमभत्तीए । तस्स फलंति अवस्सं नरस्स सयलाड विदिसाड ॥ ७ ॥  
तं सोऽं सत्थवई भत्तिभरप्पणयगुरुकमंबुरुहो । अंगीकरइ सयावि हु जिणपूयाभिग्गहं विणई ॥ ८ ॥ साहागेणे साहा-  
मएण इय देसणं सुणेऊण । भणिआ भज्जा दइए सुकरो धम्मो इमो अम्ह ॥ ९ ॥ जेणेह फलाहारो विहिणा अम्हाण  
निम्मिओ पायं । संतिच्चय सुरसफला इह रत्ने भूरितरुणेवि ॥ १० ॥ नूनं न किंपि सुकयं कयमम्हेहिं भवंतरम्मि पिए ।  
जायाइं तेण दोन्नि वि तिंदियतेरिच्छजईए ॥ ११ ॥ एत्तो वि हु नियचावल्लदोससंजायपाय(व)पोसाण । अम्हाणं उप्पत्ती  
कत्थइ भविही न याणामो ॥ १२ ॥ ता सुलहफलेहिं वयं पूइत्तु जिणं भवन्नवं तरिमो । साहामई पयंपइ कुणह  
इमं चलह पडणम्मि ॥ १३ ॥ एत्थंतरम्मि भणिओ गुरुणा सत्थाहिवो वयं जामो । अंबरसिहरगिरिम्मि जिणिंद-  
पयवंदणनिमित्तं ॥ १४ ॥ तो आह सत्थवाहो पहु सो केत्तियपहे गिरी कहह । भणइ गुरू एसोच्चिय आसण्णो  
गयणगयसिंणो ॥ १५ ॥ सत्थाहिवो पयंपइ अहंपि पहु तत्थ आगमिस्सामि । तो संचलिया गुरूणो सपरियणो  
सत्थवाहोवि ॥ १६ ॥ उत्तरिय दुमाओ दुयं कइदुगमवि सूरिणोणुसग्गेण । गच्छइ तरच्छकरिहरिणसवरसंचरजुए  
रत्ने ॥ १७ ॥ तंमज्जे तरणिभया पिंडीहूओब तमभरो तेहिं । अंबरसिहरो नामेण सामलो सो गिरी दिट्ठो ॥ १८ ॥  
सामलसिहरानिलचलतमालदल अंतरल्लसिरधाऊ । जो नवघणेब ईसिफुरंततडिसजुतो सहइ ॥ १९ ॥ तम्मि सीयर-  
निवडिरनिज्जरणीरसिक्करसमूहवि(व)हवाए(?) । आरूढा गुरुसत्थाहि(य)वानरा(र)म्मआरामे ॥ २० ॥ तस्सग्गे  
पिंगमणिप्पहापिसंगियसमगदिसियकं । रविरहरयणंव नियंति उदयसेलम्मि जिणभवणं ॥ २१ ॥ रयणीसु जं विरायइ  
पडिबिंबिय भूरितारयप्पयरं । केवलमुत्ताजालयविरइयसिगारचंगंव ॥ २२ ॥ पेच्छंति तत्थ उवसंतकंतमुत्तिं जिणेसरं  
रिसहं । जहजोगं प्हवणच्चणथवणे कांडं निवट्ठा(विट्ठा?)ते ॥ २३ ॥ दट्ठुण जिणवरं वानराइं बहुमाणजायपुलयाइं । आणं-

इयमपयत्तमुपन्ननयणाहं पणमन्ति ॥ २४ ॥ तो तेहिं पक्कंगवरअवयनारगवीजपूरेहिं । कयलीफलदक्खादाडिमेहि  
गंतु जिणिंदपुरो ॥ २५ ॥ पसरियभत्तिभरुब्बिज्जमाणरोमंचअचियगेहिं । रइय वालि मुयं वीजपूरय सामिकर-  
कमले ॥ २६ ॥ जुयलं ॥ तत्तो अन्तो उलसियअसमअणदमदिरच्छीणि । भूणुडभालवटं नमंति तिहुयणपहु  
ताइ ॥ २७ ॥ तो भत्तीए गुरुण नमिउ जपति निययभासाए । पहु तुम्ह पसाएण अम्हेहि समज्जिओ धम्मो ॥ २८ ॥  
भणइ गुरु धम्माओ नन्न भुवणे वि अत्थि सारतर । ता तिरियावि हु तुब्भे धन्नाइ जेसिमिय बुद्धी ॥ २९ ॥ इय  
अणुसासिय वानरजुयलं आयुच्छिऊण सत्थाह । नमिय जिण अन्नत्तो गयेणं विहरिया गुरुणो ॥ ४३० ॥  
उत्तरिउ सत्थाहो गओ जहाभिमयदेसमसढमई । पाविउ आउयत वानरजुयलपि कइयावि ॥ ३१ ॥ मज्झिम-  
परिणामज्जियनरत्तभावाहमेत्य वेयेहु । उप्पन्ना सो कत्थइ मज्झ पिओ त न याणामि ॥ ३२ ॥ जह पुव्वजम्मसद्धम्म-  
दायगो एस चारणमुणिदो । जं दहु सजायमह जाइसरणनणमिण ॥ ३३ ॥ मोत्तुं परभवदइयं सद्धम्मुच्छाहय  
पयग मे । न नरतरपरिणयेणे मणो मणोरहमवि करेइ ॥ ३४ ॥ त सोऊण सहीहिं सबपि हु साहियं खयरपहुणो ।  
तेणवि वाहरिय सुय वुत्त जुत्त इमं पुत्ति ॥ ३५ ॥ कितु न नज्जइ चउगइभवगहणे सो कहिपि उप्पन्नो । ता  
मोत्तुमसगाहं अवरवर (वर) सु तं वच्चे ॥ ३६ ॥ सा आह मज्झ अणे लग्गइ सो सुहयरो अहव अग्गी । त सोऊण  
जणओ जाओ चिंताउरो दूर ॥ ३७ ॥ एत्थतरमि सुयदुहुहिस्सरो दारवालमचणिवई । किमिमंति पुच्छिओ सोवि तस्स  
त मुणिय विन्नवइ ॥ ३८ ॥ पहु इण्हिचिय पत्तस्स सूरिणोतनणमुपन्न । तो केवलमहिममिणं कुणति अमरा सबहु-  
माणं ॥ ३९ ॥ त सोउ भत्तीए रयरवई कन्नयजुओ सबलो । केवलपिसे पत्तो पणमिय तं देसण सुणइ ॥ ४४० ॥  
आह पहु ससारो धुव असारो विणस्सरा रिद्धी । खणरायिणीउ रमणीउ गंतुर जीवियत्तंपि ॥ ४१ ॥ इय देसणावसाणे

खयरिंदो नमिय केवलिं भणइ । पहु महं सुयाभवंतरपई कई कथ उपपन्नो ॥ ४२ ॥ तो कहइ विमलनाणी फलपूया-  
करणपत्तपुत्रभरो । मरिडं सो सूरप्पहुरायपयावसारस्स ॥ ४३ ॥ पुत्तो जाओ फलसारनामओ अत्थि चारुता-  
रुत्तो । तं सोडं खयरवई पणयपहू मंदिरे पत्तो ॥ ४४ ॥ तो हं आलोचेडं सह भज्जासबं डलीएहिं । तुब्भ सयासे पत्तो  
नियतणयाए वरनिमित्तं ॥ ४५ ॥ ता राय भणसु नियपुत्तयं जहा महं सुयं विवाहेइ । तं सोडं नरनाहो जंपइ खयरवई  
एवं ॥ ४६ ॥ पाविज्जइ खयरहिं अणप्पपुत्तेहिं तुहं समो सयणो । चिंतामणिसंजोगो जायइ किं मंदभग्गाण ॥ ४७ ॥  
इयरं पि खयरकुमारिं कल्लणसिरिं व को न ईहेइ । किं पुण भवंतरस्सरणजायनेहं तुहंगरुहं ॥ ४८ ॥ एत्थंतरे कुमारो  
जाइसरणेण नायपुत्रभवो । जंपइ तहं ताय तयं जहं कहियमिमेण तुम्ह पुरो ॥ ४९ ॥ तं सोडं गुरुपरिओसपूरितो  
कुमारमाह नरनाहो । गंतुं खयरकन्नं विवाहिडं वच्छ आगच्छ ॥ ४५० ॥ इय जंपिय सम्माणियखयरवई वत्थभूसण-  
गणेण । पेसइ सह तेण सुयं राया चउंगवळकलियं ॥ ५१ ॥ विज्जाहरिंदविज्जावलेण पत्तो नहेण वेयेडु । विहितो  
तस्स पवेसे महूसवो खयरजणेण ॥ ५२ ॥ सबुत्तुमम्मि लग्गे घणाणुराया महाणुरायेण । परिणीया कुमरेणं सिंगारतरं-  
निणी कुमरी ॥ ५३ ॥ गुरुगोरवप्पहिडो दिणदसगं तत्थ संठिओ कुमरो । पच्छा ससुरमणुन्नविय आगओ नियपुरे सपिओ  
॥ ५४ ॥ पिउणा पुरप्पवेसे सुयस्स असमो महूसवो विहिओ । अत्थाणठियं जणयं नमिय निविडो तयाणाए ॥ ५५ ॥  
नवरंगयनीरंगीअवगुंठियवयणंपकया बहुया । नयससुरा तस्सासीतुहा अंतेउरे पत्ता ॥ ५६ ॥ अत्थाणठियं जणयं  
सेवइ गोसप्पओससमाएसु । न सुयइ कयाइ कुमरो कलण पुणरुत्तमब्भासं ॥ ५७ ॥ काडं कयाइ रज्जाहिसेयपरभूसवं  
कुमारस्स । गहियवड निवो पत्तकेवलो मोक्खमणुपत्तो ॥ ५८ ॥ नवनिवईवि नएणं पालेइ पयाओ दंडए दुड्डे । मन्नइ  
महायणीए पूयइ पुज्जे खले चयइ ॥ ५९ ॥ पुत्रभवोवज्जियसुकयकम्मसंभारभावतो सब्बे । खोणीवइणो तं देवयंव

आराहयति सया ॥ ४६० ॥ एगायवत्तघर्णीवइत्तसप्तचत्तमजसस्स । तस्सुप्पन्नो कइयावि पुत्तओ पट्टदेवीए ॥ ६१ ॥  
विहिउ यद्धावणय नाम कुमरस्स कित्तिसारोत्ति । दिन्न रत्ता सम्माणिकुण निस्सेसपुरलोय ॥ ६२ ॥ परिवड्डिडमारद्धो  
कमेणमज्जावयणमुवणीओ । समहीयकलो जातो समलंकियजोव्वणो कुमरो ॥ ६३ ॥ परिणावियो य उव्वणजोव्वणकम-  
णीयरायकुमरीओ । समयमि तमभिसिंचिय रत्ने राया गुरुविराया ॥ ६४ ॥ नाणधरसूरिपासे गहिउ दिक्ख तव तविय  
सिक्ख । उप्पन्नगतनानो पत्तो सो सिद्धिसयध ॥ ६५ ॥ जह विहिया फलपूया फलसारेणं महामहीवइणा । अन्नेणवि  
सियमुहमिच्छुणा तहचेय फायघा ॥ ६६ ॥ -> फलपूजा ॥

५ ५ ५ ५ ५ फलपूय अणुरीउ फलसारो भवंइं इमो भणियो । इण्हं जलपूयाइ जलसारकह निसामेह ॥ ६७ ॥ ५ ५ ५ ५ ५ ५  
भूरिहिमनिम्मिओ इव पुजियकप्परदलसमूहोव । रुपयमओ विसालो वेयड्डो नाम अत्थि गिरी ॥ ६८ ॥  
रुप्पयमयम्मि तम्मि तमालककेल्लिकयलिसडाइ । दिट्ठारुणमरगयमणिसिहराइ पिव विरायति ॥ ६९ ॥ तम्मि य  
रहनेउरचक्खवालनाम समत्थि गुरुनयर । जम्मि तिमिराणभिन्नो लोओ मणिमहपहालोए ॥ ७० ॥ जत्थ गुरुसुत्तियाओ  
हरिसहिययाओ सुपयचफातो । सउणासियसयवत्ता सईउ सरसी उवहसति ॥ ७१ ॥ पणमतउयरनिवइसिरिगि-  
मणिप्पहापिसगपओ । जलहरसारो नामेण तत्थ खेयरवई अत्थि ॥ ७२ ॥ नियदाणबुद्धिजियजलहरावली जलहरा-  
वलीनाम । तस्सत्थि हत्थिमथरसचारा सहयरी सारा ॥ ७३ ॥ तीए समत्थि जलरासिसिखणसूइयगहीरयावासो ।  
जलसच्छप्पयईविय कुमरो नामेण जलसारो ॥ ७४ ॥ मयणोव्व अतणुरूवो समगजणविहियहियवासो जो ।  
कमलायरोध गुरुमिच्चदसणुल्लसियसुवियासो ॥ ७५ ॥ उत्तमकुलावयसो वयसजणसगतोवि रायसुतो । कीलाकए कया-  
इवि पत्तो सायरगयगिरिम्मि ॥ ७६ ॥ वेलजलचलणविघुट्टुट्टुगुरुसुत्तिमोत्तियप्पयरो । सामे जम्मि दिणम्मि विभाइ

तारयसमूहोव ॥ ७७ ॥ तन्मि समित्तो कुमरो आरामपरंपरं परिबभिमरो । आयन्नइ पक्काओ हक्काओ भिडंतसुहडाण  
॥ ७८ ॥ के नाम इमे जुञ्जंति किंवि (वा ?) वेरस्स कारणमिमेसिं । पेच्छामो पुच्छामोत्ति जंपिरो सो गतो तत्थ ॥ ७९ ॥  
तो तेण ज्झत्ति दिट्ठा दोन्नि भडा दंतदट्ठनियउट्ठा । कयमीमभिडडिभाला रोसारुणलोयणकराला ॥ ८० ॥ समरारंभ-  
स्समवसगलंतपस्सेयविंदुजालेण । रेणुप्पसमणकज्जे रणरंगं सिंचयंतव ॥ ८१ ॥ जुयलं ॥ मा जुञ्जह मा जुञ्जह ता मह  
नियवेरकारणं कहह । इय कुमरवारियावि हु जुञ्जंति समच्छरा दोवि ॥ ८२ ॥ परारंति (पेरंति ?) अवसरंति य घडंति  
विहडन्ति ढित्ति करणाइं । उम्मुक्कसीहनाया वगंतिय खगवगकरा ॥ ८३ ॥ अन्नोन्नल्लपहरप्पवंचअन्नायखग-  
घाएहिं । दोणहवि पडियाइं महीयलम्मि सहसन्ति सीसाइं ॥ ८४ ॥ ता तेसिं सीसाइं पमुक्कहुंकारपेक्कहक्काहिं । अन्नोन्नं  
उच्छल्लिउं दंतोहिं डसंति अनुवेलं ॥ ८५ ॥ अवरोपरासिंदडप्पहारजल्लरियअंगुवंगाइं । जुञ्जंति कवंधाइंवि अच्छरिय-  
कराइं कुमरस्स ॥ ८६ ॥ कुमरेणुत्तं भित्ता सीसकवंधाण रणरसुक्करिसं । पेच्छह अतुच्छअच्छरियकारयं रोसवसयाण  
॥ ८७ ॥ ते विंति देव सिविणेवि नेव जं तंपि एत्थ सच्चवियं । इय जंपिराण पडियं धडुगमवि पहरजल्लरियं ॥ ८८ ॥  
सियदंतकोडितोडियअवरोप्परवयणगंडखंडाइं । निच्चेट्ठाइं होउं तस्सीसाइंपि पडियाइं ॥ ८९ ॥ तो ज्झत्ति पिंगकेसर-  
सडाकडारियसमगदिसियकं । तडिपुंजपिंजरीकयजयंव जायं सरहजुयलं ॥ ९० ॥ उक्खित्तकरपमुक्कफारफुत्तकारसि-  
क्करोसारो । वित्थारिज्जइ जेहिं दिणेवि तारयभरोव नहे ॥ ९१ ॥ अइयोएगज्जिआवरोदत्तं पेच्छउं नरिंदसुओ ।  
विन्दिहयहियओ जाओ भएण नट्ठा पुण वयस्सा ॥ ९२ ॥ तो भेरवभयजणयं सरहडुगंवि हु तिरोहियं सहसा । पेच्छइ  
य पुरो बहुसुरकिरणभरसमहियं तेयं ॥ ९३ ॥ तं पेच्छिय विम्वयतो चितइ कुमरो किमिंदयालमिमं । मइमोहधाउ-  
खोहाणमहव मह किंपि अन्नयरं ॥ ९४ ॥ इय चिंततो कुमरो जा थिरकयलोयणो तयं नियइ । ता तेयअंतरट्ठियनर-

सरिस पेच्छए कियि ॥ ९५ ॥ नयणाणिमिसत्तप्पमुहल्लिगविनायअमरसब्बावं । रइयकरकमलकोसो तं नमिय पयंपइ  
कुमारो ॥ ९६ ॥ को पडु तुमं किमेवं मीसणरुओ ठिओ ऊहसु मज्झ । इय तेणुत्तो अमारो कुमार पइ भणइ सुणसुत्ति  
॥ ९७ ॥ अत्थि असमत्थसुहड समत्थसुहडोहपत्तविजयपि । जयसार नाम पुर विजयावहरायलकरियं ॥ ९८ ॥  
तत्थत्थि वित्तसियकरवियरणसज्जणियजणमणपमोओ । सम्भयसहितो चदोब चंदतेउत्ति अत्थवई ॥ ९९ ॥ चंदप्पहा-  
भिदाणा मणोहरा तत्स पिययमा अत्थि । चदप्पहमइरा इव सरुवकयजणमणुम्भाया ॥ ५०० ॥ बहुधणवईवि दूब-  
ज्जागाय सो कुणइ भूरिववहारे । कयकिचेहिं वि महिओ जलही रयणत्थि अमरेहिं ॥ ५०१ ॥ काउ कयाणयाइं कयाइं  
पउणाइ पवहणे चडिओ । चलियो य मलयसिंघलकडाहकेसाइदीवेसु ॥ २ ॥ गच्छइ पोओ दूरा नीरभर मच्छए  
तररो य । फाडंतो तासतो भजतो भूरिवेगेण ॥ ३ ॥ अणुकूलवायविहिमणवियभणप्पेरिय जलजाण । थेवेहिंवि  
दिवसेहि वछियदीवेसु सपत्त ॥ ४ ॥ तत्थ मणवछियत्तहियजायवहुलाहपत्तपरिओसो । गहिउ सदेसजोणे कयाणए  
तयणु याहुडिओ ॥ ५ ॥ पयणप्पसराऊरिजमाणसियवडपयडवेण । योवदिणेहिंवि पत्तो पोओ जलरासिमज्झम्मि ॥ ६ ॥  
एत्थतरे अकालियघणपडलेहिं समगनहमगो । जीवोब अकज्जम्भवपावेहिं कलुसिओ दूर ॥ ७ ॥ नहदप्पणे समुदो  
सकतो अह घणो जलहिसलिले । जणयति विट्ठम दोवि सामला पेच्छिरनराण ॥ ८ ॥ इपाए समुहसिरो सिंधुजले  
निवडिऊण तडिपुजो । वडवानलोब रेहइ नहमडलजतजालोहो ॥ ९ ॥ अचतथूलमलजलधारासारसलिलसभार । मुचइ  
मेहो मोयाविउव जलहिं समजाय ॥ ५१० ॥ सामघणाली गयणे सामुक्कलियावली समुहम्मि । गज्जतीओ पसरति दोवि  
गुरुगयघडाओघ ॥ ११ ॥ नीतो होइ घणो जलभरेण उहसइ तेण य समुदो । दोन्निवि मिलिणनिमित्ता परोप्पर सचर-  
तिव ॥ १२ ॥ एव अकालभवमेहमडलाडवर पलोएउ । सबोवि पवहणजणो जातो कायवमूढमणो ॥ १३ ॥ रोससी-

रुक्मलियातोडियतणियागणो सियवडोवि । पवहणवइहिययंपिव पडितो सह कूवखंभेण ॥ १४ ॥ गुरुकल्लोलापोहावरोह-  
आवत्तगतभमणाइं । अणुभविज्जं अट्ठिडिय गिरितडे विहडिओ पोओ ॥ १५ ॥ अंगीकयगुरुकट्ठा तरिया केवि हु  
भवं व नीरनिहिं । अवरे उ अगुरुकट्ठा भवेव मग्गा समुद्धम्मि ॥ १६ ॥ पवहणवईवि बहुधणविणासदंसणविसायविव-  
संगो । मग्गो अगाहसलिले भववासे को सया सुहिओ ॥ १७ ॥ तचणु जलमाणुसीए मयणायत्ताए निययदइओत्ति ।  
आलिंगितो जहडियवत्थुं न नियंति रायंथा ॥ १८ ॥ आयड्डिय सलिलाओ भोगत्थं तीए गिरितडे नीओ । सुहपरिणईए  
जीवोव कडिओ नरयमज्जातो ॥ १९ ॥ सा तं दडुं न इमो पिउत्ति भीया गया जले झत्ति । सावायपरट्ठाणे को चिट्ठइ  
नायपरमत्थो ॥ ५२० ॥ सेलतडसिलासीणो चितेई मज्झ चेव पडिक्कलो । एस हयविहिविलासो पुब्बजियदुकयवसयस्स  
॥ २१ ॥ जं अच्चवुभुयधणकणभरियंपि पवहणं विहडियं मे । मरणंतव्वसणं सिंधुमज्जाणाहमवि संपत्तो ॥ २२ ॥ जं  
जस्स जया जायइ सुहमसुहं वा तयं तथा तेण । धेज्जमवलंविज्जं सहियद्वं जेणिमं भणियं ॥ २३ ॥ जंचिय विहिणा  
लिहियं तं चिय परिणमइ किं वियप्पेण । इय जाणिज्ज धीरा विहुरेवि न कायरा हुंति ॥ २४ ॥ एवं विभायणागय-  
विसायवसजायमणअवट्ठंभो । अवलोइडं पवत्तो रमणीए पव्वयपएसे ॥ २५ ॥ गुरुसिहरगुहाकंदरनियंवनिज्जरसयाइं  
पेच्छन्तो । भक्खंतो य फलाइं कइयदिवसाइं तत्थ ठिओ ॥ २६ ॥ किच्छेणमवरदिवसे तगिरिसिहरंमि दुग्गमे चडिओ ।  
अवलोयइ अइबहलं वणसंडं मेहखंडं ॥ २७ ॥ अनिलतरलाओ जत्तो निवडंतो नज्जए कुसुमनियरो । सुक्कोदयट्ठ-  
भवधणपडलाउ व करयनिडरुंवो ॥ २८ ॥ जं मज्झट्ठियकंचणमणिमयजिणभवणकिरणकट्ठुरियं । कप्पहुमसंडंपिव सोहइ  
आभरणगणजुत्तं ॥ २९ ॥ तंमज्झे गयणंगणगयसिंणं जिणहरं सुव्वन्नमयं । मेरुपिव अवलोयइ तलसंठियमइसालवणं  
॥ ५३० ॥ आभाइ जस्स सिहरे संकतानिलचला सियधयाली । सुरगिरिजिणह्णपवत्तदुद्धजलपवहंपंतिव ॥ ३१ ॥

तस्मि पविट्टो सो नियइ निरुवम रिसहसामिणो विव । उम्मीलियभत्तिवसुहसतरोमंचकुइतो ॥ ३२ ॥ नमइ य त  
भालतलगमिलियमहिमडलो पहरिसेण । रइयकरजुयलकोसो नियइ य नाह अणिमिसच्छो ॥ ३३ ॥ एत्थतरस्मि एगो  
चारणसमणो नहेण सपत्तो । कयतिप्पयाहिणो रिसहसामियं थोउमाढतो ॥ ३४ ॥ तिहुयणगुरुणो सिरिरिसहसामिणो  
नमियपायसयवत्त । कयकरकोसो आणदअचिओ सथव काह ॥ ३५ ॥ कणयच्छत्रिणो असावलविणो कसिणकुतला तुब्भ ।  
मदरगिरिणो पडगतमालतत्तणोव रेहति ॥ ३६ ॥ जे सामिसाल तुह पयलीणा दीणावि ते नरा दूर । भवताववज्जियगा  
विलसिरपउमालया हुति ॥ ३७ ॥ मइसुयओहीमणपज्जाणि तुह केवलस्मि मग्गाणि । तारयनक्खत्तगहससिणोव सहस्स-  
करतेए ॥ ३८ ॥ त सामि समयसरणमि सोहसे रइयरम्मचउरुवो । नारयतिरियनरामरचउगइज्जणवोहणत्थ व ॥ ३९ ॥  
रायाण रक्काण य धम्ममुवात्स तुम सम दिससि । कि जयमुज्जोयतो मेच्छकुलाइ वयइ सूरु ॥ ५४० ॥ तुह मिलणे मह  
जाओ बहुमाणवसेण रम्मरोमचो । घणसमयमि कयंयत्स सबओ कुसुमनियरोव ॥ ४१ ॥ इय नीइचक्खसिरिनेमिचदमुणि-  
नाहानमियपयपउम । जह जाया तुह सिद्धी त तह मज्झवि पहु पयच्छ ॥ ४२ ॥ इय थोउ रिसहजिण उवविट्टो तयणु  
चंदतेओ से । पणमिय कयजलिउडो उवविसिओ भणइ मुणिमेव ॥ ४३ ॥ भयव नरत्तनियजम्मजीवियद्याण वसणठाणाण ।  
देयगुरुसणेण मन्ने अज्जेव सहलत्त ॥ ४४ ॥ ता पहु मह कहसु अवत्थसमुचियं धम्ममह कहइ साहू । पूइज्जइ एस  
पहु अट्टपगाराहिं पूयाहि ॥ ४५ ॥ तहाहि । नेवज्जागधअत्तयदीवयफलसलिलकुसुमधूवेहि । जिणपूया भत्तीए रइया  
वियरइ सिंसुहाइ ॥ ४६ ॥ दूरे धणक्खुब्भववासप्पमुहाउ सत्तपूयाओ । एक्कावि मुहा लब्भा जलपूया हरइ ससार  
॥ ४७ ॥ जओ । जलभरियपत्तमेत्तो ससारमहोयही फुड तत्स । जो ठवइ जिणत्स पुरो सीयलजलपूरिय पत्त ॥ ४८ ॥  
फलिहेण व सच्छेण अमएणन साब्बा जिणवरिंद । सीएण सिसिरेण व जलेण अच्चति कयपुत्ता ॥ ४९ ॥ जेण जिणाउ न



अन्नं पूयापत्तं समस्थि तिजएवि । ता पूइऊणमेयं सहलं मणुयत्तणं कुणसु ॥ ५५० ॥ तं सोडं सो जंपइ नमिऊण मुणिं निवद्धकरकोसो । भयवमणुगगहिओ हं समयोचियधम्मकहणेण ॥ ५१ ॥ इय जंपिडं गओ गिरिनिज्जरणनिवायरुंद-कुंडस्मि । कयकमलपत्तपुडए गहिय जलं जिणहरं पत्तो ॥ ५२ ॥ दड्ढूणं सुवणगुरुं सुमरियपुबिन्नियसिरिफुरणो । चिंतइ तइया नाहो जिणनाहो मज्झ जइ हुंतो ॥ ५३ ॥ ता हं नियसिरिचित्थरसमवत्थगणेण (?) नूणमच्चंतो । इण्हि एयावत्थो करेसि एयंपि जलपूयं ॥ ५४ ॥ इय चिंतिय असमुल्लसियभत्तिपव्भारपुलइयसरीरो । पसरन्तभूरिआणंदअंसुदंतु रियपम्हच्छो ॥ ५५ ॥ सुंचइ पहुणो पुरतो जलपुडयं अत्तणो परिकलंतो । नरजम्मजीवियवण सहलयं सुवणणयस्स ॥ ५६ ॥ भणइ मुणी धन्नो तं पयडइ पुलओ तुहंतरं भत्तिं । इति न दुद्धे पीए उगारा आरनालस्स ॥ ५७ ॥ सिवलच्छि-पेच्छियाणं उच्छाहो होइ एरिसोवम्मं । नहि सुकयसंगयाणं धम्मस्मि अणायरो होइ ॥ ५८ ॥ तेणुत्तं भयवं मे भवंतरे वि हु भवेज्ज तं चेव । देवगुरुधम्मतत्ताण देसओ विरइयपसाओ ॥ ५९ ॥ इय जंपिय तेण नओ गओ मुणी नहयलं अलं-करिडं । सोवि गुरुविरहविहुरो खणमेत्तमचेयणोब ठिओ ॥ ५६० ॥ नमिडं बहुमाणपुरस्सरं जिणं निग्गतो जिणाययणा । नियपुरगमणोवायं चिंततो गमइ दिणसेसं ॥ ६१ ॥ एत्थन्तरम्मि नहमगसंगिनगोहसाहिसिहरम्मि । अल्लीणा आगं-तूण पक्खिणो इत्ति भारुंडा ॥ ६२ ॥ ते माणुसभासाए नियवुत्तंते कहिति पुत्ताणं । एक्केण जंपियमहं जयसारपुराड संपत्तो ॥ ६३ ॥ तप्पुरसमगवणिवग्गअग्गणीचंददेयनामो जो । संभिन्नपवहणो सो मओ अपुत्तोत्ति जणवाओ ॥ ६४ ॥ निमुओ निवेण तो से गहितो निह्लुडिऊण घरसारो । जे जोयंति असंतंपि ते न किं संतमिह छिहं ॥ ६५ ॥ गुत्तंपि धणं कहियं कयत्थणाकंपिराए कंताए । अप्पमि व णस्संते कजं किं सयणदविणेहिं ॥ ६६ ॥ एवं आरामियजणक-हिल्लिमाणं मए सुयं वच्छा । इय भारुंडपयंपियसवणा सो चिंतइ ससोओ ॥ ६७ ॥ पेच्छ जहा मह लच्छी पसरंत-

मुवन्नतारसारावि । सिंघपि रयं पत्ता गिम्हसमुभूयरयणिच्च ॥ ६८ ॥ अथज्जणदुबुद्धी दिन्ना दिघेण मज्झ रुहेण ।  
कि देर करचवेडं कयाइ कुविओ विहिविलासो ॥ ६९ ॥ किविणण चक्कट्ठी जाओह सवहा जओ न मए । दववओ  
विरइओ सुपत्तितेयेसु धणिणावि ॥ ५७० ॥ कि सायरतरणधणज्जण विणा मज्झमासि न वहतं । ज मे गया सिरी  
जीवियपि सदेहमणुपत्त ॥ ७१ ॥ पत्तावि पल्लचिय अपुन्नवताण निच्छिय लच्छी । किमभग्गगिहलीणा होइ थिरा  
कामदुहवेणू ॥ ७२ ॥ सुकुमालतणू पेम्मेक्कमदिर विमलसीलकलियगी । कइ सहिही मह कन्ता कयत्थण रायभडज-  
णिय ॥ ७३ ॥ नूण न मए रम्मो धम्मो विहिओ भवंमि पुविले । जमह विडवणाडवर इम इह भवे पत्तो ॥ ७४ ॥  
तरथ गमणुस्सुतोवि हु गच्छामि कइ उवायहीणोह । कइमक्कमचकमणो पगू वडियपुर जाइ ॥ ७५ ॥ जइ जामि तत्थ  
अच्छि ता निवघत्थपि नूण वालेमि । गुरुविसवेगविलुत्तापि चेयण मतवाइव ॥ ७६ ॥ इय तरस्स यणविणासासुहि-  
यस्स नित्ता ठिया पहरसेसा । पुत्ताण गमणठाणाणि कहिय गच्छति भारुडा ॥ ७७ ॥ जो चलिओ तन्नयरे पाए  
सो तत्स दडयर लग्गो । उट्ठीणो भारुडो मणनयणजवेण जाइ नहे ॥ ७८ ॥ नवर सो विहिविलसियवसेण विच्छुट्ठि-  
ऊण तप्पाया । पडिओ समुहसलिले विमुहविही कुणइ नो कि वा ॥ ७९ ॥ मज्जतेण तेण जिणगुरुचरणण सुमरियं  
सहसा । तस्सणुभावओ मरिउमभुए सो सुरो जाओ ॥ ५८० ॥ कालेण चारणस्समणतगुरू तमि चेव कल्पम्मि ।  
जातो सुरो तहा पुव्वभवभवो वाण नेहोवि ॥ ८१ ॥ नाऊण नियचवण तेणुत्तो गुरुसुरो सुही एव । पत्ते मणुयत्ते मं  
पडिवोहेज्जसु तुम भित्त ॥ ८२ ॥ पडिवन्न तेण तय तो सो चविऊणमेत्थ वेयड्डे । रयरिंदसुओ जाओ चलिओ य  
पनीलिउ एत्थ ॥ ८३ ॥ एत्थतरे मए सुरसुहसगविमोहओ वहुदिणेहि । सरिया पुव्वभवदुग्गपडिवोहव्वत्थणा तुज्झ  
॥ ८४ ॥ तो भडवडसिरणसरहरूप(पभईय)विरइय पच्छा । नियसाहावियरूव तुह विब्भमकारणे कुमार ॥ ८५ ॥

ता वच्छ अपत्यंपिव नराण रज्जपि होइ असुहाय । गिम्हनईनीरंपिव झिज्जइ अणुदिवसमवि आउं ॥ ८६ ॥ नरनय-  
पाणिमिसत्तंव जोद्वणं नो कयाइ ठाइ थिरं । कलुससहावाउ सया बहुलनिसाओव मयच्छीओ ॥ ८७ ॥ किं बहुणा  
संबंपि हु विणस्सरं भवसमुब्भवं वत्थु । सारयघणोव सोयामणिव जलबुबुतोहोव ॥ ८८ ॥ ता वीयरायदेवं पडि-  
वज्जसु तं सरायमुज्झिता । पाविय वंछियफलयं कप्पतरुं सरइ को निंबं ॥ ८९ ॥ निगंथंमि गुरुंमिं गुरुबुद्धिं कुणसु मा  
पुण संगथे । पत्तम्मि सुयणसंगे मग्गइ किं कोइ खलगोहिं ॥ ९० ॥ सुत्तुमतत्ते अंगीकरेसु जीवाइयाइं तत्ताइं ।  
को गुंजाओ गिण्हइ चइऊण महघरयणनिहिं ॥ ९१ ॥ पडिवोहिउं तुममहं जाओ निरिणो नियम्मि पडिवन्ने । तं  
सुणिय जाइसरणेण नियमवे पेच्छिय कुमारो ॥ ९२ ॥ जंपइ पणामपुबं पडिवनं पालियं तए सामि । तं मोत्तुं नन्नो  
तिहुयणेवि परमोववयारी मे ॥ ९३ ॥ इण्हिं गिहयम्ममहं काहमसत्तोमिह सबविरईए । किं मयमुहगयसज्झं कज्जं  
काउं तरइ कलहो ॥ ९४ ॥ इय तेणुत्ते तियसे सहसत्ति तिरोहिए गतो तेओ । अवभंतरिए तरणिंमि दुरवलोओ  
पयावोव ॥ ९५ ॥ संपत्तमित्तजुत्तो पत्तो नयरे गुरुक्कमे नमिउं । गिण्हइ गिहस्थधम्मं कल्लाणे को पमायपरो ॥ ९६ ॥  
रंकेण व रयणनिही वरविज्जो वाहिणव संपत्तो । सद्धमो तेणं सो कयकिंचं कलइ अप्पाणं ॥ ९७ ॥ उम्मत्तजोवणुद्दाम-  
कामकमणीयकायकंतीओ । नहयरनियंविणीओ पुत्तो परिणाविओ पिउणा ॥ ९८ ॥ तं अहिसिंचिय रज्जे पवज्जं गिण्हए  
खयरराथा । इहलोइयपारलोइयसुहकज्जे उज्जया गरुया ॥ ९९ ॥ जलसारखयरचक्की परचक्कमणकयमणुक्करिसो । पालइ  
पसरंतपहो नियरज्जसिरिं सुरिंदोव ॥ ६०० ॥ लीलाए परिचलिरम्मि जम्मि माणिक्कमयविमाणेहिं । गयणयलमलंकिज्जइ  
सयावि किंकिणिकलरवेहिं ॥ १ ॥ वंदइ गुरुणो पूयइ जिणेसरे कुणइ संघवहुमाणं । जिणजत्ताउ पवत्तइ मंदरनंदी-

सराईसु ॥ २ ॥ इय सद्धम्म रज्जस्सिरिं च परिपालिऊण बहुकाल । नामेण रयणसारं कुमार रज्जे ठवेऊण ॥ ३ ॥  
नियजणयरणमूले दिक्ख गहिऊण कयतवच्चरणो । पावियकेवलनाणो पिउणा सह सिद्धिमणुत्तो ॥ ४ ॥ विहिया  
जह जलपूया सिवसुहदेऊ इमस्स सजाया । तह जायइ खन्नस्सवि भत्तीए तीए ता जयह ॥ ५ ॥ ॐ जलपूजा ॐ

ॐ ॐ ॐ ॐ ॐ भगिओ जलपूयाए जलसरो संपय पयपेसि । निव धूवसुंदरकह आयकह धूवपूयाए ॥ ६ ॥ ॐ ॐ ॐ ॐ ॐ

अत्थि एुरियमहानीलमणिसिलासालफलहृकविसीस । सिरुसुमियवणपरिवेढियं व नयर महासालं ॥ ७ ॥  
पडिमदिरमणिभित्तिप्पडिविवियतरणिभासुरत्तेण । ज पेच्छिउपि तीरइ न तस्स कत्तोस्सिपरिभूई ॥ ८ ॥ थिरमइपया-  
वजियगुरुअहिमयरो जलनिहिइ गभीरो । चदोव पवित्तकरो राया नयसुंदरोत्थि तर्हि ॥ ९ ॥ बहुसत्तमडलगण्णहार-  
परजयपवित्तयाकलिओ । जो एकमडलगण्णहारपरजयपवित्तोवि ॥ ६१० ॥ तस्सतेउत्तरणीपहुत्तपयमरिसया पिया  
अत्थि । नामेण कम्मणावि हु विजयवई सीलकुलभवण ॥ ११ ॥ उज्झतागुरुनवधूवसुंदरो धूवसुंदरो नाम ।  
तीगत्थि हत्थिमथरगई रईसोवमसरीरो ॥ १२ ॥ समराइओ सुसाहुव समणधम्मोव जो सुहयसुत्ती । सक्कमलच्छि-  
विलासो गयकरवाहो महुमहोव ॥ १३ ॥ कुमरो कयाइ आरुहिय खधरं गुरुकरेणुरायस्स । छत्ततिरोहियतरणी तरणी-  
करचलिरसियचमरो ॥ १४ ॥ पुरओ पयट्टहयघट्टचडियनियमित्तपत्ति(पंति ?)सजुत्तो । पविसिय सहाए पणमिय पिउणो  
पुरओ समुवविट्ठो ॥ १५ ॥ एत्थतरम्मि रणवीरराइणो दारवालविन्नत्तो । दूतो दुयं नरिंदं नमिउ विन्नविउमारद्धो  
॥ १६ ॥ पहु पिउपयावपावयपुल्लपरिपथिसत्थसलहेण । गयनयरपहुरणवीरेण पेसिओ तुह सयासे हं ॥ १७ ॥  
मह पहुणा तुह आणा पट्टविया जह पयच्छ पइवरिस । मह करमह न पयच्छसि धरियधणू होसु ता समुहो ॥ १८ ॥  
असरिससामत्थेणवि तेण तुमं नीइपुवय भणिओ । को महुरोसहसज्जे रोए कडुओसहं देइ ॥ १९ ॥ ता हरिही रज्जं पि हु

जइ न धरसि तस्स सासनं सीसे । हरिणाहिवन्मि हरिणावमाणणा नणु अणत्थाय ॥ ६२० ॥ कहियं हियं तुह मए  
तं कुणसु नरिंद जं मणोभिमयं । सप्पुरिसपयडियपिहु गिण्हंति हियं न देवहया ॥ २१ ॥ छत्रोवि रायरोसो दूजत्तस्स-  
वणओ ठिओ पयडो । किं उट्ठहिओ अग्गी जालिजंतो न पज्जलई ॥ २२ ॥ भिउडिघडणा निवइणो समंपि विसमत्त-  
मुवगयं भालं । धिज्जाइयस्स वत्थंमंदपवमाणतरलणओ ॥ २३ ॥ भणियं निवेण रे दूय तुह पहू मह करं गहिटु-  
कामो । अहयं तु नियकरेणं रणे गहिस्सं सिरं तस्स ॥ २४ ॥ तं पेसिय तुह पिहुणा विरोहिओ हं धुवं सनासाय ।  
निदायत्तमइंदपडिवोहो किं सुहं देइ ॥ २५ ॥ आणसु तं नियनाहं नाहं जं से सहिस्समवराहं । साहूणं सिंगारो  
अविणयसहणे न निवईणं ॥ २६ ॥ दूणुत्तं निव नियवरट्ठिओ जह वहेसि भडवायं । तह जइ समरुच्छंगेवि ता  
तुमं चेव वीरवई ॥ २७ ॥ रायाह जाहि आणेहि नियनिवं दूय देससीमाए । जह रणनिहसो दंसइ पोरुसकणयुच्चभवं  
वन्नं ॥ २८ ॥ इयं जंपिय सम्माणिय विसज्जितो राइणा गतो दूतो । अचंतं कुवियावि हु उज्झंति नरेसरा न नयं  
॥ २९ ॥ ताडाविया निवइणा रणभेरी भीरुभूरिभयजणणी । तो नयनिवेण कुमरेण पत्थिया समरगमणाणा ॥ ३० ॥  
नाऊण निब्वंधममच्चमंडलीजंपिएण दिन्ना से । रणगमणाणा तो सो चलिओ चउरंगवळकलिओ ॥ ३१ ॥ गुरुगयवडासु  
तुरयावलीसु रणझणिरकिंकिणिरहेसु । रायाणो सामंता मंडलिया चडिय संचलिया ॥ ३२ ॥ परिकलंचता बहुआउहाइं  
आओहणाय जोहोहा । कुमरं परिचारंता जंति पहे समरनिव्वडिया ॥ ३३ ॥ विरइयवहुप्पयाणयसयलंधियनिययदे-  
ससीमाए । पत्तो कुमरो रिउनरवईवि सवलो सदेसंते ॥ ३४ ॥ उवमुत्तसपहुगरुयप्पसायनिकियकयुज्जमा सुहडा ।  
अन्भिडिया असमुच्छलियमच्छरुच्छाहसंजुत्ता ॥ ३५ ॥ हरिकरिरहचडिएहिं हयगयसंदणठिया पडिक्खलिया । पय-

चारिणो वि रुद्धा समच्छर पायचारीहिं ॥ ३६ ॥ वावहसेल्लमल्लमलीनारायसरपहारेहिं । भिज्जंता गुरुगयघडमड-  
तुरया जन्ति जमगेह ॥ ३७ ॥ अन्नोन्न दतेहिं तोडति सिराइ मुक्कहक्काइ । निप्पसरअसिप्पहरे वियरति य वगिर-  
घडाइ ॥ ३८ ॥ नवरगमेहडवरसियल्लतेहिं मही जहिं सहइ । रत्तुप्पलइदीवरपुंडरियकोवहारव ॥ ३९ ॥ खग्गाहय-  
गयकुम्भगनिगयाउ पढन्तमुत्ताओ । रेहन्ति खग्गपाणीयगलिगुरुविण्डुणेव जहिं ॥ ४० ॥ असिघायुच्छलियठिय गयस्स  
जस्सन्तिगे मुहं फरिणो । सो सहइ तेण दुकरोव सचउकुम्भोव दुमुहोव ॥ ४१ ॥ एयारिसे रउदे रणम्मि रणवीरराय-  
कुमरेहिं । पारव्ह पहेरुं परोप्पर करडिचडिहिं ॥ ४२ ॥ लल्लक्कमुक्कहक्काळप्पहारेहिं दोवि पहरति । भिंदति य  
अन्नोन्न दंतप्पहरेहिं फरिणोवि ॥ ४३ ॥ रिउकरिणा कुमरकरी निवाडितो दसणपहरज्जरिओ । पडिओ कुमरो गहिओ  
य वेरिकरिणा करगेण ॥ ४४ ॥ उच्छालिओ य गयणे निवडन्ते निवसुए रिउनिवेण । धरिओ खग्गो उव्ह (हेट्टं?)  
जह भिज्जइ निवडितो कुमरो ॥ ४५ ॥ निवडतेणं तेण रिउखग्ग वंचित तओ झत्ति । पयघाएणं पट्टीए पहरिजं, पाडि-  
ओ वेरी ॥ ४६ ॥ पडिओ सो करिपुरओ कोवमयघेण तयणु तेणावि । दिन्नो पाओ सीसे दलियकवालो मओ राया  
॥ ४७ ॥ दहु वेरिविणास असुरामरखेयेहिं परियुक्का । कुमरसिरम्मि निवडिया अलिउलमुहला कुसुमवुट्टी ॥ ४८ ॥  
अहियमि हए गहिया कुमरेणमनायगा सिरी सयला । “को वा कुणइ पमाय लाहे अक्खमुयत्थस्स” ॥ ४९ ॥ मोत्तु निय-  
पहुप्पुत्त रिउसामता कुमारमणुसरिया । “लज्जंति जियंताणवि सव्वे विरलच्चिय मयाणं” ॥ ५० ॥ तो झत्ति समरवीरो  
रिउपुत्तो कुमरमस्सिओ सरण । “समयाणुवत्तण सह नीई कि पुण इय अवाए” ॥ ५१ ॥ कुमरेणावि विइन्नो तप्पिट्ठीए  
निओ अभयहत्थो । “इयरम्मि वि निरणुसया कि पुण सरणागए गरुया” ॥ ५२ ॥ काराविय नियआणं दिन्न तस्सेव  
तज्जणयरज्ज । “असमाणाच्चिय निच कोवपसाया महत्ताण” ॥ ५३ ॥ तेणवि सिंगारसिरिभइणिं परिणाविओ नरिद-

सुओ । “पञ्चवयरियेव नो कालविलंबं कुणइ गरुओ” ॥ ५४ ॥ चलिओ सदेससमुहो रायंगरुहो जयजियजसोहो ।  
“सिद्धे कजे को वा वसइ सयन्नो विएसम्मि” ॥ ५५ ॥ कुमेरेण समं नवनरवईवि चलिओ सकीयबलकलिओ । “नियप-  
हुपयसेवच्चिय मूलं लच्छीए न पमाओ” ॥ ५६ ॥ आगच्छंतो कुमरो पत्तो वियडाडईए एक्काए । हिंतालतालतालीतमाल-  
वडसालकलियाए ॥ ५७ ॥ जा उत्तमसोहंजणविसालअक्खा मणोहरपवाला । पाडलअहरा पव्वयपओहरा सहइ रमणिब  
॥ ५८ ॥ विलसंतसरलचित्ता गुरुहयमाराय साहुसेणिब । भवावलिव संजायपत्तबोही असोथा जा ॥ ५९ ॥ मज्झंमि  
तीए वणसंडेढियं गयणलगगुरुसिहरं । सप्पायांरपि भयावहारयं नियइ जिणभवणं ॥ ६० ॥ रेहन्तरूवदारं नरिंद-  
मिव पत्तमूलरेहं जं । संपूरियसुयणासं लसिरामलसारसहियं च ॥ ६१ ॥ सबत्तो अनिलचला कंकेलितमालसाहिणो  
जरस । जिणरायभयुब्भन्ता रागदोसव्व कंपंति ॥ ६२ ॥ दट्ठूण देवमंदिरमावासइ तत्थ निवसुओ सबलो । तम्मि  
पविट्ठोच्चिय झत्ति मुच्छिओ पेच्छिऊण जिणं ॥ ६३ ॥ सिसिरकिरियाविरयणा संपवियचेयणो ठिओ सत्थो । आपुच्छिओ  
य मुच्छाए कारणं मंतिवगेण ॥ ६४ ॥ जंपइ कुमरो मह देवदंसणा जाइसरणमुपन्नं । सच्चवियं तेण भवहुगमाय-  
न्नह तयं तुब्भे ॥ ६५ ॥ पत्तरहराइयंमि सरेब आरामरम्मगामंमि । साहससारो नामेण आसि एगो तुरयचोरो  
॥ ६६ ॥ गंतूण दूरदेसे अत्थत्थी हरइ गुरुरयतुरंगे । विक्किणइ य दूरतरे “का वा लुद्धाण मज्जाया” ॥ ६७ ॥ नियभो-  
गंमि निजुंजइ दविणं वियरइ य दीणवंदीणं । “मोत्तूण चांगभोगे नन्नं लच्छिफलं अहवा” ॥ ६८ ॥ कइयावि कडीतड-  
वद्धखगघेणू तुरंगहरणत्थं । पत्तो सुवासनामे गांमे दिणपच्छिमे जामे ॥ ६९ ॥ मणपवणजवे विलसन्तलक्खणे  
तेयतरलथाकलिए । पेच्छइ अतुच्छदुब्बादलाइं चरमाणए तुरए ॥ ७० ॥ तो सो चिन्तइ एयाण मज्झओ जइ हरामि  
एक्कंपि । दालिइस्साजंमं ता देमि जलंजलिं नूणं ॥ ७१ ॥ इय चितियपओसे लग्गो मगंमि सो तुरंगण । “जो जक्कजे

पत्तो स पमायं कुणइ किं तस्मि" ॥७२॥ गामाहिवत्स गोहे गया हया सूरतेयनामत्स । दारेक्षिय सो रहिओ "परघर-  
माविसइ को सहसा" ॥७३॥ पविसन्तगोउलुच्छलियरभरादित्सदेहजट्टी सो । तस्मि पविट्ठो "अपं न चोरजारा पया-  
सन्ति" ॥७४॥ म पेच्छिही महीए कोवित्ति विचिन्तिउं बढे चडिओ । "जह होइ अप्परक्खा दक्खा तह सपयट्ठति"  
॥ ७५ ॥ बडसठिण दिट्ठी पवित्त्ता तेण गेहमज्झस्मि । दिट्ठा य दीवउज्जोयपयडिया अंगणा एगा ॥ ७६ ॥ हरि-  
णिदत्तामज्झा हरिणकुमुहीय हरिणसमनयणी । विडुमअहरा पीवरपओहरा कणयवन्नधरा ॥७७॥ तं पेच्छिऊणमत्साव-  
हारओ चिंतए कयथो सो । नियरूवसिरी अहीकयसिरी जस्सिमा भज्जा ॥ ७८ ॥ एत्थतरस्मि डुक्कासु सयलसुरहीसु  
सेरहीसु च । यढेसु तुरगेसु जणप्पयारे ठिए विरले ॥ ७९ ॥ परिपालन्ते अस्सावहारिपुरिसस्मि ह्यहरणसमयं । मंदं  
मद गोहाओ निगया सा मयकमुही ॥८०॥ तं दहुं सचरिओ सो इत्ति वरडओवरिमसाहं । आगच्छंति तो नियइ बडतले  
दारमगेण ॥८१॥ सपत्ता बडतलवियडअयडतडनियडविडभडसयासे । तीए अवलोइओ सो नववयविडदेहसठाणो ॥८२॥  
मयणाहिमासलामोयमणहरो रइयरम्भसिंगारो । परिपीडियतूणीरो करकलियपयंडकोदंडो ॥ ८३ ॥ दट्ठुण तय उक्क-  
ठियाए तफठठविययाहाए । आलिगिऊण भणियं किं सुहय तुहेत्तिया वेला ॥ ८४ ॥ सो जंपइ सुयणु जणप्पयारपत्तम  
ठिओग्धि पालन्तो । "अहवेरिसकलरओ पयडइ किं कोवि अत्ताणं" ॥८५॥ तुह मोहमोहियमई मयच्छि अहमगतो  
गुरुरण । "लीलावईविलासावहियमणाण कुओ थिरया" ॥ ८६ ॥ गयगमणि तुह कज्जे सुतुं कतं सिरिं च इह पत्तो ।  
"अहया त सबत्स जमि मणो निवुइ वहइ" ॥ ८७ ॥ सा आह कंहुं तुमए नाओ अपयासिओ वि सकेओ । तेणुत्तं  
विचाहरि आयन्नसु तुज्झ साहेमि ॥ ८८ ॥ गुरुरयतुरयं आरुहिय आगतोहमिह अप्पकळेण । सच्चवियो तुमएवि डु  
वियसियकुनलयदलच्छीए ॥८९॥ हयकीलणच्छलेण मयच्छि त पेच्छिया मए सुइर । "तुह रूवत्स न तिची पत्ता जरि



एणव जलस्स” ॥ ६९० ॥ असमस्सिगेहसव्वसरसवसुफुल्लनयणकमलेहिं । अवलोइओ तए वि हु अहमणिमिसविब्भम-  
धराए ॥ ९१ ॥ नाओ तुहाणुराओ मए तए वि हु ममाणुराओवि । “नयणेहिंनिय नज्जइ अहवा हिययडिओ भावो”  
॥ ९२ ॥ एत्थंतरम्मि तुमए धम्मिह्मा छोडिऊण कुसुमाइं । खित्ताइं इह पएसे अमिलाणाइं पि तवेलं ॥ ९३ ॥ मं  
पेच्छिरीए उबेल्लिऊण केसेहि विरइया वेणी । आमीलिय नयणाइं मं पेच्छिय तं गया सगिहं ॥ ९४ ॥ नाओ मएवि  
भावो जह मह दिन्नो इमाए संकेओ । कहमन्नह अमिलाणाइं एत्थ कुसुमाइं खित्ताइं ॥ ९५ ॥ केसेहिं निसितमंमि  
तह नयणनिमीलणेण सुत्तजणे । अहमाहूओत्ति वियडूयाए नायं मए जेण ॥ ९६ ॥ “वंकमणियाइं कत्तो कत्तो अद्धच्छि-  
पेच्छयाइं च । ऊससियंपि मुणिज्जइ छइल्लजणसंकुले गमे” ॥ ९७ ॥ ता रंभोर तुहत्ये एत्थ अहं आगओ तुह वियोगा ।  
पल्लियजलणजालाजलिरंगो इव दिणं गमिउं ॥ ९८ ॥ सा जंपइ चउजामोवि सामि मह वासरो सहसजामो । तुह  
विरहविहुरयुम्मायजायतावाय संजाओ ॥ ९९ ॥ अमयमओ पिय तं जं तुह मिलणे मे गओ विरहतावो । “किं सिसिर-  
किरणजोण्हाजोगो धम्मं न पसमेइ” ॥ १०० ॥ इय रम्मपेम्मसवस्समुव्वहेहिं तेहिं तत्येव । रइया रयकीला उल्लसंत-  
मयमयणमेतेहिं ॥ १०१ ॥ तद्विरइयरयविभाणविरयणा हरियहियवावारा । सा आह कुणसु तह नाह जह सया होइ ने  
जोगो ॥ १०२ ॥ फुट्टइ हिययं दज्झइ सरीरयं जाइ जीवियंबपि । मह तुह विरहे ताहमवि सहं तए आगमिस्सामि ॥ १०३ ॥  
तन्नेहमोहिओ सो जंपइ ता चलसु तयणु तीउत्तं । गहिउं निययाभरणं इण्हिपि समागमिस्सामि ॥ १०४ ॥ ता अप्पसु  
नियच्छुरियं जह पेडं दारिउं तमाणेमि । जायइ खडक्खडा तालयस्स उग्घाडणे जेण ॥ १०५ ॥ तेणावि खगधेणू समप्पिया  
गहिय तं गया सावि । नवरं महइवेलाए आगया तस्स पासंमि ॥ १०६ ॥ क्वयकंठनिविट्टस्स ज्झत्ति तीए समप्पिया  
छुरिया । “सिद्धे कल्ले को वा परवत्थुं धरइ सकरम्मि” ॥ १०७ ॥ सह अप्पणा इमंपि हु पटु दिन्नं तुह सुमग्गमाभरणं । इय

जपिरी तमप्यइ “किमदेयं वा सिणेहस्स” ॥८॥ सगोविण समग्ग तेणवि त वधिऊण परिहणो । “इयरपि सुग्गहीयं कुणति दक्खला किमु न दध” ॥ ९ ॥ भणिय च तीए पिययम तुह कज्जे मारिऊण दइयंपि । इह पत्तत्ति पयासइ पयईतुच्छत्त-  
मित्थीण ॥ ७१० ॥ त सोढं सो सुहडो जपइ एय तए कयमजुत्तं । जं सो हओ “न गरूया पावपवत्तावि निक्करुणा” ॥ ११ ॥ पररमणीपरिभोगो एक वीय तु तीए अवहरण । तइयं धणावहरो तुरियमविणासिनरहण ॥ १२ ॥ जइ ह नागच्छंतो ता हुत एक्कमवि न पाव मे । आगंतु चत्तारिवि पावाइ मए कयाइं पिए ॥ १३ ॥ एकेक्कंपि समत्थं दाणे नेरइयदारुणदुहस्स । चउपायभरकत्तो कहिं हयासो गमिस्समहं ॥ १४ ॥ नंदतु मरा तेच्चिय चिर न चिंतावि जाण सजाया । पररमणिविसयविसया सीलालकारकलियाण ॥ १५ ॥ हा हा हयविहिविहिओहमिह महापावमदिर तुमए । कहमअह म पत्ता एवंविहपावरिछेली ॥ १६ ॥ गब्भाउ किं न गलिओ बालो मिलिओ न किं बिडालीए । जमहम-  
कज्जपरपरपत्त जाओ अणज्जमई ॥ १७ ॥ एव वैरगावसा वागरमाणं निसामिय तय सा । चितइ नूण विरत्तो एसो परिससमुल्लावा ॥ १८ ॥ ता मह सबत्तिपुत्ताण गोससमयमि साहिही नूणं । ते म कयत्थिऊण दुम्मरणेण हणिस्सति ॥ १९ ॥ ता किं इमिणा मह रक्खिएण नियवैरिणत्ति चितेइ । “खणरायविरायन्तं पायं पयई महिलियाण” ॥ ७२० ॥ पट्टु मह खमसुत्ति पयपिऊण खामणमिसेण तप्पाए । उप्पाडिऊण अयडे झडत्ति सुहं खिवइ पावा ॥ २१ ॥ तिष्ठाणु-  
राय(इ)णीविय सज्झव विराइणी दुयं जाया । “खणरायविरायत्ते महिलिणहवा किमच्छरिय” ॥ २२ ॥ दट्ठूण भंडं अयडे पक्खित्त इयहरो विचिंतेइ । “धिद्धी धिरत्थु इत्थीण गत्थसत्थेकमूलण” ॥ २३ ॥ उम्मीलिओ वि दूर इमंमि सुहडे इमाए अणुरातो । सहसच्चिय पण्हो पवणाइयसरयजलओव ॥ २४ ॥ जत्सग अप्पिज्जिइ दिज्जइ दुइयसधदंषि । सो वि हु एवं इम्मइ “अहो महेलाण मूढत्त” ॥ २५ ॥ पचविहं विसयसुह उवमुत्तं जेण सह सिणेहेण । तधेलं चिय सोवि हु

खित्तो पावाए क्वंमि ॥ २६ ॥ दट्ठण कूडकवडाइं नूण महिलाण पुंवरायाणो । सुतुं तणंव ताओ झत्ति तवच्चरणमकरिंसु ॥ २७ ॥ पवगिब चलसहावा महिला ल्थव्व जणियसंतावा । उप्पाइयवसणसया कुर्विंदसालव पडिहाइ ॥ २८ ॥ सुंदरवन्ना आमोयमणहरा सुहरसाय भुजंती । महिला किंपागफलावलिब उप्पायइ अणत्थं ॥ २९ ॥ सूरौवि कयत्थिज्जइ खंडिलइ सबयावि रायावि । राहुसिरीए इव महिलयाए कलुसस्सहावाए ॥ ३० ॥ अंतोहुंत्तुम्मीलियपकामरसपूरिया परिब्भमरी । गयणं व कुलं मइलइ महिला नवमेहमालव ॥ ३१ ॥ दुदन्ता कुडिलगई परमपियविवज्जिया सुइविहूणा । कस्स न भय-  
मुप्पायइ नियंविणी सप्पिणीव सया ॥ ३२ ॥ कज्जम्मि जाण कीरइ धणज्जणं चोरियाइ काऊण । ताणेरिसं सरूवं ता “पज्जत्तं ममित्थीहि” ॥ ३३ ॥ असरिसवेरगविभावावसुल्लसियगुरुतरविवेए । अस्सावहारपुरिसे एवं परिभावयंतम्मि ॥ ३४ ॥ पविसिय निहंमि गहिऊण हलकुसिं पइगिहे खणइ खत्तं । “किमकज्जं वा वज्जियमज्जायाणं महिलियाण” ॥ ३५ ॥ गंतुं मज्झे धाहावए जह धाह धाह धाहत्ति । पविसिय चोरेणं ठक्कुरो हओ नीयमाभरणं ॥ ३६ ॥ तं सोऊणं सहसा ससंभमा साउहा सपाइक्का । ठक्कुरपुत्ता परिवेढयन्ति गिहमुग्गहक्करवा ॥ ३७ ॥ तुरयकुडिप्पमुहाइं ठाणाइं नियंति केवि दीवकरा । अन्ने उ अंनिसंति य चोरपयं पयइनिउणनरा ॥ ३८ ॥ दट्ठण गिहावेढं हयावहारी विचिंतए एवं । मह संक-  
डमावडियं छुट्ठिस्सं ता कहं इण्हि ॥ ३९ ॥ न तरेमि विणिगंतुं भडपडलावेडियाओ भवणाओ । दुक्कम्मभरावरिओ नरयट्ठाणाउ जीवोव ॥ ४० ॥ जइ देमि गिहा वाहिं निग्गयसाहाए झत्ति झंपमहं । ता वियडे अयडम्मि पडामि सुहडो-  
ब निब्भन्तं ॥ ४१ ॥ नूणं मह हयहरणपवेसभवपावपडलविडविसस । इह मरणेणं कुसुमं फलं तु होही नरयपडणं ॥ ४२ ॥ मं दट्ठुमिमे गोसे चोरोत्ति विचिन्तिउं हणिस्सन्ति । ता तमतरोहिओ वडठिओवि अप्पं पयासेमि ॥ ४३ ॥ इय चिन्तिय तेणुत्ता ते तुम्हाणं कहेमि सबंधि । वुत्तंतं मं पच्छा मुंचेज्जहवा हणेजाह ॥ ४४ ॥ तं सोउं तेहुत्तं इहट्ठि-

ओवि हु फहेसु तो तेण । कहिओ आमूलाओ नियओ तीए य उततो ॥ ४५ ॥ भणिय च जइ न पत्तियह मञ्ज ता  
नियह कूययस्सतो । सुहड धणुतूणीरभरणजुय सपय चेव ॥ ४६ ॥ त सोउ पक्खित्तो तेहिं वरत्ताए दीवओ कूवे ।  
सचविओ य तरतो जहकहियगुणो मओ सुहडो ॥ ४७ ॥ कुवाओ तमायड्डिय गहिऊणाभरणमुज्झिय मडय । “निब्बीवेण  
वि कल्ल जेण तय धिप्पए नन्न” ॥ ४८ ॥ एयविरह न सत्ता सहित्तति विविंतिउव पुत्तेहिं । लहुमायावि हु बद्धा  
सद्धि मडएण कुविएहिं ॥ ४९ ॥ तपि विणिगहणिज्जो चोरोत्ति पयपिओ ह्यहरो वि । “पावन्ति चोरजारा जइ वा किं  
करयई पूय ॥ ७५० ॥ नवर तुमए सवपि साहिय तेण त विमुक्कोसि । “उवयारओ सदोसोवि मुच्चए जेणिमा नीई”  
॥ ५१ ॥ मडय चढाविय सूलियाए निद्धाडिया य लहुजणणी । “रोसो न मयरिउम्मिवि गच्छइ कि पुण जियतमि” ॥ ५२ ॥  
धरिऊण सवहुमाणं दिणत्तिग अस्सहरयपुरिसपि । पिउमयकिच्च काउं सम्माणेउ विसज्जन्ति ॥ ५३ ॥ अप्प सपइ  
जायव जममुहा निगयव मन्नतो । वचतो नियगमे पत्तो सो इह अरन्तमि ॥ ५४ ॥ पेच्छइ उत्सगगठिय मुणिमेग  
मुत्तिमतमिव धम्म । पच्चकत्तं पसमपिव सकेयपिव मुणिगुणाण ॥ ५५ ॥ पुहुपन्नविराओ अवलोइय सो मुणि ठिओ  
वेढो(हिट्ठो?) । दारिइभरंफत्तो नरोव सपत्तरयणनिही ॥ ५६ ॥ तो त पणमइ तच्चलणकमलमिलमाणभालकलओ सो । सहलत्तं  
कलयतो सजम्मजीवियनरत्ताण ॥ ५७ ॥ आवद्धपाणिपउमो पुरओ उवविसिय जपए एव । रत्ने अमाणुसे पडु कि तवह  
तवति मह कहह ॥ ५८ ॥ पारियकाउस्सगो उवविसिउ तस्स साहए साहु । खेयरमुणी महायस अहमिह आयाविउं  
पत्तो ॥ ५९ ॥ जेणमिह तिरियविरइयकयत्थणा हणइ मञ्ज दुक्कम्म । वेज्जोवइट्टपरमोसहं व रोयं समगंगि ॥ ७६० ॥  
तेणुत्त पडु मह कहह कपि धम्म गिहतथजजोगं । “तीरइ निवाहेउ जो सो उक्खिप्पए भारो” ॥ ६१ ॥ आह मुणी  
गिहिणोवि हु जायइ धम्मो जिणिंदपूयाए । सा होइ अट्टभेया अट्टमयट्ठाणनिम्महणी ॥ ६२ ॥ नेवज्जाधूवदीवयअक्खय-

फलसलिलवांसकुसुमेहिं । पूयंति जे जिणं ते पुज्जां तिजयस्स वि हवन्ति ॥ ६३ ॥ कीरंति एक्केक्कावि हरइ गुरुरोगसो-  
गदोगेवे । किं पुण सबाओ वि हु विरइज्जंतीड भत्तीए ॥ ६४ ॥ सबाओवि असत्तो काडं जइ कुणइ धूवपूयंणि । ता  
धूवेण समं सो धुवं निर्यं दहइ दुक्कम्मं ॥ ६५ ॥ उज्झंतधूवभवधूमधूविओ इव सुयंधसंबंगो । जायइ भवंतरेवि हु जीवो  
उक्खिववियजिणधूवो ॥ ६६ ॥ तं सोउं सो जंपइ पहु नूणमहं कयत्थजणपढमो । मरणंतवसणविणिग्गएण तं जेण संपत्तो  
॥ ६७ ॥ इय भणिय पणमिय मुणी लग्गो सो निययगाममग्गमि । गच्छंतो संपत्तो गमे सिरिसारनामंमि ॥ ६८ ॥  
तंमि तवणीयकलसं नहग्गलगं जिणालयं नियइ । सिंगगसंगिनवतरणिमंडलं उदयसेलंव ॥ ६९ ॥ तं दंहुं सो चितइ  
दिणहुगसंवलयदविणकीएण । धूवेण जिणं पूइय पुन्नप्पसरं समज्जेमि ॥ ७० ॥ इय परिभाविय गहिडं कप्पूरागरुवि-  
मिस्सियं धूवं । पत्तो जिणालए पेच्छिडं जिणं हरिसिओ दूरं ॥ ७१ ॥ उल्लसिरमणो संदंतलयणो वित्थरन्तरोमंचो ।  
पसरंतभत्तिभावो धूवं उक्खिवइ जगगुरुणो ॥ ७२ ॥ तयणु मणुयत्तनियजम्मजीवियबाण सहलयं कलिडं । वारं वारं  
भूमिलियभालमभिनमइ जिणनाहं ॥ ७३ ॥ संचलिओ नियगमे पत्तो य तहिं पमुक्कअन्नाओ । तम्मि वि भवम्मि रिद्धी  
जाया से धम्ममाहप्पा ॥ ७४ ॥ संपत्तआउअंतो जातो अमरो सणंकुमारे से । नायं च धूवपूयाए अत्तणो तेणममरत्तं  
॥ ७५ ॥ परिभावइ य जहाहं करेमि जिणमंदिरं जमिक्खेडं । जायइ भवंतरे मे वोहित्ति विचिंतिडं तेण ॥ ७६ ॥  
रइयं जुगाइजिणजुयमुत्तुंगं जिणहरं कणयकलसं । दुट्ठदमयाभिहसुरो आइडो तस्स रक्खत्थं ॥ ७७ ॥ जिणचवण-  
जम्मदिकखांकेवलनिव्वाणगमणदिवसेसु । समगममरेसरेणं भत्तीए महूसवे कुणइ ॥ ७८ ॥ इय समुवज्जियसुकओ  
मुत्तं सुरलोयसंभवसुहाइं । चविय तओ इह जाओ एसो हं तुम्ह पच्चक्खो ॥ ७९ ॥ ता एयं जिणमंदिरमवल्लोइय  
सुमारिया मए जाई । जह जिणधूवुक्खेवो जाओ कल्लाणहेऊ मे ॥ ८० ॥ तं सोऊणं मंडलियमंतिणो विंति जयइ जिण-

धम्मो । अप्पस्स वि जत्त कयस्स हति महईओ रिद्धीओ ॥ ८१ ॥ तयणु कुमारेण रिसहस्स सामिणो भत्तिपुलय-  
कल्लिण । पणमिय विद्धिओ अट्ठाहियामहो गरुयरिद्धीए ॥ ८२ ॥ तो चउरगचमूचयसचाराऊरियक्खमावीढो । अब्भलिह-  
धवलहरे सपत्तो नियपुरे कुमरो ॥ ८३ ॥ असियसियद्धयोहे निम्मियमंचाईमंचकयसोहे । पविसइ पुरम्मि कुमरो विल-  
सिरसिगारलियअमरो ॥ ८४ ॥ गतु सहाए पणओ पिउणो पयसयदलं तओ तेण । आलिगिऊण कुसलप्पडत्तिमापु-  
न्निओ पुत्तो ॥ ८५ ॥ सो आह ताय मह तुह पसायसुहियस्स सब्बया कुसल । इय जपिय उवणीया पिउपुरओ तेण  
सत्तुसिरी ॥ ८६ ॥ पणओ सत्तुसुओवि हु तस्स कओ राइणावि सम्माणो । ‘ पणयम्मि वच्छलच्चिय पहुणो सत्तुम्मिवि  
निएव्’ ॥ ८७ ॥ पणयाए बहुयाए भव पुत्तवइत्ति जंपियं रत्ता । ‘भणइ परे वि हिय चिय गरुओ कि माणुसे न निए’  
॥ ८८ ॥ कहवयदिणावसाणे रज्जम्मि निवेसिओ सुओ रत्ता । पुत्त सुत्तं नन्नस्स होइ सब्बस्ससामिच्च ॥ ८९ ॥ सुवि-  
हियसूरिसयासे गहिया विक्खा निवेण रिद्धीए । ‘इहलोइयं जहा तह परभवक्कज्जि कुणइ गुरू’ ॥ ९० ॥ चरिय तवं  
उप्पाडिय केवलनाण निवो सिवं पत्तो । ‘किमसज्झ वा दुफ्फरतवस्स भावेण विहियस्स’ ॥ ९१ ॥ नवनिवईवि नयपरो  
पयाड पालइ अभिइवइ डुढे । वदइ गुरुणो पूयइ जिणेसरे मन्नए भित्ते ॥ ९२ ॥ साहम्मियवच्छल कुणइ पयट्ठावए  
अमारीओ । किं वहुणा तित्थसमुन्नईकर कुणइ सब्बपि ॥ ९३ ॥ तप्पुन्नपरिसागरिसियव्व आगतुमवणिवइणो तं ।  
सेवति सब्बेसुब्बवावि गुरुभत्तिराएण ॥ ९४ ॥ तेणावलोइओ जो मन्नइ सो अप्पगममयसित्तं व । आभासिओ पुणो  
तिहुयणेफ्फरज्जाहिसित्तव ॥ ९५ ॥ एव वहुकालं पालिऊणमकलंकरज्जमवणिवई । कुमर पयावसारामिहं ठवेऊण रज्जमि  
॥ ९६ ॥ निगंगंथगुरुसमीवे दिक्ख घेत्तु कयुगगतवचरणो । उप्पन्नविमलनाणो सपत्तो मोक्खमक्खेवा ॥ ९७ ॥ जह

ध्रुवभ्रमवपूया जाया एयस्स मोक्खसोक्खकए । तह अन्नस्सवि जायइ ता भवा तीए उज्जमह ॥ ९८ ॥ धूपपूजा ॥  
५ ५ ५ ५ ५ ५ एसो हु धूपयाए साहिओ ध्रुवसुंदरो इहिं । भुवणप्पईवनिवहं दीवयपूयाए निखुणेह ॥ ९९ ॥ ५ ५ ५ ५ ५ ५ ५

उल्लसियरायसिरिकरणसुंदरं ललियविलयपरिकलियं । अत्थि सरगामजुयं गीयंपिव भुवणविजयपुरं ॥ ८०० ॥  
कलहसियरायभवनं कलहसियविरायमाणसुयणं जं । कलहरियरहियसलिलं कलहरियउत्तपहीणजणं ॥ १ ॥ पूरिय  
पउरपयासो सबुत्तमनिद्धपत्तआहारो । दीवोव महीनाहो कुलप्पईवोत्ति तत्थत्थि ॥ २ ॥ सरहोवि विउलवच्छो  
विदीहवाहोवि विलसिरगओवि । सारंगोवि न तिरिओ उत्तमपुरिसोच्चिय सया जो ॥ ३ ॥ गोरीवि अभीमपिया  
सायरतणयावि अजडसयणसिया । तस्सत्थि धारिणिपिया सईवि जाणिंदपियभोया ॥ ४ ॥ तीए समत्थि परिपंथि-  
हत्थिकुलदलणकेसरिकिसोरो । भुवणप्पईवनामो कुमरो गिरिसोव गुरुकित्ती ॥ ५ ॥ अप्पवउदयजुत्तो अब्भ-  
सिअकलोय वीयचंदोव । जो नवरत्ति(वि)व पुवाभासी जयजणसुहंकरो य ॥ ६ ॥ समवयवेसालंकारसारसामंतमंति-  
पुत्तेहि । सद्धि बंधुरकीलं कुबंतो गमइ कालं सो ॥ ७ ॥ कइयावि कसिणअट्टमिनिसीहसमयंमि जगए जाव ।  
तो आयन्नइ आउज्जतालगीयस्सरं कुमरो ॥ ८ ॥ तस्सरमणुसरमाणो दिट्ठिं पक्खिवइ मुक्कपल्लंको । नियइ दुवालसमुयं  
पेच्छणयपरं नरं तिसिरं ॥ ९ ॥ दोहिं करेहिं पडहं दोहिं मुइगं च दोहिं तालाओ । वीणं दोहिं वंसं च दोहिं हत्थेहिं  
वायंतं ॥ ८१० ॥ नट्टवसुबेस्सिरमुयकरजुयविन्नाससंचरं तत्थ । घणमणिकुंडलमंडियमहिलाएक्काणणसणाहं ॥ ११ ॥  
वीएण मणोमयरायवासणावसविमुक्कफुक्केण । रमणीमुहेण वंसं वायंतेणं विलसमाणं ॥ १२ ॥ तइएण  
महुरसरगाममुच्छणाजणियसवणजुयसोक्खं । उगायंतं गीयं मज्झट्ठियपुरिसवयणेण ॥ १३ ॥ 'कुलयं' ॥ इय अच्च-  
न्मुयअदिट्ठपुवपेच्छणयपेच्छणुत्तालो । वंचितु पमत्ते अंगरक्खभडचेडपमुहनरे ॥ १४ ॥ नवमेहंडवरपावरणालक्खि-

यगसठाणो । करयलकयकरवालो वासहरा निगओ कुमरो ॥ १५ ॥ 'जुयल' ॥ त पेच्छतो गच्छइ उच्छलियअतुच्छको-  
उउकरिसो । चिन्तइ य अहो एयं भुवणतवहिभव किपि ॥ १६ ॥ ज कुचकलियेमेगं नरस्स मुहमिस्थियाण पुण दोन्नि ।  
मेनेयमणिकुडलभालडियतिलयकलियाइ ॥ १७ ॥ सुवति इह भविस्सासत्येसु दसाणणत्तिमुंडादो । नवर ते  
पुरिसधिय एसो नरनारिरुवो उ ॥ १८ ॥ इय चित्ततो पत्तो रायगरुहो वि तस्समीवमि । सोवि हु पच्छाहुत्त गच्छइ  
करणकमच्छउमा ॥ १९ ॥ थोवप्परप्पउरावसरणकरणकमे कुणंतेण । तेणाहियहियहियओ दूर नीओ नरिंदसुओ  
॥ ८२० ॥ तइसिय अवरावरविन्नाणालोयवियलियविवेओ । न मुणइ नयर दूरे न गणइ मगस्समलवंपि ॥ २१ ॥  
एयतरम्मि सहसा सो नट्टवरो सरुवमुज्जेउ । उक्खायनिसायअसी जमोव जाओ भडो कुद्धो ॥ २२ ॥ जंपइ रे  
दुद्धाहम कुमार त सरसु देवयं इह । मा भणसु पमत्तो ह विणासिओ केणइ छलेण ॥ २३ ॥ त निसुणिउ कुमारो  
चिन्तइ सुरअसुरनहरन्नयरो । कोवि इमो मह वेरी छलेण जेणाणिओहमिह ॥ २४ ॥ वीसासिऊणमेवं जो जायइ  
घायगो न मोत्तवो । इतवोच्चिय भन्नइ सो नूणं नीइसत्थेसु ॥ २५ ॥ इय चिन्तिय आयडियुखगो त हक्कए निवसु-  
ओवि । "निफारिओ इयरोवि हु रुत्तइ कि खत्तिओ नेव" ॥ २६ ॥ दोन्निवि वग्गणकरणकमभमणुभामियसिदुद्वरिसा ।  
निप्परप्पहरपरा जुञ्जति समच्छरुकरिसा ॥ २७ ॥ दंसेउं सिरघाय मोत्तु पाएसु दिति मुनईओ (?) । निविसिय उच्छ-  
लियावसरिउ च दोन्नि वियवति ॥ २८ ॥ नेगोवि जयं पावइ दोण्हवि सत्थस्समप्पवीणत्ता । न समिज्जति य जं ते  
निच चिय विजयसत्थसमा ॥ २९ ॥ अन्नोन्नसगसघट्टभगवारागुडियअसिफलया । करकयतिक्खगखगगवेणुणो ते  
पुणो मिडिया ॥ ८३० ॥ मुक्कासिघेणुघाय वचइ करणकमेण कुमरो से । रोसेण कुमरुडिरियापहारलक्ख हरइ सोवि  
॥ ३१ ॥ अवरोप्परवामकरप्पहारपडियासिघेणुओ दोवि । जुञ्जति निजुद्धेण केसगहवाहुबंधेहिं ॥ ३२ ॥ निहयेकेस-



महाबाहुबंधकरघायजल्लारियदेहा । निवडंति दडंति झडंति उड्डिउं पुणरवि भिडन्ति ॥ ३३ ॥ निहुरकुमारपायप्पहारव-  
च्छय(त्थ)लताडिओ सुहडो । पडिओ धसत्ति धुम्मन्तनेत्तओ भूमिवट्ठम्मि ॥ ३४ ॥ तो तब्भुयजुय उवरिं दाउं नियपयदुगं  
धरियकेसो । धेतुं धराए छुरियं जा तस्स सिरं लुणइ कुमरो ॥ ३५ ॥ ता तेण नमो अरिहंताणं इच्चाइं पंचपरमेद्धी ।  
सरिया असारसंसारसायरुत्तारणतरिब ॥ ३६ ॥ तं सोउं हा हा साहम्मियमारणे महापावं । काऊण नूण नराए  
उप्पयंतो दुहोहेहं ॥ ३७ ॥ इय जंपिरेण खामिय मुक्को सहसत्ति निवसुएण भडो । “अइकुवियाणवि करुणा जायइ जइ वा  
कुलीणाण” ॥ ३८ ॥ सो चिंतइ नररयणं एसो जमणेण मारणपरोवि । मुक्को वेरीवि अहं “गुरुण गणणा न रिउकीडे ॥ ३९ ॥  
होइ न सिरम्मि सिंगं अहमाणं उत्तमाण य नराण । किंतु अकज्जे कज्जे य ते मुणिज्जंति वट्ठता” ॥ ४० ॥ एएण जीवियध्वं  
दाउं दिन्नं समग्गमवि मग्गं । जायइ रज्जाईणं जं जीवंताणमुवओगो ॥ ४१ ॥ सुवणम्मि वि उवयारो न पाणदाणाओ सम-  
हिओ अत्थि । पच्चुवयरिउमसत्तेहिं निण्हविज्जइ न सो जेण ॥ ४२ ॥ थेवंपि हु उवयारं मंनइ पुरिसो गिरिंदगरुययरं ।  
निण्हवइ खलपयंई पुरिसो उवयारलक्खंपि ॥ ४३ ॥ ता आराहेयवो एस मए देवयव सुगुरुव । जणउव जाव जीवं  
परोवयारप्पसत्तमणो ॥ ४४ ॥ इय चिन्तिय उट्ठेउं पणमिय तं पायपउमजुयलगो । जंपइ मह अवराहं खमसु महा-  
यस कयपसाओ ॥ ४५ ॥ जइ न तुमं मुंचंतो संपइ मं पुरिसरयण हुंतो हं । ता मंसगिद्धिगिद्धाइयाण भक्खं छुहंताण  
॥ ४६ ॥ इण्हि तं चिय सरणं आमरणं तंपि मज्झ वज्झोवि । जमहं न हओ तुमए करुणारसपूरियमणेण ॥ ४७ ॥ दडुं  
तं खामंतं जंपइ कुमरो अहो महासत्त । तुमए विवेइणावि हु किमिममेवेरेवि पारद्धं ॥ ४८ ॥ जो जिणमए थिरमणो  
सुमरइ मरणंमि पंचपरमिद्धिं । तस्सेयारिसनिग्घिणकम्मं जायइ अहो चोजं ॥ ४९ ॥ जइ मह कहणिज्जमिणं सुपुरिस  
उवविसिय कहसु ता एत्थ । अहव अकहणिजं ता अच्छउ हियइच्छियं कुणसु ॥ ५० ॥ सो भणइ जस्स तणया पाणावि

तु तस किं न कहणिज्ज । इय जपिय उवविसिउ सो कहइ निविट्ठकुमरस्स ॥ ५१ ॥ गुरुगयपत्तञ्जाओ घणकसिणसुतार-  
सारसरलक्तो । सुगणोव भरहखेत्ते वेयड्डो नाम अत्थि गिरी ॥ ५२ ॥ तम्मि प्फुरतमणिगणरहनेउरचक्खालरमणि-  
यण । रयणमय अत्थि पुर रहनेउरचक्खालंति ॥ ५३ ॥ दरियरिउवारवारणगणकुभवियारणेक्खलरनहरो । त परि-  
पालइ सिरिरयणसेहरो नहयराहियई ॥ ५४ ॥ तस्सत्थि सधसुद्धतक्तक्ताहिवत्तअहिसिचा । हारस्सिसिध हारस्सिसरी  
पिया वित्तमुत्तगुणा ॥ ५५ ॥ अन्नोन्नरस्मपेम्माणुवधद्वतमणपमोयाण । पचविह्विसयसत्ताण ताण कालो अइफ्फमइ  
॥ ५६ ॥ कइयावि हु रयणविमाणसेणिसिगारियवरो चलिओ । नंदीसरमि सिद्धप्पडिमानमणाय रस्यरिंदो ॥ ५७ ॥  
दाहिणिदिसिगयणेण गच्छंतो नियइ सम्मुहमहीए । मणिमंदिरपुरवाहिं निगच्छत जणसमूह ॥ ५८ ॥ तस्सत्तोनिज-  
तरल्लय्यालिइणहणिरकिकिणिगणाए । सिवियाए समारूढ अवलोयइ तरुणनररयण ॥ ५९ ॥ दिंत किवणवणीमग-  
जायगदीणघटुत्थलोयाण । वछाविच्छेयकर दाणे मणिकणयरित्थाइ ॥ ६० ॥ अवलोयत पुरतो लउडारसरसाए  
सपेच्छणए । उवदूहिज्जत जय जीव त चिर इय जणासीहि ॥ ६१ ॥ दाहिणपासमद्दासणनिविट्ठजणएण ससुवयणेण ।  
समलकियमत्पतेण दाणक्खज्जिमा कणयाई ॥ ६२ ॥ वामट्ठाणपरिट्ठियगरिट्ठविट्ठरनिविट्ठजणणीए । कयलवणुत्तारणय  
सोयसुववनिरच्छीए ॥ ६३ ॥ वज्जतढक्खुफाभेरीभकारभरियमुवणयल । रम्मारामुज्जाणमि गुरुयरिद्धीए सपत्त ॥ ६४ ॥  
॥ कुलय ॥ को एस कि करिस्सइ इह इय दुद्धीए नहयरवईवि । तत्थुत्तिन्नो कंचणकमलगय केवलं नियइ ॥ ६५ ॥  
पालियसमगसत्त विरइयल्लजीवकायरक्खपि । सोमपि भित्तरूव सुरयपुर वमयारिंपि ॥ ६६ ॥ दट्ठण केवलं नहयरे-  
सरो भत्तिनिम्भरो नमइ । “धम्मत्थ पवित्तोओ जइ वा धम्मीण होन्ति सया” ॥ ६७ ॥ सिवियाए समुत्तिन्नो पणयपहू-  
माइपिइअणुत्तातो । परिहरियालकारो सवेगुल्लसियरोमंचो ॥ ६८ ॥ सो विज्जाहरवइणो अवलोयंतस्स भत्तिभरिय-

मणो । समयविहितां मुनिदेण दिक्खिओ विहिय सिरलोयं ॥ ६९ ॥ गहणासेवणसिक्खाकहणंते नहयरेसरो नमिडं । पुच्छइ किं वेरगं जमिमो मुणिनाह पव्वइओ ॥ ८७० ॥ आह प्हू आयन्नसु खयराहिव अत्थि एत्थ नयरम्मि । अस-  
मप्पयावसारो पयावसारोत्ति नरत्ताहो ॥ ७१ ॥ अवरं च एत्थ निवसंति दोन्नि दुन्नयपराओ महिलाओ । एक्काए पवं-  
चमई नामं वीयाए पुण कुमई ॥ ७२ ॥ भज्जावईण विहडियपेम्माण कुणंति पेम्मसंधाणं । अच्चंतसुधडियाणवि तं  
विहडावंति अन्नोसिं ॥ ७३ ॥ उच्चाडणविट्टेसणथंभयवसियरणमारणाईसु । पावकिरियासु सययं वट्टंति पमोयपुनाड  
॥ ७४ ॥ कइयावि दोवि दुन्नयजायत्थारूढगरुगवाओ । रिउसेणाओव सज्जियसराओ विवणीए मिलियाओ ॥ ७५ ॥  
अन्नोन्ननिण्हवुण्पंनंतुवसविहियगुरुविवायाणं । ताण सयासे मिलिओ बहुओ लोगो कुतूहलओ ॥ ७६ ॥ महफाडियं न  
सक्को विं संद्धेउं तरइ इइ कुमइभणिये । इयराह तहा सीवेमि जह न से होइ संधीवि ॥ ७७ ॥ इय विवयंतीओ जणेण  
ताओ नीयातो मंसिंनिज्जे । विन्नायवइयरेणं तेणवि नरवइसमीवंमि ॥ ७८ ॥ नाऊण तप्पइन्नं राया विम्हिअमणो  
पयंपेइ । कुणह इममिक्कवारं एयत्थे तुम्हमभउत्ति ॥ ७९ ॥ कुमई जंपइ दिणपंचगस्स मज्झंमि फोडिइस्सामि । सीवि-  
स्सामि तमियराह प्हू अहोरत्तमज्जेवि ॥ ८० ॥ इय विरइयप्पइन्नाओ ताओ नमिडं निवं दुयं दोवि । कयजणअच्छरि-  
याओ पत्ताओ नियनियणिहेसु ॥ ८१ ॥ कुमईए चित्तिअं एत्थ अत्थि सुप(व)सुरित्थित्थारो । नामेण अत्थसारो गरिट्ठ-  
सिद्धी सरलदिद्धी ॥ ८२ ॥ नाययो बहुलाहो वि कित्तिसारोत्ति अत्थि तस्स सुओ । उज्जलमाणसमुत्तिअपत्तसंतावले-  
सोवि ॥ ८३ ॥ नवजुवणुल्लणाए अभग्गसोहग्गसंगयंगीए । कंतिमइए पियाए सह विलसइ सो सया सुहिओ ॥ ८४ ॥  
नवरं कंतिमईए सरूवसिंसारगरुयगवाए । आलविआए वि अहं न नया संभासियाविय नो ॥ ८५ ॥ ता तप्पइणो  
कीएवि कुंरंगनयणीए सह विहिय वडणं । साहेमि निवस्स जहा तीए मंहंतं दुहं होइ ॥ ८६ ॥ तप्पइणो पुण अयसो

सतोसो मन्त्र नियदणो दधिण । “अहव कयावन्नाणं अणत्थउप्पायणं सस्स” ॥ ८७ ॥ ता एत्थ धणिधणेसरत्तणया तरुणी धणावली नामा । असई सयपि ता तग्घडण सह तेण काहामि ॥ ८८ ॥ इय चितिय तबेल पत्ता सा कित्ति-सारसन्नेत्ते । काऊण तमेगते जपए महुक्खरगिरिए ॥ ८९ ॥ सुहय तुम पइ जपेमि किपि मा कुणसु पत्थणं विहलं । सो जपइ ता सपइ साहसु सा भणइ निसुणेषु ॥ ८९० ॥ इह अत्थि धणेसरसेट्ठिणो सुया कमलकोमलोरुजुया । नियरूयनिजियरई नामेण धणावली वाला ॥ ९१ ॥ नियभवणमत्तवारणगयाए तीए कयाइ सच्चविओ । आगच्छन्तो त रम्मरूवजियरइवइविलासो ॥ ९२ ॥ सिंगारसस्ससमयवयस्ससदोहसोहियउवतो । उत्तमउत्तुगगुरगवगणक्खणि-यमणविची ॥ ९३ ॥ अनिलदोलणविलसिरसिहिपिच्छच्छत्तजायछायसुहो । हेलाए कीलयतो जपाडंपाहिं हयरयणं ॥ ९४ ॥ चलसरलधवलीलालसलोयणजुयलवहलजोणहाए । परमामयबुद्धिपिव विकिरतो सैमहर तुरए ॥ ९५ ॥ सियसोणसाम-मणिमयभूसणसयभूरिकिरणनियरेहिं । रयणाभरणेहिं पिव अलकरतो तुरंगं ॥ ९६ ॥ दद्धूण तुम उम्मीलमाणनव-नेहनिद्वनयेहिं । आदिट्ठिपह अवलोइओ चहु तीए अवियणह ॥ ९७ ॥ सोहगरयणरोहण समोहणमयणवाणसम-तुमए । दिट्ठिपहाइक्खते वियभिओ तीए विरहभरो ॥ ९८ ॥ चितंमि तुमं चित्ते तुहागिईं तुब्ब नाममालवणे । सिविणे समागमो ते सा वाला तम्मई जाया ॥ ९९ ॥ विरहानलजालावलजलिरसरीराए तीए पारद्धो । ससुवयंसीहिं सयं सयय सिसिरोवयारभरो ॥ १०० ॥ सतडक्खार हारे तणुतावेणं फुडति मुत्ताओ । सिमिसिमिय सुसन्तिच्चिय नवकुव-लयनालमालाओ ॥ १ ॥ घणचदणागुरुरसछडाउ छकारपुव्वं तीसे । तत्तंगसगमेण लगतीओ वि परिसुसति ॥ २ ॥ गोसावयस्सायरसदिसाहिसेणिव्व मुयइ असूणि । भजइ देह जिंभाउओ मयइ परिभमइ एमेव ॥ ३ ॥ एवमवत्था सा

तस्सहीहिं मह दंसिया तओ तीए । तं साहियं समगंगि तो अहं एत्थ संपत्ता ॥ ४ ॥ ता सुहय तुज्झ संगम-  
आसच्चिय धरइ जीवियं तीए । अवहीरियाए तुमए मरणच्चिय जेणिमं भणियं ॥ ५ ॥ “दूरयरदेसपरिसंठियस्स पिय-  
संगमं बहतस्स । आसाबंधोच्चिय माणुसस्स परिक्खए जीयं” ॥ ६ ॥ ता मह उवरोहेणं अहवा तज्जीवियच्चकरुणाए ।  
तं सरसु एकवारं दक्खिन्नदयाओ जं गरुए ॥ ७ ॥ इय जंपती दंतगधरियपंचंगुलं नमिय तस्स । तच्चरणमिलिय-  
भाला ठिया चिरं चितइ तओ सो ॥ ८ ॥ अकलंकं मज्झ कुलं सावि पुणो पोढराइणी वाला । एसा वि विणयपण्या  
किं काउं जुज्जए ता मे ॥ ९ ॥ एगत्थ अकल्लभयं अन्नत्तो मरइ सा मए मुक्का । पासदुगेवि वलग्गइ डमरुयगंठिच्च  
मज्झ मणं ॥ ११० ॥ जं होयबं तं होउ ताणुरत्ताए विरहविहुराए । काहं समीहियमहं इय चितेउं तओ तेण ॥ १११ ॥  
वज्जेउं मज्जायं मयलेउं निम्मलं जसप्पसरं । मोत्तुं कुलाहिमाणं अणुसरिऊणं कुसीलत्तं ॥ ११२ ॥ चइऊणं सच्चरियं  
अंगीकाऊण नरयगइगमणं । उज्जेउं सद्धम्मं भणियं जं भणसि तं काहं ॥ ११३ ॥ तं सोउं तीउत्तं एसो विहिओ महा-  
पसाओ मे । इय जंपिऊण पत्ता पासंमि धणावलीए सा ॥ ११४ ॥ तं पइरिके काउं पयंपए सुयणु सुणसु वयणं मे ।  
सा आह अंब जं किंपि जंपियबं तयं भणसु ॥ ११५ ॥ तीयुत्तमत्थि इह अत्थिसत्थपविइन्नअत्थिवित्थारो । नामेण  
कित्तिसारो पुत्तो वणिअत्थिसारस्स ॥ ११६ ॥ रुवेण मयणमुत्तिं कंतीए कलावइं मईए गुणं । सक्कं सिंगारेणं जो  
जिणइ धणेण धणयंपि ॥ ११७ ॥ तेण तुमं सच्चविया नियमंदिरमत्तवारणासीणा । लीलालोयणलोयणजोण्हाभरपूरिय-  
दियंता ॥ ११८ ॥ दिट्ठाएवि सुयणु तए मयणसरप्पयरपरहरज्जिरिओ । भवणम्मि कंकहमवि संपत्तो सो अणुप्पहसो  
॥ ११९ ॥ तं विरहज्जरविहुरं दहइ जलदावि जलणजालब । संताविति ससिकरा खयरंगारब तस्स तणुं ॥ १२० ॥  
एमेव हसइ बालोच्च नियइ सुन्नं पिसायगहिउब । नच्चइ गायइ पलवइ मइरामयमत्तमुत्तिव ॥ १२१ ॥ सच्चप्पणा पराय-

तमाणासो दंसिओ वयस्तेण । मह कहिऊण तुह दसणाणुरायाओ वियलत्त ॥ २२ ॥ तो तं सठावेउ तुह पासे हं समा-  
गया सुन्नु । ता नररयणस्स तुम समीहिय कुणसु पसिऊण ॥ २३ ॥ त सोउ सा असई नियमणऊम्मीलमाणउ-  
म्माया । जपइ तुहोवरोहा अव अकज्जपि हु करिस्स ॥ २४ ॥ तो तीए जपिय पुव्वगोउरहारदेसदेवउले । आगंतुं  
मिलियघ निसाए पहरस्स तस्स तए ॥ २५ ॥ एव निसुय तदुत्तीए तीए गतूण कित्तिसारते । नीओ देवउले सो धणा-  
यलीविय समणुपत्ता ॥ २६ ॥ कुमईए जपिय इह पविसिय मज्झमि रमह सच्छउ । लोयागमणालोयणपरा दुवारे-  
हमच्छिउस्स ॥ २७ ॥ तो मज्झपविट्ठेसु तेसुफठविसटुलगेसु । तीए कहिय आरक्खितयस्स गंतूण त ज्झत्ति ॥ २८ ॥  
तो सनद्धयणुद्धरअसिलेडयकरभडेहिं चउपास । परिवेडिय देवउलं स आह गोसे धरिस्समिमे ॥ २९ ॥ तो निग-  
मप्पयेसा कस्सइ देया इहत्ति भणिय भडे । गतूण मंतिनिवईण कहिय तवइयर सुत्तो ॥ ३० ॥ दट्ठुणं सेट्ठिसुओ  
देयउल घडियभइदढावेढ । उब्भूयभूरिभयवेविरगज्झी विचिंतेइ ॥ ३१ ॥ पेच्छ जहा मज्झ महावसणमिणं  
दुस्सह समणुपत्त । जीवियमरणसरूवे सदेहे जेण पडिओह ॥ ३२ ॥ “पुड्डिभवसमुब्भवपावप्पभारभावओ-  
परस । सुनयाणपि अयाया इति न कि कयअनीईणं” ॥ ३३ ॥ गोसे वधेउं मं नेही आरक्खिओ विवणिवीहिं ।  
जणयाइजणसमकल विडविही विचिहवियणाहिं ॥ ३४ ॥ तुच्छतरविसयललसमणस्स मह केत्तियं इम दुक्ख ।  
पररमणिरमणपावा णए तमणतसो होही ॥ ३५ ॥ न कयाइ कओ अनओ मए न अनईहिं सह पसगोवि । एयं  
विय गोत्तक्खयहेऊ पढमं कयमकज्ज ॥ ३६ ॥ अप्पविणासाय महापावुल्लासाय अयसपसराय । खलओफरिसाय मए  
एय दुधिलसिय विहिय ॥ ३७ ॥ मरणं दारिइ वा विएसवासो व सयणविरहो वा । हुतु वर एयाइ मा पुण एसो  
कुलफलो ॥ ३८ ॥ न कुणति जे परिक्खिय कज्ज ते दुक्खमदिर हुति । पहसिज्जति जणेण मइलिज्जति य अकित्तीए

॥ ३९ ॥ पंचिदियत्तमणुयत्तआरियक्खेत्तेसु सुकुलजम्माइं । सर्वपि मे निरत्थयमकज्जकरणुज्जमां जायं ॥ ९४० ॥ न  
कओ धम्मो न गुणा समज्जिया सज्जिया न सियकित्ती । चित्तालिहियनरस्स व मणुयत्तं मह मुहा जायं ॥ ९४१ ॥  
आबालकालओ बंभयारिणो जे कयवया जाया । ते पुन्नपयं न वयं विसएहिं विडंविआ इय जे ॥ ९४२ ॥ जइ देवगुरु-  
पसाया एयवसणाड कहवि छुट्ठिस्सं । गिण्हिस्सं ता नियमेण सबविरइवयं सुहयं ॥ ९४३ ॥ एयं महाणुभावो चित्तइ  
सद्धम्ममग्गमणुपत्तो । दूरं धणावलीवि य पकंपए भडभयुवभंता ॥ ९४४ ॥ एत्तोय पवंचमइं पहरिसउक्करिसिया कहइ  
कुमई । इय फाडियं मएयं संधसु जइ संधिउं तरसि ॥ ९४५ ॥ इय भणिय गयाए तीए सेट्ठिणो कहइ सा तमागंतुं ।  
तो सो सुयतवसणो खणं भया निच्चलो जाओ ॥ ९४६ ॥ तियसोव निन्निमेसो निव्वरनिदोव नट्टमणवित्ती । कयमोणो  
सज्झाणो जायमुच्छोव निचेट्ठो ॥ ९४७ ॥ किं कायवविमूढं तं दट्ठुं जंपए पवंचमई । किं सेट्ठि गरिट्ठमई विनट्ठुद्विच्च  
लक्खियसि ॥ ९४८ ॥ किं कायरोव कंपसि रणरसियभडोव धीरिमं धरसु । केत्तियमेत्तं कज्जं इमं कुसग्गीयवुद्धोण  
॥ ९४९ ॥ जइ वि कुमईए कहिए विहिओ रायेण भडदढावेदो । तुह तणओ मरणंतवसणं पत्तो जइवि इण्हि ॥ ९५० ॥  
तहवि हु तहा जइस्सं न जहा दवक्खओ ल्हसइ न जसो । न विणस्सइ तुह तणओ जणाणुराओ न जह जाइ ॥ ९५१ ॥  
नवरं नियवंहुयं मह अप्पसु तं देवमंदिरे खिविउं । जह वंचिय समईए सुहडे कट्ठुमिं तं असइं ॥ ९५२ ॥ गोसे चाह-  
रिय निवो जंपइ जइ किपि ता भणेज्ज तुमं । सपिओवि मह सुओ पहु निसाए रुसिउं कहिपि गओ ॥ ९५३ ॥ एवंति  
भणिय बहुयं सिंगारिय से समणए सेट्ठी । नियसम्मयमहिलाओ मेलइ गंतुं सगेहे सा ॥ ९५४ ॥ वज्जिरवद्भावणयच्छंद-  
पणचंततरुणपरियरिया । अयसंकलसंदाणियकमकंतिमईए संजुत्ता ॥ ९५५ ॥ सह मियमंजुस्सरतूरएहिं गायंतकाभिणी-  
कलिया । चलिया मंदं मंदं पत्ता य कमेण देवउले ॥ ९५६ ॥ सवणासन्ने ठाउं कित्ती(कंति)मइं जंपए पवंचमई । अन्तो गंतुं

तुगा असद्देवो नियसियवो ॥ ५७ ॥ ठायवं पइपासे होइ अणत्थो जहा न से गोसे । अपियनियनेवत्थं मह पासे पेसिया सा ॥ ५८ ॥ इज जपिऊण चलिया खलिया य भडेहि इय भणतेहि । लब्भइ न इह पवेसो रायाएसो जतो गसो ॥ ५९ ॥ एत्थ पविट्ठो चिट्ठइ रुद्धो असईजुतो नरो कोई । ता पूइजइ गोसे देवयमिण्हि पुणो वलह ॥ ६० ॥ तो तेसि पवचमई वियरइ सघेसि कुमुमंतवोले । “दूरे इयरे थड्डा वि हुति दाणेणमणुकूला” ॥ ६१ ॥ पुत्र मह दुहियाए उवजाइयेरइ तो इमा पत्ता । “अवरावि पूयणिजा देवी सणचया किन्नो” ॥ ६२ ॥ अज इमाए तइज्जो उववासो आसि ज इम वणिय । ता तुब्भे करुणाए एफमिमं चिय पवेसेह ॥ ६३ ॥ जइ अज इमा अचइ न देवयं ता न मुजए नूणं । ता मुत्तुमिम एयाए जीवियघ पयच्छेह ॥ ६४ ॥ एत्थ ठिआ वि अम्हे भत्ति देवीए गीयनेट्ठेहिं । पयडिस्सामो पसिउ ता कुणह इमति तीउत्त ॥ ६५ ॥ तो ते दम्मिलन्नइयाहिं पेरिया विंति मइणि त चेव । एक्का गंतु पूइत्तु देवयं इत्ति निगच्छ ॥ ६६ ॥ त सोउ कंतिमई पूयापडल करे कलेऊण । देवउलम्मि पविट्ठा ठिया अणुट्ठिय जहुदिहं ॥ ६७ ॥ नचणगाणव्वगाणा ताण रगणीण पासमणुपत्ता । कंतिमईनेवत्थप्पच्छाइयतणुलया असई ॥ ६८ ॥ वज्जिरवद्धावणया वल्लिउ पत्ता पओलिदे सम्मि । रुवय-अद्ध दाउ विसज्जिया तूरिया तुरियं ॥ ६९ ॥ पहसतीउ पविट्ठा पुट्ठाओ पजलिरक्खयभडेहि । कि नो वज्जइ तूर पडइ इम तो पवंचमई ॥ ७० ॥ अट्ठह तेत्तउ वज्जइ जेतत्त पोलिहि वार । अंइरुद्धो वि न रुभइ सह परिणिए भत्तार ॥ ७१ ॥ रायसमीवगीकयपुन्नपइन्ना अईय सा तुट्ठा । “थोवावि कज्जसिद्धी तोसकए कि पुण न वहुया” ॥ ७२ ॥ पुरम-ज्जमागायाओ विसज्जाए सा सहीओ सद्धाओ । “सिद्धप्पओयणाण कि कज्ज जणसमूहेण” ॥ ७३ ॥ वद्धाविऊण सेट्ठि गंतूण निए गिहमि सुत्ता सा । “निर्घित्ताणं निइा जायइ जइवा किमच्छरियं” ॥ ७४ ॥ सूरुग्गुमसमयम्मि वि संनज्जंतम्मि तम्मि



भडविंदे । सपिओवि कित्तिसारो निगंतुं ते पयंपेइ ॥ ७५ ॥ किं तुब्भे सन्नब्बह पिउणा अवमाणिओ गहिय भजं । इह वसिय निसिविरामे जाव विएसम्मि वचिस्सं ॥ ७६ ॥ ता इह पविट्ठमेत्तोवि वेढिओ कहह को विणासो मे । ते वंति निवामेचे पुच्छसु जे तं धरावेंति ॥ ७७ ॥ तेणुत्तं मह ताणवि तणओ न भओ जओ विसुद्धोहं । “किं काहि भवो वि हु विज्जो नीरोयदेहाए(ण)” ॥ ७८ ॥ इय भणिरे सेट्ठिसुए आरक्खियमंतिणो समणपत्ता । दट्ठूण सेट्ठिपुत्तं सकलत्तं विम्बिया दोवि ॥ ७९ ॥ सुहडाण व तेसिं पि हु कहियं सबंपि कित्तिसारेण । रायसयासे नीओ भज्जानुत्तो वि सो तेहिं ॥ ९८० ॥ रायउले निज्जंतं तणयं नाउं समागओ सेट्ठी । “इयरेवि सायरच्चिय सुयणा किं पुण न नियपुत्ते” ॥ ८१ ॥ सुयसेट्ठिसुयनिवंतियनयणा पत्ता दुयं पवंचमई । “का संका सक्खं रायवयणपत्ताभयाणहवा” ॥ ८२ ॥ असमाणपवंचमइमईए विज्जिअत्ति नागया कुमई । “तत्थ न जन्ति सयन्ना पराजओ जायए जत्थ” ॥ ८३ ॥ गंतूणत्थाणत्थं सबेवि निवं नमिंतु उवविट्ठा । “विणयप्पणई सस्सा सबत्थवि किं न नमणिज्जे” ॥ ८४ ॥ मंतिसयासा सोउं भणइ निवो कित्तिसार किं एयं । सो आह जह पहू मुणइ तह इमं किं अलीएण ॥ ८५ ॥ “सयमेव देव विसयाहिलासिणो पाणिणो सया तम्मि । जो पुण परोवएसो घयाहुई सा हुयासम्मि” ॥ ८६ ॥ इय जंपिय कुमइविप्पयाएणुपन्नरायरसपमुहं । कहियं रत्तो “भन्नइ पमाणभूमीए नो अलियं” ॥ ८७ ॥ जेण सरीरेण कयं सहउ तयं देव निगहदुहाइं । “देए पच्छावि रिणे सइ दबे दिज्जइ न किं तं” ॥ ८८ ॥ आह निवो मा वीहसु जमेक्कारं इमाण महिलणं । अभओ मए विइन्नो फाडणसंधाणकोउयओ ॥ ८९ ॥ नामाणुसारिणिच्चिय कुमईए मई महा अणत्थयरी । “अहवा परिपज्जालिरो दहणो दहणोच्चिय जहत्थो” ॥ ९० ॥ पेच्छ पवंचमईए भजं पक्खिविय कड्डिया असई । नो विन्नायं केणइ “बुद्धीए अगोयरो नत्थि” ॥ ९१ ॥ सेट्ठिसुय नो कयाइवि विस्ससियबं तए कुमहिलण । जं संपइ विस्ससियस्स आगओ आसि तुह मच्चू ॥ ९२ ॥ विन्नवइ कित्ति-

सारो देवपत्ताण जीवियघस्स । पत्तस्स चरिय चरण भवहरण सहलय काहं ॥ ९३ ॥ जइ नो देवो देतो पाणे मह  
नूण ता अह र्हिंह । उभयभयसभवाणवि चुफ्तो चेव सोक्खाण ॥ ९४ ॥ रायाह वच्छ कस्सइ कयाइ भववासमहि-  
यसतरस्स । दुक्कम्मेण अवाया ह्यति ता मा समुच्चियसु ॥ ९५ ॥ मा कुणसु वयकिलेस्स घम्मो सतस्स होइ निहिणोवि ।  
“को नाम कुणइ फट्ठ सइ कज्जे सोक्खसज्झम्भि” ॥ ९६ ॥ सो भणइ सामि एव विडंवणा होइ जाण कज्झम्भि । मह  
होउ तेहि विसपट्ठि वयमहं सपइ गहिस्स ॥ ९७ ॥ जपइ सेट्ठी तुज्झवह देव एसेव जं सुओ मज्झ । करहपडियं व  
भइयमिम विणा फुडइ हियय मे ॥ ९८ ॥ पुत्तेणुत्त जइ अज्ज पट्टु तए ह विणासिओ हुन्तो । हुंता केत्तियमेत्ता ता पुत्ता  
मज्झ जणयरस्स ॥ ९९ ॥ जणया जणणीउ पियाउ पुत्तया वधुणो य ससारं । मुक्का भूरिभवेसु ता मोहो कहह को तेसु  
॥ १०० ॥ “परमत्थेण न कयावि वल्लहो अत्थि कोइ कस्सावि । सोयइ सबोवि जणो नियकज्ज चेव सीयत्त” ॥ १ ॥  
ता अहमवि नियकज्जप्पसाहणे उज्जओ इयाणिपि । ता मा भवह भवतो सब्बे धम्मतरायपरा ॥ २ ॥ गहिज्जण वय  
अज्ज भुजिस्स अन्नहा महाणसण । तो नायनिवधेण निवेण मोयाविओ सेट्ठी ॥ ३ ॥ जणणीवि तत्थ पत्ता पुत्तेण क्रमे  
नमित्तु विणयपर । पाएसु लग्गिज्जणं वलावि मोयाविया अप्प ॥ ४ ॥ सम्माणिउ विसज्जइ वत्थाईहिं सपिय सुय सेट्ठि ।  
राया पयचमइयपि भणिय नायुज्जया होल ॥ ५ ॥ कुमइपि भणइ वाहरिय मा पुणो इय करेज्ज अन्नायं । पुणरुत्त न  
खम्भिरसं ति भणिय त पि दु विसजेइ ॥ ६ ॥ ण्हाणइसब्बसिंगासुंदरो सिवियमारुहिय पत्तो । इह एसो सेट्ठिसुओ  
पवइओ तुज्झ पचक्ख ॥ ७ ॥ खयराहिराय वेरगाकारण पुच्छिय जमेयस्स । त कहिय “ता मोत्तु कुसगमायरह गुणि-  
सग ॥ ८ ॥ पाय विणस्सइच्चिय पत्तकुसगो जणो सुवित्तोवि । उयरगओ असुइत्ते जुज्जइ परमोवि आहारो ॥ ९ ॥  
सगुणमि गुणाहाणं पावइ पत्तो जणो अजन्तोवि । रमणिनयणे कलुसपि कज्जलं सोहमुवहइ ॥ १०१ ॥ कायवो

गुणिसंगो तन्हा पुरिसेण उच्चिय कुसंगं । पत्ते सिणिद्धुद्धे मुद्धोवि किमंबिलं पियइ” ॥ ११ ॥ खेरवई पयंपइ पहु  
सिद्धिवहूवरो इसो होही । जो एकम्मिवि एवं पडिबुद्धो आवयाए भवे ॥ १२ ॥ पहु अम्हेवि हु पुत्रेकमंदिरं जेहिं  
थावरे तित्थे । चलिएहिं जंगमं तित्थमुत्तमं तमिह संपत्तो ॥ १३ ॥ एतंतरे करेणुक्खंघगओ छत्तअन्तरियतरणी ।  
राया चउरंगवलो पत्तो केवलिकमे नमइ ॥ १४ ॥ वंदिय सेसे मुणिणो सलाहिउं पणमिउं च नवसाहुं । उवविद्धो  
तो वंदइ तस्संतेउरमवि समगं ॥ १५ ॥ तम्मज्जे निंवकन्ना नियरूवजियामरी कणयवन्ना । पत्ता मत्तामरहत्थिमंथ-  
रकमकयागमणा ॥ १६ ॥ लीलाचलच्छिविच्छोहखोहियासेसतरुणनरनियरा । दीवपहानामेणं सारसुहासारसियहासा  
॥ १७ ॥ दट्ठूण केवलं सा हच्छं मुच्छं गया मयंकमुही । सीओवयारसंपत्तचेयणा पुच्छिया पिउणा ॥ १८ ॥ किं  
वच्छे मुच्छागमणकारणं तुह पयंपए सावि । पुच्छसु गुरुणो इय भणिय केवलं नमिय उवविद्धा ॥ १९ ॥ कयकर-  
कोसो नमिऊण केवलं पुच्छए निवो भयवं । किमु मुच्छिया मह सुया भणइ पहू निसुणसु नरिंद ॥ १०२० ॥  
सरसाहिट्ठियपहियं सरसाहियसत्तुसुहडसंदोहं । सरसाहिलसियवासं पुरमत्थि विसालसालंति ॥ २१ ॥ रविउदया-  
रद्धदिणंतमुक्कधणिभवणकयकुक्कमेण । पत्तारसआहारो अकिंचणो तत्थ अत्थि नरो ॥ २२ ॥ निम्मंसमुही नित्तेय-  
कालदुद्धलकरालकाया से । मुत्तिमइचांमुडव भारिया आसि विगयासा ॥ २३ ॥ खंडणरंधणीसणजलवहणगिह-  
प्पमज्जणाईहिं । परधरपत्तकुभोयणकयट्ठिई गमइ दियहे सा ॥ २४ ॥ सिसिरे सहति सीयाइं गेम्हसमयंमि तिच्चर-  
वित्तावं । मलकलयकुचेलाइं दोन्निवि मुणिमंडलाइं व ॥ २५ ॥ जुन्नकुडीरयछायणकज्जे कइयावि दोवि दब्भत्थं ।  
भम्मिराइं गुरुअरन्ने नियंति आयावयंतं मं ॥ २६ ॥ भणिया अकिंचणेणं भज्जा नमिमो इमस्स पयपउमं । जेणजेमो  
अम्हे अब्भुत्तम-पुन्नपढभारं ॥ २७ ॥ तो दोन्नि वि भत्तिवसप्पसरियरोमंचअंचियंगाणि । भूमियलमिलियभालंयलमणहरं

मङ्ग पणमन्ति ॥ २८ ॥ ददु विमुद्धभावं तेसि मए तयणु उवविसेऊण । उवविट्ठाण दिन्नो दोण्हवि सद्धम्मउवएसो ॥ २९ ॥ आयनए भो तुब्भे पच्चिदियजाइपुहुसामग्गि । पावेउ नायघाइ देवगुरुधम्मतत्ताइ ॥ १०३० ॥ रागहो-  
नाईहि दोत्तेहि अदूसिय गुणह देव । निग्गथ गीयत्य तत्तरय जाणह गुरुपि ॥ ३१ ॥ जइगिहिभेएहि दुहा तुब्भह  
धम्म जिणेहि पन्नत । पढम दसप्पयार वारसभेय पुणो वीय ॥ ३२ ॥ जीवाजीवा पुन्न पावासवसवरो य निज्जरणा ।  
धपो भोक्खतो य इम आयन्नह तत्तनवंगंपि ॥ ३३ ॥ देवगुरुधम्मतत्तत्तसइहाणेण होइ सम्मत्त । मूल सहुत्तममो-  
क्खकप्पकप्पत्त इममेव ॥ ३४ ॥ फलसलिलधूवदीवयअक्खयनेवज्जगघकुमुहेहि । पूयइ सम्मदिट्ठी इय जिणमट्ठहिंवि  
पूयाहि ॥ ३५ ॥ सघाउ वि अतरन्तो पईवपूय करेइ जइ भवो । ता सा एक्कावि हरेइ तस्स पावाइ भणियं च ॥ ३६ ॥  
“जो देइ दीवय जिणवरत्त पुरओ पराए भत्तीए । तेणेव तस्स डब्बइ पावपयगो न सदेहो” ॥ ३७ ॥ मणुयत्त सपत्त मा  
नेह मुहा तरेह सद्धम्म । तुम्हाण हिय कहिय जुत्तमिम विय गुरुणहवा ॥ ३८ ॥ जंपति दोवि नियजोगयाणुमाणेण  
तुम्हमाएस । काहामो भयव ज सुकएण्हेहिं त पत्तो ॥ ३९ ॥ इय जंपिय भत्तीए म नमिउं दब्भभारए गहिउ ।  
दोन्निवि गयाइ नेहे भद्गभावेण वट्ठत्ति ॥ १०४० ॥ नयरप्पहाणजिणदत्तसेट्ठिणो मंदिरम्मि कम्माइ । कुब्बंताणं  
ताण दोण्हवि दीवूसवो पत्तो ॥ ४१ ॥ दाऊण सेट्ठिणा सालिपूयघयपमुहमेवमुत्ताइ । सणिहे सुजह जह जाइ तुम्ह  
वरिसोनि सोक्खेण ॥ ४२ ॥ ते विंति अम्ह दससु जिणेसर सेट्ठि जेण तस्स पुरो । काऊण घएण दीवयं वय सुकय-  
मज्जेमो ॥ ४३ ॥ दट्ठूण धम्मवुद्धिं जातो तेसिं कयायो सेट्ठी । “गरुयाइ परमिवि पक्खवाइणो किन्न धम्मपरे”  
॥ ४४ ॥ इण्हिं चल्ह इय भणिय तेहि सह जिणहरम्मि सचलितो । “अवरपि पत्थिय कुणइ सज्जनो कि न पुण  
धम्मं” ॥ ४५ ॥ तिन्निवि पत्ताइं नियति रुदजिणमंदिर गयणलगं । भूयतरुत्तपत्तित्तियतोरणसियदुवारग ॥ ४६ ॥

अनिलचलिरद्धयावलिकिणिगणघणज्झणारावो । धग्घरयखलहलस्सरमिस्सो सुहरइ नहं जत्थ ॥ ४७ ॥ मणि-  
जणियदेवजलियमंडलविप्फुरियकिरणनिडरुंवो । रोहिणगिरिब रेहइ जणपुन्नागरिसिओव जहिं ॥ ४८ ॥ केवलनाणा-  
लोओव जत्थ लंवंतमोत्तिओज्जोओ । फलिहमऊहसमूहो भवविवेओ विव विहाई ॥ ४९ ॥ डञ्जिरकप्पूरागरपरिमल-  
मांसलियसुमणसामोओ । वित्थरइ जत्थ दूरं धम्मियजणपुन्नपसरोव ॥ १०५० ॥ सेट्ठी तेहिं समेओ पविसंतो तम्मि  
नियइ अजियजिणं । जय जय जयत्ति भणइ य सीमंतयसंगिकरकोसो ॥ ५१ ॥ उवसंतकंतरूवं तेसिं तं दंसए  
अजियदेवं । वहिरंगअंतरंगारिवग्गनिग्गहणपत्तजसं ॥ ५२ ॥ एसो समग्गसग्गापवग्गसुहसंगदायगो दूरं । ता एयं  
पूएडं अप्पहियं कुणह इय भणइ ॥ ५३ ॥ तं सोडं ताइं मणप्फुरंतगुरुभत्तिभरधरंगाइं । पसरियपरिओसवसुहसंतरो-  
मंचनिचियाइं ॥ ५४ ॥ उल्लसियअमंदाणंदजायथोरंसुपरियच्छीणि । परिकलयंताइं सजम्मजीवियद्याण सहलत्तं ॥ ५५ ॥  
सुरहिघएणं काऊण दीवए ताइं दोन्नि वि सुयंति । जिणपुरओ पणमन्ति य पहुं महींमिलियभालाइं ॥ ५६ ॥ कुलयं ॥  
तयणन्तरं पयाहिणपुरस्सरं नमिय रइयकरकोसो । सेट्ठि अजियजिणिंदं भत्तिभरो थोउमारद्वो ॥ ५७ ॥ “जस्सानमंति  
सिरिसोणमणिपहापयडभत्तिरायव । अमरेसरा शुणिस्सामि तं पहुं अजियनाहमहं ॥ ५८ ॥ मणवयणनयणहत्था ते  
धन्नाणं सुहा अजिय तुल्ल । सुमरणथवणालोयणपूयणकज्जेसु जे सज्जा ॥ ५९ ॥ वइसाहसेयतेरसिसिहिणं तं चत्तविजय-  
वासोवि । पहु विजयोयरवासं अलंकरंतो कुणसि चोजं ॥ १०६० ॥ जायं तिजगुज्जोयं तं माहसियट्ठमीनिसीहन्मि ।  
दट्ठूण ससंको लज्जिओव तबेलमत्थमिओ ॥ ६१ ॥ चइय तए चलच्छि वयं कयं माहसेयनवमीए । इयरोवि  
अत्थिराए न रज्जए किं पुण तिनाणी ॥ ६२ ॥ पोसे सियाएक्कारसीए जेउं चलहुपहचंदं(?) । लोयालोयपयासं संजाय-  
मणंतनानं ते ॥ ६३ ॥ चेतिसियपंचमीए तं सिद्धिवहूए संगमल्लीणो । इयरपि मोहिउमलं रमणी किं केवलचिरायं

॥ ६४ ॥ इय जायपचकल्लणमवि पढु शुणिय चत्तकल्लण । मग्गेसिचदपहुनय भवसायरत्तिन्नमत्ताण ॥ ६५ ॥ सेट्ठिस्स पक्खवाओ जिणिदभत्तीए तेसु सजाओ । “अहवायरो गुरूणं सगुणे विगुणे पुण उवेहा” ॥ ६६ ॥ पुणरुत्तं पणयजिणो अकिंचणो सेट्ठिणा समज्जोवि । नेउ नियमवणे दिन्नवदुधओ पेसिओ सगिहे ॥ ६७ ॥ तम्मिअि भवस्मि जिणभत्ति-  
भावजोऽकिंचणो धणी जाओ । “अहव न त कल्लण जिणपूयाए न ज होई” ॥ ६८ ॥ कइयावि आउअते मज्झिमपरि-  
णामओ मरिय जावो । भुवणप्पईवनामो पुत्तो निवकुलपईवस्स ॥ ६९ ॥ तेणेवय भावेण तब्भज्जा मरिउमेत्थ उप्पन्ना ।  
एसेवय तुह तणया जिणदीवयपूयपुत्तेण ॥ १०७० ॥ इह पत्ता मं पेच्छिय जाईसरेणेण मुच्छिया एसा । निव पुच्छियं  
तए ज त मुच्छाकारण कहिय ॥ ७१ ॥ नमिय गुरु भणइ सुया रिद्धी पढु तुह पसायओ एसा । मह सपियस्सवि  
जाया “किंवा न इवइ गुरुपसाया” ॥ ७२ ॥ सोऊण कुमरिचरिय जिणपूयाकयमई जणो सबो । रायाइओ गुरूण नमिय  
नियट्ठाणमणुपत्तो ॥ ७३ ॥ नयकेवलिकमो नहयेरेसरो मणिविमार्णविंदेण । नदीसरसि पत्तो बल्लिओयऽमिचदिय  
जिणदे ॥ ७४ ॥ नवर रायसुयाइसणाइअणुरायभरपायत्तो । निवपासे सपत्तो पणयपरो पत्थए कंनं ॥ ७५ ॥ रायाह  
नहयेरेसर जुत्तमिण किंतु पुच्छिमो कन्न । “जावजीवियकळे काठ जुत्तो न उवरोहो” ॥ ७६ ॥ तो वाहरिया पत्ता निव-  
तिय रइयरम्मसिंगारा । वाला लीलससरललोयणुल्लासलसिसुही ॥ ७७ ॥ काउं पसायमाइसह ताय इय भणइ  
पिउकमे नमिउ । तो से सायरखयरिदपत्थण साहए राया ॥ ७८ ॥ सा आह ताय लगइ अणे सोहगसगओ सो मे ।  
पुषभबुब्भवभत्ता अग्गी वा इह भवे नन्नो ॥ ७९ ॥ नायसुयाअणुवंधो सम्माणिय नहयर विसज्जेइ । सोवि गतो  
वेय्हे “निक्कज्ज किं विएसेण” ॥ १०८० ॥ चितइ नहयरनाहो हिययगया दूमए मयच्छी मा । विरहजरजलणजालाजलि-  
रा न(त)ठमल्लि ॥ ८१ ॥ सा म न मन्नइक्षिय ठाउमसत्तो न तं विणाहमवि । ता हरणमेव जुत्तं महनिवतणयाए

इर्णिहि ॥ ८२ ॥ अहवा किं हरेणं सह कुमरे तंमि मह न सा होही । ता तं पछंतं चिय हणेमि इय चित्तिउं ज्ञत्ति ॥ ८३ ॥ एगोच्चिय निसि निगंतुमुवगओ कुमरवासभवणंते । सारणमईए अहवा “इत्थीलुद्धाण किमकज्जं” ॥ ८४ ॥ तिसिरंदुवालसभुयएकतणुलथारद्धपेच्छणयच्छउमा । तमिहाणीओ तेणं मंतेणुघाडिय पओलिं ॥ ८५ ॥ तो सहसा संजातो सुहडो आयड्डियासिदुद्धरिसो । साहिकवेवं रइयम्मि रणभरे सो जितो तुमए ॥ ८६ ॥ “जे सत्थप्पडिकूला जे वा वीसत्थघाइणो कुडिला । नियमेण पडंतिच्चिय ते पुरिसा पावपहरहया” ॥ ८७ ॥ ता कुमर सो अहं नियदयाए हणारिहोवि जो तुमए । मुक्कोत्ति मए कहिओ तुह पुरओ निययवुत्तंतो ॥ ८८ ॥ इय जह खयरओ सुयं तह कुमरेणावि जाइसरणेण । सबंचिय सच्चवियं सिविणयदिट्ठं तवेळं ॥ ८९ ॥ भणियं च खयर तुमए जह कहिओ तह मएवि पुवभवो । दिट्ठो जाइस्सरणेण तयणु तं खेयरो भणइ ॥ ९० ॥ ता चलसु तुमं मुत्तूण मंदिरेहमवि जामि सट्ठाणे । इय जंपिय तमणुट्टिय नहरनाहो गओ सपुरे ॥ ९१ ॥ परिभावियपुवभवप्पियानुरायप्पइन्नकरणस्स । उम्मीलिओ महंतो अणुरओ रायतणयस्स ॥ ९२ ॥ चिंतइ तेच्चिय धन्ना जेसिं नियवल्लेहिं जुत्ताण । विविहविलासेहिं मुहुत्तमेत्तमिव जंति दिवसाइं ॥ ९३ ॥ जह जाइ वल्लहजेण मणो तहा जइ तणूवि वच्चन्ती । ता नूण न हुंतं चिय कस्सइ तविरहविहुरन्तं ॥ ९४ ॥ नूणं जागरणाओ विरहीण वरं समेइ जइ निदा । जा दूइयव वल्लहसंजोगं कुणइ सहसत्ति ॥ ९५ ॥ कामुकलियाउ मणे नयणेसु अलद्धलक्खया जाया । दाहो देहे वल्लहअलाहओ तस्स चिन्ताए ॥ ९६ ॥ वल्लहविरहविणोयप्पारद्धयाइकीलकिरियस्स । गच्छन्ति वासरा विरहियस्स कुमरस्स किच्छेण ॥ ९७ ॥ एत्थंतरंमि पत्तो कुमरिपिउयेसिओ महामंती । अत्थाणत्थं निवइं नमिउं विन्नवइ विणएण ॥ ९८ ॥ पटु मणिमंदिरनयरे पयावसारोत्ति नरवई अत्थि । दीवपहामलेइहा दीवपहामिहसुया तस्स ॥ ९९ ॥ पत्ता केवलपिपासं जाईसरणेण

मुच्छ्रिया वाला । निवपुच्छिण कहिओ केवलिणा तीए पुषभवो ॥ ११०० ॥ इय भणिय तेण सव्व सवित्थरं साहियं नरिदस्स । ता जा पुषभवुन्भवपिए कुमारेणुरत्ता सा ॥ १ ॥ भणिय च खयरवइणा विवाहिउ पत्थियावि न तीए । पडियन तव्वयण कुमर पइ जायरायाए ॥ २ ॥ तुह तणयअलाहविओयदाहदब्बतगणवणा वाला । लहइ न सुहलवमवि जलिरजलणजालोलिकलियव्व ॥ ३ ॥ धाईए इव अरईए असुहत्थीए वयसियाएव्व । दासीहिं व सगाहिया कामुकालि-  
याहिं सा दूर ॥ ४ ॥ ता पडु पेससु कुमर परिणयणकए कुरगनयणीए । जह होइ जीवियं से “गुरुण दुहिए न जमुवेहा” ॥ ५ ॥ रायाह सा सइच्चिय जा पुषभवप्पियम्मि अणुरत्ता । सिविजेवि ज सईण रमइ मणो नन्नरमणम्मि ॥ ६ ॥ इय भणिय समाइहो कुमरो वीवाहिउ नरिदसुय । वच्छागच्छसु वो सो नसिय निवाणं सिरे धरइ ॥ ७ ॥ सम्माणिऊण मंतिं सवाहिय नियसुओ समतेण । चउरगचमूचको पट्टविओ दिट्ठहियएण ॥ ८ ॥ अणवरयकयपयाणो सो मणिमंदिपुरसि सपत्तो । “ठाण चलियो मंदोवि पावए किं न सिग्घगई” ॥ ९ ॥ पट्टओय(पत्तोय)वत्थकयहट्टसोहगुरुमंचतो-  
रणधयम्मि । रायगरुहो रत्ता रिद्धीए पवेसिओ नयरे ॥ १११० ॥ आवासिओ समप्पियपासाए कणयकलसकमणीए । नरघइकाराधियभोयणाइगुरुगोरवमहग्घो ॥ ११ ॥ लगदिणे ह्यगयठियसामतावेदिओ गयारुढो । छत्तद्धयचामरचय-  
रायालकारकमणीओ ॥ १२ ॥ वज्जिरजयआउज्जो पत्तो वीवाहमदिउदुवारे । रइयायारो पविसिय उवविट्ठो कनयापासे ॥ १३ ॥ इट्ठ से तीए कर करेण गहिउ पयाहिणियजलणो । उवविसिय रायकुमरेहिं तयणु सम्माणिओ लोओ ॥ १४ ॥ तो नियकलत्तकलिओ चलिओ चडिउ कोणुरायम्मि । रिद्धीए निवावासे पत्तो कीलइ सह पियाए ॥ १५ ॥ ससुरय-  
सम्माणुम्मीलमाणत्तोसो दिणाण दसग सो । तत्थच्छिय नमिय निव सकलत्तो नियपुरे पत्तो ॥ १६ ॥ रत्ता रिद्धीए पुरे सहट्टसोहे पवेसितो कुमरो । नवपरिणीय पुत्त मोत्तु को गोरवट्ठाण ॥ १७ ॥ पणओ पिउणो पयसयदलम्मि





समुत्तमेक्षराय समस्थि बहुलसिरायरणपि । भुवणतिलयाभिहपुर कुरगसमनयणरसमणियणं ॥ ३६ ॥ जन्मि  
मणिभवणपरपरापहापह्यरयणितिमिरम्मि । वासहरड्डिरागरुधूमे उप्पायइ निस व ॥ ३७ ॥ परमहिओ सुहयगतो  
सत्तदहासो दुहावि सवत्थ । भुवणाणंदो नामेण नरवई अत्थि तत्थ थिरो ॥ ३८ ॥ तत्सत्थि सबसुद्धंतसारपयसट्ठिया  
सलीलगई । कमलमुही भुवणसिरिन्ति रायहसिध पियमज्जा ॥ ३९ ॥ तीए मण आणदइ पुत्तो भुवणप्पमोयओ दूर ।  
भुवणप्पमोयओ नाम कामसरुवरम्मत्तणू ॥ ११४० ॥ सद्धम्मसरुद्धेइयकुक्कम्मपरपत्तकेवलसिरीओ । अणुसरि-  
असासयसुहो जइघ जो सहइ समरसिओ ॥ ४१ ॥ कइया वि सो कोणुक्कवधगतो छत्तअतरिअतरणी । तरुणीकरस-  
चालिअसिअचामरविअज्जमाणत्तणु ॥ ४२ ॥ नाणाजाणट्ठियाभत्तमडलामडलीयकयवेदो । चलिओ कुमरो आराममुत्तम  
पेच्छिउ सवलो ॥ ४३ ॥ भूरिक्विजलकलिअ दुहावि ज ठि(वि)उसपामरकुलव । सहइ सुवन्नासणसगय सया राय-  
मवणं च ॥ ४४ ॥ पत्तो य तम्मि पविसइ तालीहिं तालसालतलकलिउ । कुवलीकयलीलवलीलवगानारागगम्मि  
॥ ४५ ॥ अवरावररमणीयारामपरपरिन्धमणखिन्ने । मुत्तु गयमहीणो अवयवणदक्खमडवए ॥ ४६ ॥ अवयसा-  
हागयवज्जकिरणभरकिन्नकणयदडमि । दोलापह्णे तूलियाए आरुहिय उवविट्ठो ॥ ४७ ॥ पारफधणुद्धरकुतकरनरा  
कुमरविट्ठिमणुसरिया । पुरओ उवविट्ठा मडलीयसामतमत्तिसुया ॥ ४८ ॥ पडुपडहमजुमडलआलवणीवेणुसइसमिस्स ।  
पारद्ध गाएउ चरिय कुमरस्स रमणीहिं ॥ ४९ ॥ कुमरो वि मणोगयरायवासाणावसअलद्धक्खत्थो । ईसिप्पकं-  
पिरसिरो वीण वायइ नियकेरेहिं ॥ ११५० ॥ एत्थतरंमि गयणाओ मणिमयाभरणभूसियसरीरो । अवयरिउं  
सपत्तो कुमरपुरो किन्नरीनियरो ॥ ५१ ॥ तस्माज्जाओ उत्तमरूवाए किन्नरीए एक्काए । नमिय सविणयं पेच्छण-  
यपेच्छमव्वमत्थिओ कुमरो ॥ ५२ ॥ सपत्ताएसाए महापसाओत्ति जपिउ तीए । पारद्धं पेच्छणयं कुमरपुरो परियण-

जुयाए ॥ ५३ ॥ बज्रतवेणुवीणासराणुविद्धेण दिवराएण । हुंफियकंपियकुरलियमुद्धियकागलियरूवेण ॥ ५४ ॥ गुंजं-  
तमहलुद्धामपडुडुक्काणुसरियतालवं । गाएउं पारुद्धं कुमारचरियं भिउसरेण ॥ ५५ ॥ तवेउमुवकंतं तम्मज्झा किंनरीए  
पवराए । मणिमयरसणारण्णिरकणयकिंकिणिकलावाए ॥ ५६ ॥ पसरवासरणभमिभमुहभंगकरणकमंगहारेहिं । नचइ  
सा करविन्नामवसपसपंतनयेहिं ॥ ५७ ॥ निव्वभच्छियमिउकलकंठकूहयं रायमालवेऊण । नचंती सा गायइ तुमरगुणे  
चंदकरधवले ॥ ५८ ॥ तन्नट्टगीयदिन्नावहणिया कुमारपमुहसवसहा । जाया तदेक्कदिट्ठी अचलंगी चित्तलिहियच्च ॥ ५९ ॥  
पसरंतीए पसरंति उच्छलंतीए उच्छलंति समं । तीए जणनयणाइं सययं सेवयकुलाइं व ॥ ११६० ॥ अवहियहियओ  
जाओ रायसुओ तीए गीयनदेहिं । दाउमणो नियहारं तमच्छिसत्राए वाहरइ ॥ ६१ ॥ तो सा चलिया रण्णणिर-  
किंकिणी किंवि कंपमाणथणी । नवनेहरसभरालसनयेहिं पलोइरी कुमारं ॥ ६२ ॥ सो वि हु नियहथेहिं थणत्थले  
जाव ठावए हारं । ता तीए झत्ति आलिं गिऊण नीओ नहयलेण ॥ ६३ ॥ सहसच्चिय सेसोवि हु तिरोहितो किंनरीजणो  
सयलो । कुमारंगरक्खसरंभभवभुव्भंतनयेणोच्च ॥ ६४ ॥ जावारोवियधणुहा धणुद्धरा तमणुपक्खिवंति सरे । जातुच्छलंति  
तं पइ फारक्का खगवगकरा ॥ ६५ ॥ तीए ता रायसुओ नरनयणअगोयरे नेहे नीओ । जाओ य गयच्छाओ परिवारो  
कुमारहरणम्मि ॥ ६६ ॥ गुंतुं सहाए कहियं रओ भित्तेहिं कुमारअवहरणं । तं सोउं सो जातो मुच्छाए अचेयणो सपिओ  
॥ ६७ ॥ सिसिरकिरियासमुवलद्धचेयणो रुयइ दुहभरकंतो । पागयनरोच्च सह पिययमाए सुयचिरहविराए ॥ ६८ ॥  
हा सूरकुमार हा धवलचमरवीइयसरीर हा धीर । तुड्ढावत्थं मुत्तण मं गओ कत्थ तं कहसु ॥ ६९ ॥ हा कुंददमण मा  
विगयवसण हा ईसिहसणपरिलसण । हा कोमलकेस हहा सुवेस हा रंजिगसदेस ॥ ११७० ॥ हा जणनभत्त हा  
सारसत्त हा नायदेवगुरुत्त । हा पुरिसरयण हा गरिमगयण हा अमियसमवयण ॥ ७१ ॥ को जाय तुमं मुत्तं पहाय-

समपवि मे कस्मे नमिही । को वा रयणाभरणे दाही वंदीण परितुटो ॥ ७२ ॥ सिंगारसुदरगो अण्फालितो करेण को कुभ । आणदिस्सइ पउरे करेणुलीलारस पत्तो ॥ ७३ ॥ मडलियमंतिसामतमित्तदासगरक्खपडिहार । कुमरावहार-  
गुरुसोयसहिया तत्थ कंदंति ॥ ७४ ॥ एत्यतरमि अत्थाणकणयथाउ रयणपुत्तलिया । उत्तरिया मणिमंजीरमजुझकार-  
रमणीया ॥ ७५ ॥ लीलाए चकमती पत्ता रायतिय भणइ एव । आयन्नसु निव सुयहरणकारणं चयसु सोयभर ॥ ७६ ॥  
ददूण सालिहजियपुत्तलिय विम्हिओ सपरिवारो । भणइ निवो भद्दासणमलकिउ कहसु मद्द देवि ॥ ७७ ॥ तो सालिह-  
जिया सा उवविट्ठा तम्मि आसणे अहवा । “कीरइ अन्नस्स वि विणयपत्थिय किं न नरवइणो” ॥ ७८ ॥ अच्चतविम्हिज-  
मणो सपरियणो सो निसामिउ लग्गो । कलकठविलसिरसरा रनो सा साहिउ लग्गा ॥ ७९ ॥ यहुसामो वि सुत्तारो  
सुपत्तनयसुंदरोनि नयरहिओ । अचलो विसधयावि हु वेयड्डो अत्थि गिरिराया ॥ ११८० ॥ तत्थत्थिभूरिभूमिगम-  
यणेहिं एक्कभूमिगविमाण । सगंगि निज्जित रहनेउरचक्कवालपुर ॥ ८१ ॥ नियतणुतेयविणिज्जियकणयपहो तत्थ अत्थि  
कणयपहो । खयरवई यहुविज्जावलदुल्लिओ ललियदेहो ॥ ८२ ॥ चाईकयकणयसिरि कणयसिरीनाम अत्थि से  
कत्ता । देवगुरुण पणया पणयावज्जियसयलसयणा ॥ ८३ ॥ सोहग्गेण गोहिं रूवेण रइ सइं पहुत्तेण । अणुकुव्वती  
कत्ता समत्थि से भुवणलच्छित्ति ॥ ८४ ॥ उव्वणजोव्वणजुत्ता विलसिरलायनपुनगत्तावि । असईदासीसहियावि च्छेय-  
निस्सेससहियावि ॥ ८५ ॥ कयउब्भडगभोगा विनट्टनिस्सेसरोगसोगावि । विंणाणगुणवियड्डुवि थीकलाविसयपोढावि  
॥ ८६ ॥ जणयजणणीवयंसीदासीहिं सया भणिज्जिमाणावि । ण कुणइ मणयपि मणो पुरिस पइ वीयमोहव्व ॥ ८७ ॥  
कुल्लयं । सिंगारियपि पुरिस ददूणं कुट्टियंवि नियदिट्ठिं । मवलज्जितं वालइ उव्वेयवसेण सहसत्ति ॥ ८८ ॥ चित्तद्वियं पि  
ददु रुद्धं नर परमुही होई । सिविणयसच्चवियपि हु न नियइ पुरिस ससुरयव ॥ ८९ ॥ पावकह व निवारइ कहिज्ज-

माणं पि पुरिसचरियकहं । कजेवि नरं नालवइ विहियगोवज्झमिव वाला ॥ ११९० ॥ एवंरूवं दुहियं दड्ढण विंचितए खयराराया । कस्सेसा दायवा मए नरवेसिणी कन्ना ॥ ११ ॥ दंसिजए इमाए जो जो सो सो वरो न पडिहाइ । आहारोब अरोयगरोकंत्तस्स सब्बस्स ॥ १२ ॥ देववसा जइ जायइ सीलब्भंसो इमाए ता होइ । गोत्तम्मि गुरुकलंको पावमिमाए अकित्ती मे ॥ १३ ॥ इय चिन्तासंतत्तो तुत्तो कन्ताए नरवई एवं । मा तम्मसु पिय पुच्छसु वरमइसय-  
नाणिमिमीए ॥ १४ ॥ बहुमन्नियपियवणो तणयं गहिडं गओ विदेहं सो । माणिक्कपुरारामे दड्ढणं केवलं नमइ ॥ १५ ॥ उवविसिऊणं सोऊण देसणं पत्तअन्तरो नमिडं । पुच्छइ किं मह दुहिया पडु पुरिसवेसिणी जाया ॥ १६ ॥ तो भणइ विमलनाणी आयन्नसु राय कारणमिमीए । जेणेसा संजाया विदेसपरा पुरिसविसए ॥ १७ ॥ सालीणजणा-  
वासे रइरूवकुलंगणे जणियसोहो । हसियसरोवसरोहे सालिपुराभिहपुरे रम्मे ॥ १८ ॥ अत्थि नयज्जियवहुधणदाण-  
कयत्थी कयत्थिसंघाओ । सालिप्पियाभिहाणो धणिप्पहाणो धणी विणई ॥ १९ ॥ जुयलं ॥ अवरोवि खत्तिओ तत्थ अत्थि रणसूरनामओ चाई । नवरं तणुविहवो “नो पायं चाइस्मि वसइ सिरी” ॥ १२०० ॥ जओ—चाइयणकरपरं परंपरियत्तजायगरुखेयव । अत्था किविणघरत्था सत्थावत्था सुयंतिव ॥ १ ॥ तरसोभयहावि पिया विणयवई नय-  
परा सुसीला य । ईसीसि साहिमाणा “अहव न दोसं विणा कोई” ॥ २ ॥ भत्ता पियमणुवत्तइ पियावि पइणोणुवत्तए चित्तं । वद्धइ दोण्हवि पणंओ “जइवा नेहो नयड्डाण” ॥ ३ ॥ सालिप्पियस्स कजाइं साहए सो वि देइ दवणं से । “न निओ वि कुणइ कजं सुहियाए किं पुनन्नजणो” ॥ ४ ॥ जं किं पि लहइ कत्थइ समप्पए आणिडं पियाए सो । “पाणावि जम्मि देया तत्थ अदेयं किमवि नत्थि” ॥ ५ ॥ सालिप्पिएण कइयावि पेसिओ सो वड्ढए आणयणे । चलिओ संदण-  
पुरनयरम्मगमणुसरिय संनद्धो ॥ ६ ॥ पत्तो अड्डइए वहुमयसत्ताए वि अमयसत्ताए । जीए सचित्तकाया अमाणसंगावि

तिरियोहा ॥ ७ ॥ तीए सो नियइ वडाइवियडविडवीहिसकडिह्याए । खरतरणिनिहियनयणं आयावंतं मुणिं एण ॥ ८ ॥  
दिट्ठो य तेण उप्पाडियासिरोदो भडो तमभिहणित्ठ । जंतो भित्तीए इव खल्लिओ मुणिओगहमहीए ॥ ९ ॥ उगहमइक-  
मेउ अतरतो चउदिसिं परिब्भमिरो । दितोव भत्तिजुत्तो पयाहिणाओ सुसाहुस्स ॥ १२१० ॥ रे मुड तुंडभंग काउं त  
निच्छएण मारिस्स । इय जपिरो मुणिं पणमिड च पडिओ अहोवयणो ॥ ११ ॥ पडियं झडत्ति खगं मुक्कं करेण  
दूरतरयम्मि । मुणिमारणअज्जवसायजायगुरुपावभीएण ॥ १२ ॥ पच्छाहुत्तं बलिय बाहुजुयं साहुवहनिवित्तं । गतु-  
मणीहता इव पत्ता पाया सिरे तस्स ॥ १३ ॥ जातो गीवाभंगो रुहिर नीहरइ तस्स वयणातो । अहवा जं चित्तिजइ  
परस्स तं अत्तणो एइ ॥ १४ ॥ उद्धट्ठियंमि खगो उच्छलिओ सो तयगमारुढो । परिभमइ गुरुरएण वंसारुढो नड-  
नरोव ॥ १५ ॥ एत्थतरे अणब्भा विज्जुव नहाओ इत्ति अवइत्ता । एक्का अमरी पिंजरियदिसिमुहा देहदित्तीए ॥ १६ ॥  
कुडलकिरीडकेऊरकडयहारोहसोद्धधरदेहा । तिपयाहिणित्त नमिड च सा ठिया साहुणो पुरओ ॥ १७ ॥ दट्ठूण तमच्छरिय  
रणसूरो मुणिसमीचमहीणो । पणमिय कयजलित्तडो उवविट्ठो समुचियट्ठणे ॥ १८ ॥ एत्थतरे निसनो उस्सग पारिऊण  
साहुवि । भणिय च देवयाए पुणरुत्त पणमिऊणमिम ॥ १९ ॥ पटु अहमिमाए अडईए सामिणी इह समागयेण तए ।  
नूण कया पवित्ता असमप्पसमेकरसिएण ॥ १२२० ॥ एसो हु पच्चणीओ पावप्पा कोइ तुग्घ हणत्थं । इतो एवं-  
विहिओ मए अदिस्साए खलिऊण ॥ २१ ॥ भणइ मुणी कयकरुणा देवि इमं मुयसु जाव नो मरई । उवसगगहण-  
कब्बे आगच्छामो वय जमिह ॥ २२ ॥ साहुणमलकारो खतिच्चिय देवि नो पुणो कोवो । उवसगपरे नूण तीए विसओ  
जओ भणियं ॥ २३ ॥ ज खमसि दोसवते सो तुह खतीए होइ अवयासो । अह न खमसि को तुह अविसयाए खतीए  
वावारो ॥ २४ ॥ मुत्तु मुणिमज्जायं कोव थोवंपि जइ जई कुणइ । ता सुयतवाइ सबं निरत्थयं तस्स जेणुत्त ॥ २५ ॥

श्रीअनन्त-  
नाथचरि-  
त्रादुद्धृतं  
पूजाष्टकम्  
॥ ३५ ॥

पठउ सुयं धरउ वयं कुणउ तवं चरउ बंभचेराइ । तहवि तयं सबंषिहु निरत्थयं कोववसयस्स ॥ २६ ॥ अम्हाण देवि  
एयं वयसव्वस्सं रिउंमि कुविएवि । अक्कोसाइ कुणंते लाहोत्ति विभावणं जेण ॥ २७ ॥ अक्कोसहणमारणधम्मन्भंसाण-  
वालसुलभाण । लाभं मन्नइ धीरो जहोत्तराणं अभावम्मि ॥ २८ ॥ अम्हाण मोक्खपुरपात्थियाणमेएण काउमारद्धं ।  
साहेज्जमओ एसो उवयारी मुंच ता एयं ॥ २९ ॥ सोऊण साहुदेसणमसमप्पसमामयप्पवहसरिसं । रंजियहियया देवी  
पयंपिउं एवमारद्धा ॥ १२३० ॥ धन्नोसि तुमं मुणिरयण तिव्रतवतेयलद्धिजुत्तोवि । काउं खममिमवयारयंपि भित्तं व  
मोइंतो ॥ ३१ ॥ एवं पसंसिय मुणिं अदिट्ठवंधाउ तं भंडं मुत्तुं । धम्ममइ संजाया देवी सहसत्ति मुणिवयणा ॥ ३२ ॥  
सोवि भडो पयलगो अवराहं खामए नियं मुणिणो । “दूरंपि पाणदाया पुज्जो अवरोवि उवयारी” ॥ ३३ ॥ भणइ य तइ  
सोमेवि हु सच्चविए कलुसियं मणो मज्झ । अमरकरे वि हु दिट्ठे कमलं संकुयइ जमजोगं ॥ ३४ ॥ मारणपरे रिउ-  
म्मिवि तुह पहु हियए पवट्ठिओ पसमो । दाहकरेवि निदाहे सीयं चिय होइ हिमसेले ॥ ३५ ॥ ता मज्झ देहि दिक्खं  
पावाओ इमाओ नन्नहा मोक्खो । “वेरगो जं न कयं नूणं तं दुक्करं पच्छा” ॥ ३६ ॥ तो से दिन्ना दिक्खा मुणिणा देवीए  
अप्पिओ वेसो । धम्मज्जयम्मि जइवा मूलं मोक्खस्स साहेलं ॥ ३७ ॥ नवदिक्खियं पसंसिय सट्ठाणे देवया गया  
इत्ति । दट्ठूण तमच्छरियं भणइ मुणिं नमिय रणसूरो ॥ ३८ ॥ दुक्करदिक्खाए ते मज्झमसत्तस्स कहसु गिहियम्मं ।  
“दिज्जइ न जओ दुद्धं रोइंमि रसाहिए अहवा” ॥ ३९ ॥ भणइ मुणी गयरायं देवं आयरसु उज्झिय सरायं । मुत्तूण  
कामधेणुं किं गिण्हइ गदहिं कोवि ॥ १२४० ॥ नाणलोए गुरुणो गिण्हसु रविणोव जयपवित्तकरे । परिहरिऊण कुगुरुणो  
वहलनिसीहेव तमवहुले ॥ ४१ ॥ अंगीकरेसु धम्मं सोक्खकरं दुहयरं चइय पावं । मुत्तुमजरमरमयं को ममुकरं गरं  
गिलइ ॥ ४२ ॥ कप्पटुमंव वंछियफलयं आयरसु उत्तमं तत्तं । किंपागं पिव संमोहकारयं मा पुण अतत्तं ॥ ४३ ॥

नैवेद्य-  
पूजायां  
शुवन-  
प्रमोदक-  
कथा

॥ ३५ ॥

चत्तारिवि एयाइ सुदेवगुरुधम्मतत्तलूवाइ । नारयतिरियनरामरगईउ चउरो अवहरन्ति ॥ ४४ ॥ एय पवयणसार काउ-  
मसत्तो समगमवि भवो । एकचिय जिणपूय कुणंति भवा जिणिंदाण ॥ ४५ ॥ सवाओ वि य सत्तो काउं नेवजपूयमे-  
फपि । कुवतो दुक्कम्म पाणी पडिहणइ सवपि ॥ ४६ ॥ भुज्जइ जंवा तवा रविउदयत्थमणमज्झयारम्मि । दिज्जइ जिणस्स  
ता भो कयाइ योवपि पुन्नकए ॥ ४७ ॥ पाविज्जइ परलोए अणतमप्पपि इहभवे दिन्न । धन्न ववियं थोवपि फलइ त नूण  
वहुगुणियं ॥ ४८ ॥ नियविहवसमुच्चिएहिं महुराहारेहिं मोयगाईहिं । जिणमच्चन्ता सासयतित्ति पावन्ति भणिय च ॥ ४९ ॥  
“एणतित्तिएण लब्भइ नेवजेण जमक्कया तिच्ची । त सासयसिवसुहतित्तिं तित्थनाहस्स माहप्प” ॥ १२५० ॥ ता जइ  
सासयसिवसुहतित्तिं वछसि अहो महासत्त । ता कुणसु देवपूय दाउ भत्तीए नेवज ॥ ५१ ॥ सो आह अज्ज पत्ता चित्ता-  
मणिकामचेणुकप्पटुमा । रन्म्मिवि ज जाय मह पटु तुहदसणममोहं ॥ ५२ ॥ ता इहपरलोयहियं कहियं’ तुब्भेहिं ज तय  
काह । को नाम सिरिसुधिंति प्हणइ पायप्पहारेण ॥ ५३ ॥ इय जणिय नमिय सुणिं चलिओ सदणपुरम्मि सपत्तो । मोया-  
विय सालिप्पियवहुय गहिउ तय वलिओ ॥ ५४ ॥ गुरुवेयवाहणेहिं थेवदिणेहिं पि नियपुरे पत्तो । पणमिसु मोयगा  
सासुयाए वहुयाए उवणीया ॥ ५५ ॥ तीए वि सयणभवणेसु पेसिया समुच्चियक्खमेण ते । अहवा उचियायरण कुलगणाणं  
उलायारो ॥ ५६ ॥ बहुदक्खेलानालियरक्खउडकप्परमिसिओ एगो । दिन्नो रणसूरस्सावि मोयगो माणयपमाणो ॥ ५७ ॥  
वधुरगध तं गिण्हिऊण लग्गो सगेहमगे सो । अतो रमतसद्धम्मपरिणई चित्तए एव ॥ ५८ ॥ एण भक्खिएणं जाव-  
जीव न होहिही तिच्ची । जाव सुहे वा सुरसो एसो पोद्दगतो असुई ॥ ५९ ॥ ता इमिणो सुरसेणं भक्खेण करेमि  
देवनेवज । ज मह पच्छा दुल्लहो एवविह उत्तमाहारो ॥ १२६० ॥ इय चित्तिऊण वलिउ चलिओ मग्गे जिणिंदभवणस्स ।  
“अहव पमातो काउ किं जुज्जइ धम्मकम्मम्मि” ॥ ६१ ॥ गच्छंतो सपत्तो जिणालयं नियइ सुरविमाणंव । अनिलचलद्धय-



रणश्चणिकिणीनियररमणीयं ॥ ६२ ॥ जम्मि जिणसमुहानिलचालियवलिनिहियसेयल्लुमुण्डां । पूएउंव जिणिंदं जंताइं  
जवेण सोहंति ॥ ६३ ॥ पुत्तकोवहारचुंबणपराइं बहुचंचरीयचक्काइं । जम्मि जिणवंदयतुट्टकम्मनियलाइंव सहन्तिं  
॥ ६४ ॥ तम्मि पविट्ठो पेच्छइ पसंतकंतं जिणेसरं रिसहं । जय जय जय तिजयपहुत्ति जंपिरो नमइ भत्तीए  
॥ ६५ ॥ चित्तब्भंतरअसमुल्लसंतबहुमाणजायरोमंचो । आणंदवसपवित्तं सुविसरजलधोगंडयलो ॥ ६६ ॥ तं पाव-  
मोयगं मोयगं सयं सुयइ सामिकरकमले । सहलत्तं कलयंतो सजम्मजीवियनरत्ताणं ॥ ६७ ॥ पुणरवि पणमिच्चु पहुं  
खोणीमंडलमिलन्तभालयलं । पत्तो नियायावासे सो उक्कंठियपियापासे ॥ ६८ ॥ अन्नोन्नं मिलियाणं ताणुप्पन्नो महासु-  
हुक्करिसो । “अवरे वि निए मिलिए होइ सुहं किं न कंताए” ॥ ६९ ॥ कइया वि तस्स कंता वुत्ता सालिप्पियप्पिय-  
यमाए । किं रूवरसो सो तुह पियस्स जो मोयगो दिन्नो ॥ १२७० ॥ तं सोउं सा चित्तइ किं मह न पिएण दिन्न-  
मद्धंपि । “जइवा न वल्लहेवि हु लोहपराणं हवइ नेहो” ॥ ७१ ॥ नियघरजुत्ताजुत्ता वत्ता नन्नस्स साहिउं जुत्ता । इय  
चित्तिय तीउत्तं अच्चंतं तम्मि रसवत्ता ॥ ७२ ॥ धणरहियाणवि नेहे लोओ पेसइ जमुत्तमं वत्थुं । किं पुण ससुरकु-  
लम्मि वि सेसओ तम्मि वि धण्णु ॥ ७३ ॥ इय जंपिय नियगेहे पत्ता पियविसयजायअवमाणा । विप्फुरियफारअरई  
उवविट्ठा दूरमुत्तिगा ॥ ७४ ॥ वामकरक्खित्तमुही सरलस्सासा अलद्धलव्वसत्थी । पियगयअणप्पकुवियप्पकप्पणुप्पन्न-  
संतावा ॥ ७५ ॥ चित्तइ पिएणमविभइय मज्झ न कयाइ अत्तणा मुत्तं । अज्जं तु सुयमिमं “नो दीसइ किं जीवमाणेहिं”  
॥ ७६ ॥ तं चिय निवससि महमाणसंमि न तरामि तं विणा ठाउं । इय मायावयणेहिं अहमप्पवसा कया तेण ॥ ७७ ॥  
धुत्तपउत्तीहिं नरा एवं रमणीओ वेलवेऊण । निम्ममहमालियाउव कयकज्जा ज्झत्ति उज्झंति ॥ ७८ ॥ मंदमईओ अविवेइ-  
णीओ तुच्छओ अपटियसुयाओ । वरईओ विप्पयारिय विडा विडंबंति विलयाओ ॥ ७९ ॥ जेत्तियमेत्ता विज्जा हुंति

पवधावि तेत्तिया नून । तो पुरिसेहिं सवसयाओ सुद्धमहिलाओ कीरति ॥ १२८० ॥ दुधिलसियाइ काउ कुवियपियाए तमुत्तर दिंति । नियसच्छयाए सद्या(सच्चा) इमेत्ति मनति तो ताओ ॥ ८१ ॥ इय चितावसअञ्चतजायवरविसयविस- यविदेसा । त चेव गरुयवेरगकारण धरइ हिययमि ॥ ८२ ॥ पइविदेसवसाएवि तीए मुक्क न विनयकरणिज्ज । “लयति न रुद्धाओवि कुलवहुयाओ कुलायार” ॥ ८३ ॥ तेणेवय वेरगेण भत्तुणो मोइऊणमत्ताण । पडिवन्ना वालतव नवर न मुयइ पिण्णुसय ॥ ८४ ॥ रणसूरो पुण सरलस्सहावओ सरइ नियगुरुक्कमणे । दीणाइयाण दाणाइ देइ न करेइ अत्ताय ॥ ८५ ॥ एव मज्झिमपरिणामवसमज्जियनराउ निवरिद्धी । मरिऊण भुवणतिलयाभिहपुरनिवनदणो जाओ ८६ ॥ तन्मज्जावि तवज्जियविज्जाहरिद्धिभोयसभारा । मरिय सुया तुह जाया रहनेउरचक्कालपुरे ॥ ८७ ॥ पुधिल(ल)भवम्मि मया पुरिसवेसेण सडुया जमिमा । इह जन्मेवि तमुव्वइ तुह सुया निव नरवेस ॥ ८८ ॥ भणिय केवलणा नहर्यदिद तुह कनयाए पुरिसम्मि । विदेसकारणमिमं पयासिय पुच्छमाणस्स ॥ ८९ ॥ त सोअं जाईस- रणनाणविन्नायनियभवा भणइ । पटु त तेहेव सअं तुब्भेहिं जहा समक्खाय ॥ ९० ॥ तो सो ससुओ नयकेवली गओ नियपुरे खयरराया । जाया य निद्धियप्पा नियामिमाणे भुवणलच्छी ॥ ९१ ॥ चितइ महाणुभावेण तेण तइया न विरइयमजुत्त । जं मोयगेण विहिया पूया देवाहिदेवस्स ॥ ९२ ॥ तइया दइए सरले वि दुधियप्प पक्कप्पमाणीए । महिलाण मए पयडीकयं धुव तुच्छपयइत्त ॥ ९३ ॥ जइ ह त पुच्छती ता सो तइयावि मह पयासतो । जं पुच्छिण्ण तेण कयाइ वटोत्तर न कयं ॥ ९४ ॥ इय चितंती जाया पियम्मि पोढाणुराइणी वाला । नियदुधिलसियसुमरणजहिं विष्णुरियरणरण्या ॥ ९५ ॥ चत्तो रत्तोवि पियो भवम्मि पुवे इमाए कुवियप्पा । इय चितिय कुविएणव कामेण सरेहिं पइया सा ॥ ९६ ॥ दाहो वाहो कपो हियए नयणेसु देहजट्टीए । तवेअंनिय तीए सजाया सत्तिया भावा ॥ ९७ ॥

अरईसूयगसिक्कारवसविणिक्वंतत्तदंतपहं । हियंमि अमांयन्तं उवमइ पियाणुरायं व ॥ ९८ ॥ असुहपसरप्पकंपिर-  
करजुयनहसुत्तिकंतपसरेण । धवलंती चंदणरसपंकैणव ताविलं देहं ॥ ९९ ॥ इयं पसरियनियपियविरहतावदावगिग-  
दज्जमाणतणू । उव्वेयावेयवसा बाला कट्ठं दसं पत्ता ॥ १३०० ॥ गरुयाणुणयपुरस्सरपुच्छंतसहीणं साहिओ तीए ।  
पुब्वपियम्मि सुवणप्पमोयगे निवसुए नेहो ॥ १ ॥ भणई य जइ तमहं पुब्वभवपियं हे सहीओ न लहेमि । देमि धुवं  
ता जलणस्स आहुइं नियसरीरेण ॥ २ ॥ नहयरनाहस्स सहीहिं साहिओ तीए निवसुए राओ । तो से तोसो जाओ  
सुयाए कुमराणुरत्ताए ॥ ३ ॥ जंपइ पन्नत्तिं देवयं निवो देवि आणसु कुमारं । अच्चाहियं न जायइ जा सहजीवियस-  
मसुयाए ॥ ४ ॥ तो इह देवीं पत्ता पत्ते कुमरम्मि रम्ममुज्जाणं । काऊण किंनरीपेच्छणच्छलं तीए हरिओ सो ॥ ५ ॥  
नेउं रहनेउरचक्कवालनयरम्मि नहयरिंदस्स । सो उवणीओ तीए सह कुमरीए पमोएण ॥ ६ ॥ कयगोरवेण कुमरस्स  
राइणा कहिय कंनयाचरियं । भणियं पुब्वभवपियं परिणसु तं वच्छ मह दुहियं ॥ ७ ॥ तं सोउं जाईसरणनायनियपुब्व-  
जम्मवुत्तंतो । जंपइ तए जमुत्तं काहं सबंपि तं किंतु ॥ ८ ॥ हरिए मए ममंवापिऊण जायं भविस्सइ दुहंतं । जेण न  
होहिंति प्हूणि ताणि नियपाणधरणस्स ॥ ९ ॥ तयणु नहयरनिवेणं कुमारकुसलपउत्तिकहणकए । तुम्हंतियम्मि पंन-  
त्तिदेवया पेसिया एत्थ ॥ १३१० ॥ एयं समहिट्ठिय सालिभंजियं कणयथंभयगाओ । अवयरिय मए कहिओ तुह  
सुयअवहरणवुत्तंतो ॥ ११ ॥ इय भणिऊणुच्छलिउं सट्ठणे सालिहंजिया पत्ता । अत्थाणजणो सबोवि विम्भिओ नरव-  
इप्पमुहो ॥ १२ ॥ जंपंति सबसामंतमंतिणो देव पेच्छ अच्छरियं । जं जंपंति सजीवारमणीओव रयणपडिमाओ  
॥ १३ ॥ देवोच्चिय पुन्नपयं जस्स सयं खेयरी ठिया बहुया । किं कामदुहा धेणू अभदनरगेहमल्लियइ ॥ १४ ॥ एवं  
जंपंताणं ताणं सो वासरो वइक्कंतो । माणियसुहनिदाणं झडित्ति रयणिवि अवसरिया ॥ १५ ॥ काऊण दिणयरोदय-

करणिञ्ज रइयरम्मासिंगारो । उवविसइ सहाए निवो नमंतसामतमन्तियणो ॥ १६ ॥ एत्थंतरे निलचलइयावलीरण-  
झणन्तकिंकिणिय । मणिकिरणभरियभुवणं विमाणविंदं समणुपत्तं ॥ १७ ॥ गयणंगणमुक्कविमाणचक्का नीहरिय नहरिय-  
निवेहिं । अणुगम्मतो सालयभुयल्लगो आगओ कुमरो ॥ १८ ॥ अत्थाणसन्निविट्ठं जणयं पणमइ महिमिलियमउली ।  
तेणावि गाढमालिगिऊणमापुच्छिओ कुसल ॥ १९ ॥ पुणरुत्त पणमिय भणइ ताव कुसलं तुहप्पसाएण । कयजणणिपय-  
एणइ उवविट्ठो पिउपयासन्ने ॥ १३२० ॥ सह नहराहिवइणा रना काऊणमुचियपडिवत्तिं । उववेसिओ निए सो  
मणिमयसीहासणद्धम्मि ॥ २१ ॥ सेसावि खयरपहुणो पणमिय दिन्नासणेसु उवविट्ठा । पण्याए बहुआए भव पुत्तवइत्ति  
भणइ निवो ॥ २२ ॥ तो सा पणमित्तु कुमारमायर वामपासमुवविट्ठा । सुयहरणाविणय रमसु राय इय भणइ खय-  
रयई ॥ २३ ॥ जइ न हरावेतो ह तणय ता सुया भरती मे । विहिओ मए अनाओ इमो सुयाजीवणनिमित्तं ॥ २४ ॥  
रायाह एस अनओ न होइ खयरिंद नणु इमा नीई । “समयाणुवत्तणं बहुगुण च ज सो नरिंदनओ” ॥ २५ ॥ खयरा-  
हिय बहुसुहमिच्छिरेहिं कट्ट सहिज्जाए थोव । किमणतसिवसुहत्थे कट्ट न कुणंति मुणिवसहा ॥ २६ ॥ विणओच्चिय एत्तो  
अविणओवि अहिय नरिंद तुह मन्ने । कन्ना तए विइन्ना जं मह भूगोयरसुयस्स ॥ २७ ॥ इय जंपिय सम्माणो तस्स  
कत्तो राइणा खयरपहुणो । परिवारजुयस्स जहा सविन्हओ सो द्विओ दूर ॥ २८ ॥ एवं नरवरसम्माणकरणसंजा-  
यसमहियसिणेहा । ठाऊण दिवसदुग सट्ठाणे खेयरा पत्ता ॥ २९ ॥ नवकतासजुत्तो विविहविणोएहिं कीलइ कुमारो ।  
उवविसइ य अत्थाणे पिउपासे उभयसइपि ॥ १३३० ॥ कइयावि परभवोचियसुकज्जकरणुज्जएण नरवइणा । गुरुरिद्धि-  
वित्थरेण कुमरो अहिसिंचिओ रज्जे ॥ ३१ ॥ तो मोहमल्लनामस्स सूरिणो पायपउममणुसरिउं । गहिया दिक्खा रना  
तविय तव सो सिव पत्तो ॥ ३२ ॥ नवनिवई वि नएण पालेइ पयं विणिग्गहइ दुट्ठे । समुवज्जइ विमलजसं कुणइ य

सद्धम्मकरियाओ ॥ ३३ ॥ कइयावि रणब्झणमाणकिंकिणीगणविमाणमारुहिउं । गंतुं मंदरुनंदीसरेसु सासयजिणे  
शुणइ ॥ ३४ ॥ सुहसिषिणसूइयसुयं कइयावि पसविया सुवणलच्छी । सुवणाभरणोत्ति कयं नामं सम्माणिय जणं  
से ॥ ३५ ॥ बालत्तमइकंतो गाहियवावत्तरीकलो कुमरो । अब्बुयुरूवातो विवाहितो रायकन्नातो ॥ ३६ ॥ समयं-  
तरम्मि रज्जे सुवणाभरणं निवेसिउं राया । विहियवओ वरनाणी होउं पत्तो महाणंदं ॥ ३७ ॥ नेवज्जेणं पूया जहा  
कया राइणा इमेण तहा । सासयसिवसुहकज्जे कज्जा अवरेणवि जणेण ॥ ३८ ॥ नैवेद्यपूजा ॥ ३९-

५ ५ ५ ५ ५ सुवणप्पमोयगनेवो कहिओ नेवज्जपूयमभिसरिउं । इण्हि तु वासपूयाए गंधंबंधुरकहं भणिमो ॥ ३९ ॥ ५ ५ ५ ५ ५

रम्मारासरोवरपुक्खरिणिविरायमाणचउपासं । वसुहासारं नयरं समत्थि चित्थिन्नपायारं ॥ ३४० ॥ नहस-  
न्निहफालिहगयणलग्गजिणहरसिरगमग्गठिओ । खणमेत्तं लक्खिज्जइ जम्मि रवी रयणकलसोव ॥ ४१ ॥ रयणियर-  
किरणसियकित्तिबंधुरो कित्तिबंधुरो नाम । फुरियप्पयावपसरो पयावइ अत्थि तत्थ पुरे ॥ ४२ ॥ धरणिधररइयसेवो  
जो विजयाणंदकारओ दूरं । अहिजाइकयविणासो चिरायए गरुडपक्खिज्ज ॥ ४३ ॥ सबुत्तमपत्ताहियच्छायापरमालिया  
सुहप्पसवा । लइयव्व कित्तिलइया समत्थि रन्नो महादेवी ॥ ४४ ॥ तीएत्थि तणुत्थसुगंधंधुरो गंधंबंधुरो नाम ।  
कुमरो अमरोवमरुवरम्मयारमणिमणहरणो ॥ ४५ ॥ सुकया सियवन्नधरं सिरं ववइ जो नियसरीरं । परमहसिय-  
गुणजुत्तं सुहमिव रयणाभरणजायं ॥ ४६ ॥ नरनाहमंडलेसरसामंतमहन्तमंतिपुत्तेहिं । समयं सेविजंतो कालं  
अइवाइइ कुमरो ॥ ४७ ॥ कइयावि नियप्पासायचंदसालागवक्खमल्लीणो । विविहविणोयक्खित्तो जा चिट्ठइ सह  
वयस्सेहिं ॥ ४८ ॥ ताव सहसत्ति एणो कीरो नियपक्खनीलकन्तीए । हरियालीकलियंमिव नहं कुणंतो समणुपत्तो ॥ ४९ ॥

अच्छरिय जणयन्तो जणरस कुमरफमे नमेउ सो । मधुरगिर पयडक्खरमेवं विन्नविउमारद्धो ॥ १३५० ॥ आरामाहिय-  
वासो रायसुओ रत्तवयणविन्नासो । तुममिव कुमर अहपि हु तेणाह त समलीणो ॥ ५१ ॥ ता आयन्नसु कजेणमागतो  
जेण विन्नयेमि तय । निक्कजाओ पवितीओ हुति जइवा न सवणाण ॥ ५२ ॥ त सोऊण पयंपइ कुमरो कीराहिराय  
उवविसिउ । रयणासणन्मि साहसु तो सो उवविसिय साहेइ ॥ ५३ ॥ अत्थिरयाहियतुरय अत्थिरयाहियसुवन्न-  
वरदाण । अत्थिरयाहियजणं उदयाणंदाभिह नयर ॥ ५४ ॥ तस्मि नमिरनेसरसिरसोणमणिप्पहापिसगपओ । उदि-  
यप्पयावराया समत्थि वित्थरियजसपसरो ॥ ५५ ॥ सच्छप्पयई कालुस्सहारिणी सारसोहसज्जाता । उदयावलिध  
उदयावली पिया अत्थि नरवइणो ॥ ५६ ॥ विलसंतविलसत्ताकयसयवत्तालिचक्खसलोहा । उदयस्सिरिति उदय-  
स्सिरिष तीए समत्थि सुया ॥ ५७ ॥ सरलसहावा नियनासियच्च सिहणस्सिरिष सुपविता । दूर रत्त अहर व धरइ  
जा वयणविन्नास ॥ ५८ ॥ निरुवमरुव कमणीयजोषण तं समगसोहरा । अवलोइउ जुवाणा वहति दूर मणुस्मायं  
॥ ५९ ॥ दद्वूण तट्टहरिणच्छिपेच्छिय तीए नीइनिउणा वि । मुणिणोवि अणप्पवसा हवन्ति कि निव्विवेयातो  
॥ १३६० ॥ कइयावि सा सहीयणसहिया सिंगारगारवग्घविया । आरुहिय कणयमणिमयसुहासणं चलिरसियचमरा  
॥ ६१ ॥ मुत्तावचूलविलसतलत्तत्तरियतरणिकरपसरा । सहयारसारमुज्जाणमागया कीलिउ बाला ॥ ६२ ॥ परि-  
पक्कमुट्टदाडिमवीयावल्लिनिद्धदन्तपतीहि । हसइच्च ज नेरसरसुयासमागमणतोसेण ॥ ६३ ॥ विलसतकुमुमलइयासिय-  
कलियाचक्कवालकलिय जं । कुमरीसगवसुहसियपुलयपन्भारभरियव ॥ ६४ ॥ अवयवणकयलीहरदक्खामडवमणोभि-  
रामंमि । तंमि पविठ्ठा वहुकुसुमपरिमलन्भमिरभमरमि ॥ ६५ ॥ पेच्छइ अतुच्छअच्छरियकारयं नरमुहं मऊर सा ।  
विलसिरसुतारचदयविरायमाणं नहयलंछ ॥ ६६ ॥ मुत्तावलइयभरगयकुडलकरच्छुरियनिम्मलक्खोल । चट्ठणमयणा-

हीरेहरइयबहुभंगिपतंव ॥ ६७ ॥ भमरउलकालकुंतलधम्मिहुल्लसियसियकुसुममालं । सामचउदसिनिसिदिसिस्सविमलय-  
णीयरकलंव ॥ ६८ ॥ दहुं कुमरिं नियचरणचारुसंचारणिरिघग्घरिओ । गंतूण संमुहो भणइ कुमरि तुह सागयं एत्थ  
॥ ६९ ॥ एहि इहं च वणंतो कयलीहरए सद्दक्खमंडवए । उवविसिउं आयन्नसु जं किपि अहं तुह कहेमि ॥ १३७० ॥  
तं अवलोइय अच्चन्सुएक्कहेउं सहीउ सा भणइ । कोऊहलमवलोयह जमिमो दीसइ नरमऊरो ॥ ७१ ॥ तह वाहरइ  
सविणयं मं किपि हु मज्झ कहिउमिच्छन्तो । ता तं आयन्नेमो उववसिउं साहए जमिमो ॥ ७२ ॥ जंपंति ताउ सामिणि  
तुम्हाऽऽणच्चिय पमाणमंम्हाण । कल्लेसु समग्गेसु वि किं पुण एवंविहच्छरिए ॥ ७३ ॥ तं सोउं सुक्खुहासणावि कुमरी  
सुहासणे ठाइ । उवविट्ठासु सहीसुं कहिउं लग्गो नरमऊरो ॥ ७४ ॥ अत्थि गरिट्सुरट्ठाविसिद्ववसुहावयंसंकासं ।  
वसुहावयंसयं नाम नयरमइरम्मरमणियणं ॥ ७५ ॥ रयणावयंसयनिवो तं पालइ जो रणागयंपि रिउं । अस्सत्थ-  
मुभयहाविहु मुंचइ अस्सत्थमवि सदओ ॥ ७६ ॥ तत्थ निवमाणणिज्जो पुल्लो पउराण पउरगुणभवणं । दीहरदिट्ठी सेट्ठी  
निवसइ नयवज्झणो नाम ॥ ७७ ॥ तस्सत्थि भाइपुत्तो सुरुववंतो धणावहो नाम । उवरयजणउत्ति करेइ तस्स  
गुरुगोरवं सेट्ठी ॥ ७८ ॥ मुत्तूण नियंगरुहे वियरइ वत्थाइ तस्स परमं से । अहव “गुरुयासयाणं अत्पपरवियारणा  
नत्थि” ॥ ७९ ॥ परिणाविओ य उम्मीलमाणनवजोव्वणाभिरामतणुं । धणसेट्ठिसुयं नामेण धणवइं सीलकुलभवणं  
॥ १३८० ॥ कइयावि हु असुहोदयवसओ सो सेट्ठिमाह मह ताय । वियरसु घरस्सिरीए अद्धं भिन्नो भविस्समहं  
॥ ८१ ॥ तं सोऊण पयंपइ सेट्ठी किं वच्छ एवमुल्लवसि । तं मोत्तुं को अंनो घरस्सिरीसामिओ कहसु ॥ ८२ ॥  
अच्चन्सुयभोयअमाणदाणकल्ले धणवयं कुणसु । अणुकल्लमि मए वच्छ तुज्झ को नाम पडिक्कलो ॥ ८३ ॥ अवरं च  
तमेगागी पडिवालसु जाव पुत्तंउत्पत्तिं । नूणं जं न मुणेमो वियंभियं विहिवालासस्स ॥ ८४ ॥ इय जंपिओवि न सुयइ

कुगाह तयणु ससुरयस्सवि । न कुणइ भणियसजोगाणहवा कत्तो गुणाहाण ॥ ८५ ॥ तो एगते कंताए जपिओ नाह  
एव किं भणसि । मा पेच्छसु अच्छीहिं हियाण सुदीहमिक्खेसु ॥ ८६ ॥ निधित सपज्जइ संधंपि ठियाण गुरुसमीवमि ।  
लवणंपि सचिंताए भविही भिन्नद्वियाण पुणो ॥ ८७ ॥ कस्सइ पुत्रेण इमा लच्छी उल्लसइ नज्जइ न एय । ता का  
नाम कुबुद्धी तुम्हाणं भवह ज भिन्ना ॥ ८८ ॥ इय तीउत्तो जपइ तुच्छमई त न पेच्छसि किमेय । अहमेगागी एय  
गरुयकुडुन सिरी जाइ ॥ ८९ ॥ इय जपिय सेट्टिसयासओ सिरिं विभइउ ठिओ भिन्नो । काराविय च गरुय  
सिभूमिय तेण धवलहर ॥ ९० ॥ पारब्बो ववहरिउ जलथलमगेसु भूरिदविणे स । बुद्धिनिमित्तं दित्तो दव पडुयाइवी  
न लेइ ॥ ९१ ॥ तुरयाळो माऊलत्तअतरियतरणिसतावो । हिंडइ वणिउत्तवूहावेडिओ रम्मासंगारो ॥ ९२ ॥ नो  
सयणाण न भित्ताण नेव लिंगीण जायगाणवि नो । वियरइ कस्सइ किपि हु दिंतिं दइयपि वारेइ ॥ ९३ ॥ कूडव-  
वहारेहि हत्थ चिय वच्छ गच्छिही लच्छी । इय सेट्टिपउत्तो भणइ ताय सगिहं विचित्तो ॥ ९४ ॥ गहियघणाओ  
लोगोवि किपि से देइ सेट्टिल्लाए । “दूरे गुरुण आणा तेसिं लज्जावि सिरिजणी” ॥ ९५ ॥ देव(व)वसेण कालकस्मेण  
पचत्तमुवगओ सेट्टी । पच्छा सो निस्सको अहियअरे कुणइ ववहारे ॥ ९६ ॥ अह तस्स असुहवसओ सिरी समग्गवि  
नासिउ लग्गा । मगिज्जतो लोगो दुवयणे देइ नो दव ॥ ९७ ॥ देसतरेसु वि ठिया वणिउत्ता जायभूरिधणलाहा । विट्ठावि  
लोहिउमल लच्छी किं नो सहत्यगया ॥ ९८ ॥ सो निक्खिणिही नूणं दाहइ न कयाइ म सुपत्ताण । इय मीयव  
सिरी भिन्नपवहणा सायरे मग्गा ॥ ९९ ॥ देइ न कणपि कस्सइ एसो वहुधन्नसगहपरोवि । इय भाविअ कुविएणव  
दड्ढा जल्लेण कोट्टारा ॥ १०० ॥ नवि जाओ नयभोगो किमस्स ता निरुवयारिदविणेण । इय चित्तिज्जणव तय  
नीय एत्तेण चोरेहि ॥ १ ॥ इगालयिय जाया घणे निहाणीकए कुकम्मवसा । अवरदविणज्जणासा कुओ करत्थे विण-



स्सन्ते ॥ २ ॥ सयमवि दिन्नं न लहइ जणाओ कत्तो कलंतरधणं सो । “उयरद्वियतणयासा का अंगुलिलगसुयमरणे”  
॥ ३ ॥ मगियजणीयाइं न मगमाणोवि लहइ रित्थाइं । नियवथुंपि न लब्भइ जत्थ कहिं तत्थ परवत्थुं ॥ ४ ॥  
ससुरेणावि विइन्नं बहुवाराओ धणं तंयपि गयं । “पत्तावि सिरी झिज्जइ नूणमकल्लाणकलियाण” ॥ ५ ॥ किं बहुणा  
संजायं दब्बं सबंपि से कहासेसं । तो द्हुं सीयंतं कंतं कंता विहियविणया ॥ ६ ॥ उल्लवइ दइय तइया न कयं कस्सावि  
जंपियं तुमए । जइवा दइवाभिहयाण होइ एवंविहकुबुद्धी ॥ ७ ॥ इय जंपिऊण तीए ववहारकए समप्पियं पइणो ।  
निययाभरणं अहवा “पइभत्ता होइ कुलकंता” ॥ ८ ॥ तंपि हु कइवि हु दिवसेहिं पेसियं तेण पुब्वधणमणे । अहवा जं जं  
खिप्पइ हुयासणो दहइ तं तंपि ॥ ९ ॥ पच्छारच्छाइंवि विक्किऊण भुत्ताइं तेण सबाइं । आयविहूणे वित्ते वइज्जमाणे  
कुओ रिद्धी ॥ १४१० ॥ घरहट्टोवरि गहिऊण कंचणे भक्खियंसि तेसिंपि । मुक्को अहव अभग्गण जाइ पिउदिन्न-  
मवि रल्लं ॥ ११ ॥ जेसिं देयं दब्बं न तेसि पासाउ लहइ अवरत्थ । गंतुं तो तत्थेवय निवसइ अचंतदोगच्चो ॥ १२ ॥  
जो वसिओ धवलहरे विचित्तचित्ते तिभूमिए सययं । सो वसइ ताव जलसीयधूमिओ जलकुडीरम्मि ॥ १३ ॥ जो  
मंदपवणपरितरलसिक्किरिच्छायमस्सिओ भमिओ । विक्कयकजे सो भमइ कट्टहारकयच्छाओ ॥ १४ ॥ जो संसुत्तो  
दोलाचलंतपल्लंकतूलियासु सया । सो सुयइ दब्भसत्थरयमुवगओ बाहुउवहाणो ॥ १५ ॥ पडिजदंवरहेहिं सिंगारो  
जेण सबया विहिओ । बहुछिइडंडियाइं परिहइ सो मलिणवत्थाइं ॥ १६ ॥ जो गरुयतुरंगसुहासणेसु आरुहिय सबया  
भमिओ । परिणडइ फुडणखंजंतपयजुत्तो सोणुवाहणओ ॥ १७ ॥ नवरं इस्सरियम्मिव दारिदेवि हु पिया न तं सुयइ ।  
“उदयक्खएसु दइए समचित्ताओ सईउ सया” ॥ १८ ॥ अइसुहिओ होउं सो अचंतं दुहभरं समणुहवइ । पाविय संपुन्न-  
सिरी किं खंडिजइ नय मयंको ॥ १९ ॥ समयंतरम्मि कम्मवि वीवाहे सेट्ठिपुत्तकन्नाए । पारद्धे नयरजणो निमंतिओ

भोयणनिमित्त ॥ १४२० ॥ सो चित्तइ अज्ज निमतण इहगच्छिही अओ मज्झ । वत्तणकज्जे जुज्झइ राडाइआह-  
रणगमण नो ॥ २१ ॥ गेहेधिय अच्छिस्स जमिह निमंतयनरो खडफुडिही । इय चितंतो तत्थ ट्ठिओ दिणप्पहर-  
जुयल जा ॥ २२ ॥ मज्झंदिणेवि जाए जा को वि न से निमंतओ पत्तो । ता परिभावइ एव नाह नाओ गिह्ठि-  
ओत्ति ॥ २३ ॥ ता जामि तत्थ सयमवि नियघरगमणम्मि मज्झ का लज्जा । अगयस्स पुणो सयणा लहु रुसिस्सति  
जा जीव ॥ २४ ॥ इय फट्ठियं कत्ताए सा जपइ नाह मोहमूढोसि । धणिणो सद्योयेरेवि दरिदिणा किं न लज्जन्ति  
॥ २५ ॥ नाह कुचेलोत्ति दरिदिओत्ति घवहारकरणअखमोत्ति । न निमतिओ धुवं कुणसु नियमणे मा तुमं भंति  
॥ २६ ॥ न कयाइ मज्झ भणियं तए कय कुणसु सपयपि तुम । ज पडिहाइ मणे तं जइ जपिय सा ठिया मोणे  
॥ २७ ॥ इय सगयपि भणिर्दि अवगंनिय त गओ स वीवाहे । “अहव हियाहियविसये कुओ विवेओ जडमईणं”  
॥ २८ ॥ अब्भुक्खणभासाणउववेसणपायसोहणप्पमुहं । विरइज्जंति पेच्छइ पडिवत्ति ईसरजणस्स ॥ २९ ॥ तवो-  
लकरे विरइयविलेवणे पत्तपट्टउयवत्थे । सुसुत्तरे पलोयइ निगच्छन्ते धणट्टनरे ॥ ३० ॥ अब्भुक्खणपि न लहइ आस-  
णयसोयणाइ कत्तो सो । तो तवकडाहिलेणब्भुक्खिय धोयए पाए ॥ ३१ ॥ उवविट्ठो पडिवालइ आमत्तणमत्तणो  
निरिक्खइ य । चाहरिय गोरवेणं भोइज्जंतं परजणपि ॥ ३२ ॥ विहिय अदिस्सीकरणेव तम्मि दिट्ठिपि न खिपए  
कोवि । दूरे चिट्ठ पक्क न वज्जणप्पमुहभोजं से ॥ ३३ ॥ तस्स तह सठियस्सवि दिणमद्धप्पहरसेसय जाय । भोज्जत्थे  
निवसन्ति पेच्छइ पज्जतपत्ति सो ॥ ३४ ॥ चित्तइ य कि अवन्ना इमाणमहवाउलत्तमच्चत । जं मह नियडा भोयणकज्जे  
नीया न चैव अहं ॥ ३५ ॥ ता जामि सममिमेहिं भुजामि निए गिहंमि का लज्जा । एवं परिभावन्तो पत्तो नर-  
पंतिमज्झंमि ॥ ३६ ॥ दोपासरुंदभदासणोवविट्ठाण ईसरनराण । मज्झे उवविट्ठो गहियभायणो विट्ठरे नीए ॥ ३७ ॥

पित्तलपडिगहद्विगुरुपरियलजुयलमिलणअंतरियं । भूमिगयभायणं से नयणणमगोयरं जायं ॥ ३८ ॥ खज्जूरद-  
क्खदाडिमअंबयखारक्कसकराईयं । दिन्नं अन्नाण से भायणं दिहं ॥ ३९ ॥ तह सालिसूवसालणयसप्पि-  
पक्कन्नपेयपमुहाण । किंपि न क्खत्तं अहिस्सभूमितलमुक्कथाले से ॥ १४४० ॥ दट्ठुण दहिविमिस्सं भुजंतो फुरियगरुय-  
अवमाणो । सिरइयभायणो तेसिमगओ नच्चिरो पढइ ॥ ४१ ॥ “हे दारिद्व नमस्तुभ्यं सिद्धोऽहं त्वत्प्रसादतः । जग-  
त्पश्यामि चेनाहं न मां पश्यति कश्चन” ॥ ४२ ॥ एए मह जणयसहोयरस्स पुत्तत्ति भायरो मज्झ । भाउलायाउ इमाउ  
भाइण्णिजा इमे सबे ॥ ४३ ॥ जह मंततंतविज्जाइएहिं सिद्धा हवन्ति अदिस्सा । जाणह तहा ममंप्पि हु नूणं दारिद-  
सिद्धोत्ति ॥ ४४ ॥ जइ होमि न सिद्धोहं ता दिट्ठो किं निएहिं वि इमेहिं । सयणेहिं सबेहिं वि भोयणकरणोवविट्ठोवि  
॥ ४५ ॥ सोजंनं सुहिभावं सयणत्तं परिचयं च दक्खिन्नं । कुणइ धण्णुण समं दरिदिणा नेव सब्बजणो ॥ ४६ ॥  
जे भोयणवत्थाइववहारे काउमक्खमा नूणं । जह मह तह अन्नाणवि न कीरए कावि पडिवत्ती ॥ ४७ ॥ सुद्धा जाई  
सबुत्तमं कुलं निम्मला कलाओवि । धणरहियाण न किंचिवि जेणेरिसं भणियं ॥ ४८ ॥ “जाई कुलं कलाओ  
तिन्निवि पविसंतु कंदरे विवरे । अत्थोच्चिय परिवड्डु जेण गुणा पायडा हुंति” ॥ ४९ ॥ केणावि कारणेणं न इमेहिं  
पलोइतो इय भणंतो । नीहरिं सो अवमाणदूमिओ नियगिहं पत्तो ॥ १४५० ॥ पिय मइ वारंतीएवि न ट्ठिओ ता एत्ति-  
यस्स जोगो तं । इय जंपिरीए भज्जाए भोइओ सीयरबाइ ॥ ५१ ॥ दारिदेणं दूरं दूमिजंतस्स तस्स वच्चन्ति । दिवसा  
विसायवसयस्स अन्नया सो गओ रत्ते ॥ ५२ ॥ पेच्छइ य तरुळायाए संनिविट्ठे मुणीसरे संते । सिद्धंतसुंदरक्खे  
दक्खे सिक्खाए साहूण ॥ ५३ ॥ जे समयगंथा इव सहंति आथारवाणसमवाया । विन्नाया धम्मकहापणहवायर-  
परमाया ॥ ५४ ॥ धणनाससयणपरिहवदुस्सहदोगच्चदूमियगणो सो । ते दट्ठुण सुहोदयवसओ तेसिं गतो पासं ॥ ५५ ॥

भक्तिभरनिम्भरगो पणसिय पयकमलमिलियभालयलो । उवविट्ठो जपइ पढु गिहिजोगं कहइ मह धम्मं ॥ ५६ ॥  
आह पढू आयत्तसु नारयतेरिच्छनरसुरविभेया । भवइ भवो चउभेओ दुहमेवय चउसुवि गईसु ॥ ५७ ॥ पाणि-  
वहप्पमुहमहापावा निवडति पाणिणेनेगे । नरएसु तेसु वि सहति वेयणं विरसमारसिरा ॥ ५८ ॥ तिरियनरभवंतरिया  
पुणरुत्तणुभूयसधनरयदुहा । दहुसो वि तिरिच्छते सहन्ति समुवज्जिऊण दुह ॥ ५९ ॥ सासयविरोहवहवाहदो-  
हमसासिमारणाईणि । असुहाइं समणुहविऊण केवि अज्जति मणुयत्तं ॥ १४६० ॥ तस्मि वि धम्मविरहिया दीणा दारिद-  
दुहभरफत्ता । विहलीहूयमणोरहमाला परिभवपयं हुंति ॥ ६१ ॥ देवावि परप्पेसत्तदुसहईसाविसायवियलगा । अत्ता-  
णामकयसुकय निंदंता दुहमणुहवति ॥ ६२ ॥ एव पावंति सुह न गइचउकेवि धम्मपरिहीणा । घणवज्जियच्च विवणीए  
नियमणोभिमयवरवत्थु ॥ ६३ ॥ ता धम्मोच्चिय कज्जो दुविहो सो साहुगिहिविभेयहिं । पढमे वसेव भेया भेया  
वीयम्मि धारस उ ॥ ६४ ॥ समत्तजुया दोन्निवि दिति सिव तपि मुणसु समत्त । गयरायदेव-निगयसुगुरुनवतत्तस-  
इहणा ॥ ६५ ॥ एगयरपि असत्तो घम कांडं करेइ भावेणं । अट्ठपयारपूय जिणाण ज सा वि सिवजणणी ॥ ६६ ॥  
नेवज्जुसुमअक्खयदीवयफलसालिधूववासेहिं । इय अट्ठविहा पूया कया जिणिंदाण भवहरणी ॥ ६७ ॥ अट्ठवि काड-  
मसत्तो सत्तो जइ कुणइ वासपूयंपि । तिल्येसरस्स ता जाइ तस्स पावं जओ भणियं ॥ ६८ ॥ घणसारहरिणनाही-  
सुयंधवरवासलेयपूयमिसा । जिणपवणसगमेणव पावरयं दूरयुइइ ॥ ६९ ॥ ता धम्मसील पत्तं मणुयत्तं मा मुहा तुमं  
नेसु । समुवज्जसु वासेहिंवि पूइत्तु जिणं परमपुनं ॥ १४७० ॥ इय सोवं सो सद्धम्मदेसणं सूरिणो नमिय भणइ । पढु  
मह महापसाओ कओ इम साहिउ धम्मं ॥ ७१ ॥ नूण निरीहा तुब्भे परोवयारेक्खद्धवावारा । जं मह दरिदियस्सवि  
एव धम्म समाइसह ॥ ७२ ॥ इय जंपिय पणयगुरु गहियतणाई गओ गिहे नियए । कहिओ य भारियाए पूयाफल-

सवणवुत्ततो ॥ ७३ ॥ तीउत्तमहम्मफलं पिय तुह सबं पि कुणसु तां धम्मं । जेण न भवंतरेवि हु विडंवणा एरिसी होइ ॥ ७४ ॥ तेणुत्तमिं काहं जंपेदं गंधियावणम्मि गओ । तेण भारयमुल्लेणं गहिया सबुत्तमा वासा ॥ ७५ ॥ तत्तो हियब्भन्तरवियंभिओद्दामभत्तिपवभारो । जिणमंदिरंमि चलिओ रयणमए तम्मि पत्तो य ॥ ७६ ॥ सच्छाकालिहदी-  
हरदंडेनिलपसरिया सियवडाया । जम्मि सुरेहिंवि नज्जइ सविम्हयं गयणंगंघ ॥ ७७ ॥ कंकलितमालवणेसु जरस पविसंति रयणकरदंडा । रागदोसवणारयणमुक्कजिणरायवाणघ ॥ ७८ ॥ तो सो पहिद्विचित्तो तम्मि पविट्ठो विसिट्ठ-  
जिणभवणे । उवस्तन्तकन्तरूवं अवलोयइ उसहजिणनाहं ॥ ७९ ॥ तो विण्णुंतवहुमाणपसरवसपुलयकलियतणुजट्ठी । आणंदंसुजलभरपक्खालियवयणवच्छयलो ॥ १४८० ॥ उल्लसियमणो वियसन्तलोयणो कुणइ सुरहिवासेहिं । पूयं पहुणो नियज्जम्मसहलयं मन्नमाणो सो ॥ ८१ ॥ असरिसवहुमाणवसो पुणरुत्तं भूमितलमिलियभालो । पणमिय पलोइय चिरं जिणेसरं आगतो सगिहे ॥ ८२ ॥ कहियं पियाए वासेहि जिणवरो पूइओत्ति तो सावि । वंधइ अणुवमपुत्रं पसंस-  
माणी इमं अहं ॥ ८३ ॥ कइयावि दोवि निययाउअंतमणुसरिय मरिय जायाइं । अमरत्तेणं आरणकण्णे सुरायसरि-  
साइं ॥ ८४ ॥ एगवीससागराइं सुत्तं सुरलोयलच्छिविच्छइं । सिद्धाययणजिणचणकरणजियसुकयसंभारा ॥ ८५ ॥  
चविय तओ वसुहासारपट्टणे कित्तिवंधुरनिवस्स । जाओ धणावहसुरो पुत्तो असमाणगुणजुत्तो ॥ ८६ ॥ धणवइ-  
अमरोवि पुणो उदयाणंदे पुरम्मि उप्पन्ना । उदियग्गयावरत्तो कन्ना उदयसिसरी नाम ॥ ८७ ॥ हुंतो हं पुबभवे तुह  
जणओ मरिय नारसमकण्णे । वावीससायराऊ संजाओ भासुरो अमरो ॥ ८८ ॥ तं जोवणमाणुपत्ता पत्ता कीलाकए-  
इहुज्जाणे । पुद्दविदेहा वलिओ वंदिय जंगमजिणिंदे हं ॥ ८९ ॥ मह दिट्ठिपहे पत्ता उल्लसिओ पुद्दभवभवो नेहो ।  
नाया य ओहिणा पुबभवसुया तं तओ ज्ञत्ति ॥ १४९० ॥ कयनरमऊरूवेण एत्थ उववेसिउं माए कुमरि । तुह पुवभवा

दोन्निवि कहिया नियभवदुगेण सम ॥ ९१ ॥ त सोउ कुमरी जाइसरणसच्चवियपुधभवचरिया । सिरिगंधधुरम्मि  
 अणुरत्ता पुधभवदइए ॥ ९२ ॥ तो इत्ति नरमजरो चळकुडलहारकठकयसोहो । जाओ अमरो वहुरविपयावप-  
 न्मारदुत्तिरिक्खो ॥ ९३ ॥ तो सा कयप्पणामा पूयइ त सुरहिपरभवत्थुहि । “इयरम्मि वि कुलवाला विणयवई किन्न  
 जणयमि” ॥ ९४ ॥ जपइ य ताय तुमए जह कहिय तह मएवि सच्चविय । पुधभवहुगचरियं सिविणे दिवसाणुभूयं व  
 ॥ ९५ ॥ ता तुमए सह कहिओ जो पुधभवुब्भवो पिओ कुमरो । इण्हिपि तं चरिस्स “सईओ न नरतरमईओ” ॥ ९६ ॥  
 आह सुरो रिद्धीकरी पूया अणुमोइयावि तुह जाया । फलइ बहु येवपिहु वीय वविय सुभूमीए ॥ ९७ ॥ तो विट्ठपच्चया  
 त करेज धम्मज्जम सया वच्छे । “निच्छइए कल्लणे न पमाओ जुलए जइवा” ॥ ९८ ॥ एव धम्मवएस्स दाउ सहसा  
 तिरोहिओ तियसो । कुमरी वि गधवधुरकुमरे रत्ता गया सणिहे ॥ ९९ ॥ न सुणइ छुहं न पावइ निइ न वियाणए  
 तिस थाला । जलणजालजलियव विरहविहुरा बहइ देह ॥ १०० ॥ मन्नइ वीयव सा चित्तसालियं सुम्भुरंपिव सुणालं ।  
 आभरण दुम्भरणव पावपूर व कप्पूर ॥ १ ॥ एयमवत्थ कुमरिं दहूण सहीओ तीए नरवइणो । साहिति पुधभवभवद-  
 इए रत्ता तुह सुयत्ति ॥ २ ॥ नाऊण निवेणवि सहिमुहेण दुहियाए पुधभवदइय । कन्नपि जाणिउ पियविओयसहणा-  
 सह दूर ॥ ३ ॥ तवेलच्चिय मडलियमतिसामथाइसजुत्ता । बलकलिया पट्टविया संयंरा कन्नया तुज्झ ॥ ४ ॥ तीए  
 अह सत्थकहाकधविणोएसु सधया सच्चिवो । तो त मोयावेउ व बद्धाविउमिह पत्तो ॥ ५ ॥ चउपचदिवसमज्जे सावि दु  
 तुह पुधभवपिया एही । इय विन्नविउ कुमर कीरो मोण समझीणो ॥ ६ ॥ त सोउ जाईसरणनायनियपुधभवदुगो  
 कुमरो । कुमरिं पइ जायदढाणुरायवसपरवसो जाओ ॥ ७ ॥ विंत्तइ तइया दइया निच्चपि द्विय पयपमाणीवि । न  
 मए तिणव गणिया अहो अहकारमूदेण ॥ ८ ॥ दुइत्तोवि दरिदोवि दुम्भुहोवि दु सईए तीए अहं । ईसरसेट्टिसुयाएवि

पुत्रभवे नेव परिहरिओ ॥ ९ ॥ ताहमवि पुत्रभवभवकतं मोतुं न काहमन्नर्पियं । रंजिजइ इहभविएवि किं न परभवभवे-  
रत्ते ॥ १५१० ॥ इय परिभाविय विजावणठ नियमुदियाउ कीरसा । निक्खिवइ चरणजुयले कंठमि पुणो रयणकड्यं  
॥ ११ ॥ भणइय कीर तुमं उभयहावि सउणो कहेसि कल्लणं । नहि निग्गुणण एवंरुवपवित्ती हवइ नियमा ॥ १२ ॥  
ता तं गंतुं कुमरीए कहसु कीरेस इय मह पइन्नं । तीए जहा संपज्जइ मह विसए मणसमाहाणं ॥ १३ ॥ आएसोत्ति  
भणिता तयणु सुओ उड्डिऊण संपत्तो । कुमरीपासे सोऊण तं ठिया सावि संतुहा ॥ १४ ॥ कुमरवयंसेहिं इमं संबंषि हु  
साहियं नरिंदस्स । तं सोउं तेणुत्तं किमजुत्तमिम्मि कल्लणे ॥ १५ ॥ जं गुरुयरायकुमरी सयंवरा एइ गुरुनिवसुयस्स ।  
इहभवभववावि किं पुण भवन्तरुपत्तअणुराया ॥ १६ ॥ इय जंपिय कारविया पुरसोहा राइणा पहिडेण । मोतुं वीवाहमहं  
गिहीण परमूसवो नन्नो ॥ १७ ॥ पच्चोणीए तीए पेसइ सामन्तमंतिमंडलिए । “गोरवमियरेवि गुरु विरयइ किं नोणुरायपरे”  
॥ १८ ॥ आवासदाणसम्माणकरणसमुहपसागयं तीसे । विहियमियरोवि अतिहि पुज्जो किं पुण नरिंदसुया ॥ १९ ॥  
उत्तमलग्गे कुमरो कुमरिं वीवाहिओ नरिंदेण । कुलवुड्डिकरे कल्ले किं कोइ पमायमायइ ॥ १५२० ॥ तीए सह विसय  
सोक्खं माणइ कुणइ य सुयम्मकम्मं सो । इहलोइयपरलोइयकल्लेसु समुज्जया गरुया ॥ २१ ॥ समयंतरम्मि कम्मिबि  
कुमरं रज्जंमि ठविय नरनाहो । कयपवज्जो संजायकेवलो मोक्खमणुपत्तो ॥ २२ ॥ नवनिवई नीईए पालइ रज्जं अभि-  
द्वइ दुडे । सिंहे पूयइ मन्नइ महायणं गुणिगुणे शुणइ ॥ २३ ॥ एवं निरवज्जसरज्जकल्लकरणुज्जयस्स नरवइणो ।  
जंति दिणाइं दिणमणिकरभरसरिसध्यावस्स ॥ २४ ॥ जाओ कयाइ देवीए तीए सुहलक्खणो सुओ तस्स । काउं  
वद्धावणयं नामं गुणवंधुरोत्ति कयं ॥ २५ ॥ लालिजंतो धाईहिं वड्ढिओ जाव पंचवरिसाइं । परिपाढिओ य अज्झा-  
वएहिं सबाउ वि कलाओ ॥ २६ ॥ पत्तो य जोव्वणं तरुणकामिणी नयणमणहरं रंता । परिणाविओ नरिंदण रम्मरूवाओ

कनाओ ॥ २७ ॥ ददु त रत्नमहाभरधरणसमत्थमुत्तमे लग्ने । अहिसिचइ नियजे राया सिद्धिपवधेण ॥ २८ ॥  
फाराचिऊण जिणइमदिगाइं निरिंदरुदाइ । सूरीहि पइट्ठाविय मणिमयतिथेसरे तेसु ॥ २९ ॥ सिद्धंतपोत्थयाइ लिहा-  
विउ पूइउ च सिरिसघ । घोसाविउ अमारिं मोयाविय सवगुत्तिनरे ॥ १५३० ॥ आरुहिय रयणसिविय दिंतो दाणाइ  
दीणदुत्थाण । गुरुरिद्धोए गतूण सुगुरुपासमि पवइओ ॥ ३१ ॥ अहिगयसुयसव्भावा पाउब्भूयप्पभूयसवेगो । निम्भू-  
उम्भूलियघाइकम्भवसपत्तनवनाणो ॥ ३२ ॥ महुस्सरसहेसणपडिचोहियभूरिसवसघाओ । सपत्तो सो सासयसोक्ख-  
समिद्धीए सिद्धीण ॥ ३३ ॥ ण्यस्स वासपूया जह जाया सिद्धिसोक्खसज्जणी । तह अन्नस्सवि जायइ जइयव ता सया  
तीए ॥ ३४ ॥ ऋ वासपूजा ऋ ॥ इय तिहुयणसामिअणन्तनाहकहियम्मि अट्ठपूयफले । बहुमाणपसअकलिओ कयंवपरिमल  
मदीनाहो ॥ ३५ ॥ ॥ इति श्रीअनतनाथचरित्रगतपूजाष्टककथानकानि । समाप्तोय ग्रन्थः ॥ श्रीस्तु ॥ शुभ भवतु ॥  
॥ भीः ॥ यादश पुस्तक वीर्य तादृश लिखित मया ॥ हीनाधिक्यैः स्वरैर्वर्णैरस्माक दूषण नहि ॥ १ ॥ \* \* ॥

धम्मधत्तद्धरणमहावराहजिणचदसुरिसिस्साण । सिरिअम्मएवसूरीण पायपकयपरेणेह ॥ १ ॥ सिरिविजयसेणगणहर-  
कणिट्ठजसदेवसूरिजेट्ठेहि । सिरिनेमिचंदसूरीहि भवलोओवएसट्ठा ॥ २ ॥ सयमेव कयाउ अणतसामिजिणरायचारु-  
चरियाउ । पूयट्ठगमुद्धरिय त नदउ तिहुयण जा उ ॥ ३ ॥ पच्चकत्तरगणणाए सिलोगमाणेनेत्थ जायाइ । पूयट्ठगम्मि  
सयरीसमहियअट्ठारससयाइ ॥ ४ ॥ छ ॥ ग्रथाप्र १८७० ॥ छ ॥ श्रीः ॥ \* ॥ ॥ श्रीः ॥ \* ॥ ॥



## संपादकीय निवेदन

अनंत कल्याणकारी श्री अनंतनाथप्रभु प्रसादित अतिसुन्दर कथाओंसे युक्त श्री पूजाष्टक वाचकोंके करकमलोंमें समर्पण करते अति आनंद होता है, इस चरित्रकी प्रेसकापी संवत् १९९४ में सूरत में ही तैयार हो चुकी थी, परंतु प्रकाशित करनेका सौभाग्य तो इस वर्ष पंन्यासप्रवर श्री सुमति विजयजी गणित्यादिकी प्रेरणा द्वारा इन गृहस्थोंने प्राप्त किया है,

सहायक नाम	सुकास	नकल	सहायक नाम	सुकास	नकल
शाह रायचंद गुलाबचंद	अच्छारी	२००	शाह धनजी ज्वेरभाइ	वापी	२२
" दलाजी जेताजी	कोपरली	१२५	" नगीनचंद धूलाजी	"	२५
" धनराज खीमचंद	वापी	१२०	" रायचंद प्रागजी	"	२५
" रायचंद हरखचंद	"	१००	" पूनमचंद वीरचंद	"	२५
" छगनलाल प्रेमचंद	"	५१	विद्वान् वाचक और व्याख्याता इस ग्रंथरत्नसे अनंतलाभ		
" कस्तुरचंद धनाजी	अच्छारी	५१	उठावें इति शम्		
" मगनीराम रामसुख	वापी	५०			
" हरखचंद वालाजी	"	५०			
" चूनीलाल जसरूपजी	"	५०			
" ज्वेरचंद प्रेमचंद	देगाम	५०			
" केसरीचंद परागजी	कोपरली	५०			

आ. विजयक्षमाभद्रस्मरि

मोरी बेडा (मारवाड)

अक्षयतृतीया सं. १९९७

